

نفس دی جنگ از توحید دے موتی

سلوک طریقت
تبرکات معرفت

عبادت ہے ایہو بالم نفس جنگ کرنا
نفس الٹ پڑھاندا بانیاں فی

مَنْ عَرَفَ نَفْسَهُ فَقَدْ عَرَفَ رَبَّهُ ۝

نفسِ دیِ جنگ

از

توحید دے موتی

لکھاری:

حضرت سائیں عبدالعزیز المعروف بابا بایلم قادری قلندری نوشاہی عبداللہ
شاہی

خلیفہ مجاز:

حضرت پیر سید عبداللہ شاہ صاحب طبیب روحانی حنی و الحسینی گیلانی قادری
قلندری نوشاہی

جامعہ چشتیہ چوک فیصل آباد

نام کتاب : نفس دی جنگ از توحید دے موتی

لکھاری : حضرت سائیں عبدالعزیز المعروف بابا بلم قادری قلندری نوشاہی عبداللہ شاہی

ناشر، مرتب : محمد یونس چوہدری قادری قلندری نوشاہی عبداللہ شاہی

کمپوزنگ : حسن شبیر (مون)

اشاعت دوم : فروری، 2015

ہدیہ :

تعداد : 1000

ملن داپتہ : 1: فقیر اولیٰ نور الہدیٰ صاحبزادہ حضرت پیر سید ابرار حسن شاہ صاحب گیلانی قادری قلندری
نوشاہی عبداللہ شاہی

سجادہ نشین

درگاہ حضرت پیر سید عبداللہ شاہ صاحب گیلانی طیب روحانی سرکار

جامعہ چشتیہ چوک فیصل آباد

2: محمد یونس چوہدری قادری قلندری نوشاہی عبداللہ شاہی سجادہ نشین درگاہ بابا بلم قلندر سرکار

17 - انجینئری روڈ مصطفیٰ آباد لاہور

موبائل 0300-4290558

Web Mail: www.facebook.com/bababalumsarkar

twitter.com/bababalumsarkar

بِسْمِ اللّٰهِ الرَّحْمٰنِ الرَّحِیْمِ ۝

اسم پاک اللہ رحمن و رحیم دے جیہڑا سب تے مہربانی کرن والا اے

الْحَمْدُ لِلّٰهِ رَبِّ الْعَالَمِیْنَ ۝

سب تعریفاں اللہ دے واسطے جیہڑا سارے جہاناں دا پروردگار اے

لکھ لکھ حمدُ ثناء اُس خالق حقیقی نوں جیہڑا صبح توں لیکے شام تک تے شام توں
لیکے صبح تک بنی نوع انسان نوں اپنے انعام و اکرام دے نال نوازا دا اے۔

=====

بلغ العلاء بکمالہ کشف الدجی بجمالہ
حسنت جمیع خصالہ صلّو علیہ وآلہ

بزمِ پاک محمد ﷺ

لولاک لما خلقت الافلاک وفی روایت لولاک لما اظهرت الربوبیت
نہ پیدا کر دالے محبوب محمد ﷺ تے البتہ میں ظاہری نہ کر دال اپنی ربوبیت نوں
یعنی تہاڈی خاطر ای دوّاں جہاناں نوں پیدا کیتا اے

=====

بزمِ پاک حضرت علیؑ کرم اللہ وجہہ

جانے یا علیؑ شاہِ مرداں

جہناں دسیاں اے راہِ مرداں

حیدر صفدرؑ حیدر صفدرؑ حیدر صفدرؑ

نفسِ پیغمبرِ ہادی رہبرِ ہادی عالم

خلقِ مجسمِ نورِ مکرم سیدِ سرور

مخزنِ حکمتِ شانِ عبادتِ

تاجِ عدالتِ کانِ سخاوت

بیتِ موسیٰؑ تقویٰ عیسیٰؑ اطاعتِ یحییٰؑ

عابدِ اکبرِ ساقیِ کوثر

حیدر صفدرؑ حیدر صفدرؑ حیدر صفدرؑ

ایس کتاب نوں اسیں چوہدری محمد یونس صاحب دے وڈے صاحبزادے علی ارسلان
چوہدری دے ناں نال منسوب کرنے آں جیہڑے جولائی 2000 وچ اک حادثے
انچ وصال کر گئے۔ اللہ تعالیٰ انہاں نوں جنت وچ جگہ دے۔

حضرت سید پیر ابرار حسن شاہ گیلانی قادری قلندری نوشاہی، عبد اللہ شاہی

نوٹ:

نفس دی جنگ، کا یہ دوسرا ایڈیشن چھپوایا ہے پہلے ایڈیشن کا کچھ کلام شامل نہیں کر سکے
اور کچھ کتابت کی غلطیاں بھی تھی جو کہ درست کر دی گئی ہیں اس کے علاوہ کلام میں
قرآنی آیات اور احادیث مبارکہ کا اضافہ بھی کیا گیا ہے آیات اور احادیث مبارکہ کو
کافی احتیاط کے ساتھ لکھا گیا ہے پھر بھی اگر کوئی کمی بیشی رہ گئی ہو تو اس کے لیے پیشگی
معذرت طلب کرتے ہیں علاوہ ازیں زیر، زبر کا فرق ہو تو ہمیں اپنی قیمتی آراء سے
آگاہ ضرور کریں۔

یہ کتاب میں نے اپنے پیر و مرشد فقیر اولیٰ نور الہدیٰ صاحبزادہ حضرت پیر سید ابرار حسن
شاہ گیلانی کے حکم و آمر سے مرتب کی اور چھپوائی ہے۔

بشکریہ:

محمد یونس چوہدری

پیش لفظ

تاریخ گواہ اے کہ تہذیب انسانی دے بدلاؤ وچ باقی عناصر دے نال نال
 پیراں فقیراں دے عارفانہ کلام نوں وی اک خاص اہمیت حاصل رہی اے۔ انسانی
 عقل نے جس طرح سائنسی ترقی وچ نویاں راہواں کھولیاں نیں ایسے طراں مرشداں
 نیں وی معرفت دیاں بڑیاں سوکھیاں راہواں دسیاں نے جنہاں راہواں تے چل
 کے انسان اپنے رب نوں پاسکد اے۔

ایس کتاب نوں لکھ کے چھپوان دا مقصد وی انسان دی عقل تے شعور نوں بیدار
 کرنا اے۔ ایس کتاب اندر خاص طور تے نفس جنگ دی شعری انداز وچ بحث کیٹی گئی
 اے نفس تے روح دا جھگڑا، تے اللہ تعالیٰ دے نبی پاکؐ ول جان والیاں رستیاں دا
 روح پرور نظارہ پیش کیتا گیا اے۔ ایس کتاب نوں پڑھدے ہوئیاں تانوں بابا بلھے
 شاہ، تے حق سلطان باہو جے عارفاں دی یاد تازہ ہو جائے گی جیڑا عارفانہ کلام سائنس
 عبدالعزیز المعروف بابا بالم قادری نوشاہی عبداللہ شاہی نے بڑی آسان تے سہل
 پنجابی وچ بیان کیتا اے۔

یا سر عثمان چوہدری

17- انفینٹری روڈ مصطفیٰ آباد لاہور

فون نمبر 0300-4201868

=====

گنج بابا بایلم قلندر دے بارے

حضرت سائیں عبدالعزیز المعروف بابا بایلم قادری قلندری نوشاہی عبداللہ شاہی

سن ولادت 1920ء وصال 2001ء

انسانی زندگی دے کمال دیاں مثالیں اولیاء کرام دے ہی حالات قدسیہ وچ مل
دیاں نے اولیاء کرام نہ صرف صاحب کرامت ہندے نے بلکہ صاحب علم و عمل وی
ہندے نے، تقویٰ طہارت وی ایہناں نوں حاصل ہندی اے جیہڑے دنیا نوں اپنی
ہتھیلی اُتے دیکھ لیندے نے۔ قرآن وچ اللہ تعالیٰ فرماندے نے

الْم ۝ ذٰلِكَ الْكِتٰبُ لَا رَيْبَ فِیْهِ هُدٰی لِلْمُتَّقِیْنَ ۝

ترجمہ: (الم) بے شک اس کتاب وچ کوئی شک نہیں، اور ایہ کتاب متقیوں واسطے ہدایت
اے۔

ہُن ساڈا ایمان کامل اے کہ قرآن مجید اللہ پاک دی آخری کتاب اے جیہڑی اللہ
دے حبیب تے ساڈے آقا سرکارِ دو عالم دے وسیلے نال ساڈے تک پہنچی ایس
کتاب دا ہر مسلمان واسطے پڑھنا ثواب اے رحمت اے تے شفاء اے تے ہدایت
اے ہن بندہ ایس نوں پڑھ کے تے رحمت شفاء تے ثواب حاصل کر سکدا اے پر
ہدایت لین واسطے بندے نوں وسیلے دی ضرورت اے تے اونہوں ہدایت لین لئی
ناطق قرآن یعنی انعام یافتہ ول جانا پیندا اے اے جیہڑا بندے نوں اپنی نظر کرم نال
نواز دیندا اے بابا بایلم وی انہاں ای متقی تے پرہیزگار درویشاں چوں اک درویش
نے۔

میرے تایا سائیں عبدالعزیز المعروف بابا بایلم ایس زمانے دے اُچے درویشاں

چوں نے اوسن 1920ء نوں ضلع گرداسپور تحصیل بٹالہ تے پنڈ قلعہ ٹیک سنگھ وچ پیدا ہوئے انہاں دے والد داناں مہر میراں بخش سی ساڈا تعلق آرائیں قبیلے نال اے۔

بابا بلم دی پیدائش داقصہ ایس طراں اے مہر میراں بخش دے گھر شادی دے کئی ورے گزرن تک اولاد نہیں ہوئی تے او کجھ پریشان رہن لگ پئے انہاں دے پنڈ دے باہر اک بزرگ جھگی دے وچ رہندے سن اک دن مہر میراں بخش اپنے ٹبرنوں نال لے کے تے انہاں درویشاں دی خدمت وچ حاضر ہوئے تے اپنی عرض گذاری انہاں بزرگاں نے انہاں دے ٹبرنوں اپنے مٹی دے پیالے وچوں چار دانے کچے چاولاں دے دتے کنیا دھیئے اے کھالے تے انہاں دے ٹبرنے دانے کھالے تے انہاں بزرگاں نے مہر میراں بخش نوں فرمایا جا کا کا تیرے گھر رب دو پتر تے دو دھیاں دے گا۔ پتر دوئیں درویش ہون گے انہاں بزرگاں دی گل سچی ہوئی تے مہر میراں بخش دے گھر چار بچے پیدا ہوئے دو پتر تے دو دھیاں۔

سائیں عبدالعزیز سب توں وڈے سن تے فیر سائیں عبدالرحمان پیدا ہوئے دوئیں درویش ہوئے۔ اتھے میں اس گل داوی ذکر کردیاں کہ میرے پردادا مہر شہزادہ ہوناں نوں وی اک درویش نے دُعادتی سی کہ تیرے کنبے چ ہر دوسری نسل چ اک درویش ضرور ہوئے گا شاید ایس دُعادی وجہ توں ساڈے سارے کنبے نوں بٹالہ توں لے کے تے ہن تک بابیاں دا کنبہ کہندے نے سائیں عبدالعزیز ہوناں نوں سکول داخل کرایا گیا لیکن انہاں دا پڑھائی ول ذرا وی دھیان نہیں سی تے۔ او پڑھائی چھڈ کے اپنے والد نال وائی نیجی کرن لگ پئے۔ تے کچھ عرصے بعد اولاد ہور نوکری لئی

آئے تے بیکو کمپنی وچ جدے مالک وی ساڈے بٹالہ دے سن ایس حوالے نال اوبیکو وچ ملازم ہو گئے۔ اوس دے بعد انہاں دی شادی انہاں دے خاندان وچ کر دتی گئی۔ اک دن او اپنی فیکٹری دے کسے کم واسطے لاہور توں جالندھر گئے تے او تھے انہاں نے اچانک حضرت سید عبداللہ شاہ صاحب نوں ویکھیا تے انہاں دے قدماں وچ بیٹھ گئے۔ تے انہاں نے بڑی عنایت کیتی تے انہاں نوں اپنا مرید کر لیا۔ تے فیر پاکستان بن گیا تے اجاڑے پے گئے پنجاب وٹڈیا گیا ساڈا سارا کنبرا میرے دادا مہر فرزدین دی سربراہی وچ ہجرت کر کے پاکستان آ گیا تے اتھے آ کے پورا کنبہ تقسیم ہو گیا کیونکہ ساڈے پورے کنبے نوں اک جگہ تے زمین الاٹ نہیں ہوئی لیکن میرے دادا تے انہاں دے دوسرے چار بھراواں نوں ستیانہ چک نمبر 34 وچ زمین الاٹ ہوئی تے سائیں عبدالعزیز ہوناں نوں وی او تھئی زمین ملی۔

سائیں عبدالعزیز ہوناں دے پیر و مرشد حضرت سید عبداللہ شاہ صاحب وی ہجرت کر کے پہلے ساہیوال تے فیر اوتھوں فیصل آباد مائی دی جھگی آ کے ڈیرا لایا سائیں عبدالعزیز ہوناں اپنے مرشد نال بے پناہ عشق کیتا جدی جھلک انہاں دے کلام وچ بہت جگہ سانوں ملدی اے۔

جیویں --

میرے گر عبداللہ ساقی نوں مست بناونے آندے نیں
اکھیاں دے وچ اکھیاں پا کے بے خودی دے جام پلانے آندے نیں

گر عبداللہ دے بلہاری
بالم جاوے سو سو واری

حضرت عبداللہ شاہ صاحب ہوناں نیں وی سائیں عبدالعزیز دے بڑا کرم کیتا
تے اونہاں نوں اپنی خلافت توں سرفراز فرمایا۔ نال ای بابا بالم دے ناں توں پکاریا۔
ایس توں بعد اوسائیں عبدالعزیز دی بجائے بابا بالم دے ناں توں ای مشہور ہوئے۔
بابا بالم شروع توں ای پنجابی وچ شعر کہندے سن چونکہ خود لکھ نہیں سکدے سن تے
ایس وجہ توں اونہاں دے پیر بھائیاں تے مریداں نے آپ دے شعر لکھنے شروع
کیتے حضرت پیر عبداللہ شاہ صاحب بابا بالم دا کلام بڑے شوق نال سندے تے داد
دیندے سن۔

بابا بالم ہوناں نے اپنے کلام وچ رب دے اسرار نوں بڑے سوکھے تے
نویکلے لفظاں وچ پیش کیتا اے۔ انہاں دا سارا ای کلام دل موہ لیندا اے۔
بابا بالم صاحب 1980ء وچ بیکوفیکٹری توں ریٹائر ہو گئے۔ تے اوس تو بعد
انہاں سارا عرصہ اپنے مرشد دی یاد وچ گزاریا 1998ء وچ آپ صاحب فراش ہو
گئے تے میں کوشش کیتی کہ۔ ہسپتال وچ داخل کرا کے آپ دا علاج کرائیے مگر اوہناں
سائیں لوکاں نے ایہ جواب دے کہ ٹال دتا کہ علاج دی ضرورت نہیں جنہیں بیمار کیتا
اوہ دیکھ رہیا اے۔

شاید انہاں جیسے درویشاں بارے ہی علامہ اقبالؒ نے فرمایا:
قدرت کی عطا کردہ ہے یہ شانِ فقیری
حالات کے قدموں میں قلندر نہیں گرتے

گرتے ہیں بڑے شوق سے سمندر میں دریا

لیکن کبھی دریا میں سمندر نہیں گرتے

جتنے بہت سارے من والے انہاں کول آوندے رہے تے خدمت کردے
رہے حضرت پیر ابرار حسن شاہ صاحب وی اوہناں دے کول آندے رے، مگر حکم
خداوندی سی کہ بابا بلم صاحب ایس جہان توں اپنے حقیقی رب نال ملاقات لئی چلے
گئے۔ انہاں دامزار قبرستان حضرت میاں میر صاحب وچ تعمیر کیتا گیا۔

بابا بلم دامزار بناون وچ اوہناں دے پیر و مرشد حضرت سید عبداللہ شاہ طیب
روحانی دے صاحب زادے حضرت سید پیر ابرار حسن شاہ صاحب نے بڑی دلچسپی
نال رہنمائی فرمائی۔

حضرت سید پیر ابرار حسن شاہ صاحب خانوادہ اولیاء نال تعلق رکھن دی بنا توں
قابل احترام تے ہیں مگر اوہناں دا اپنا ذاتی وقار وی خدا نے بہت بلند کیتا اے اور اوہ
مخلوق خدا دی بے لوث خدمت واسطے ہر وقت تیار رہندے نیں۔ پیر ابرار حسن شاہ
صاحب نے بابا بلم دا کلام اکٹھا کرن وچ تے ایہنوں ترتیب دین وچ بڑی مدد اور
رہنمائی فرمائی اے، ایہناں کاوشاں دا ای نتیجہ اے کہ آج ایس بابا بلم دے کلام نوں
کتابی شکل دین وچ کامیاب ہوئے آں۔ میرے تے بابا بلم قلندر سرکار نے خاصا
کرم کیتا اے اپنے دربار دا خادم مقرر کیتا اے۔ مینوں ایہہ اعزاز حاصل اے کہ
بابا بلم تے سائیں ایس پی دونوں میرے گھر آوندے سن، سائیں ایس پی تے بس
اک ادھادن رہندے سن مگر بابا بلم کافی دن میرے گھر رہندے سن اوہ اپنے آپ

وچ گمن رہندے سن بہت بولدے نہیں سن، جدوں کدھے اوموڈ وچ ہوندے فیر تھوڑی دیر لئی محفل لگدی سی، نالے بابا بالم صاحب داکلام سنن داموقع ملدا سی۔ اتھتھے میں بابا بالم دے چھوٹے بھائی سائیں عبدالرحمن دا ذکر وی ضروری سمجھنا واں ویسے تے اوہ بہت سادہ طبیعت سن مگر بابا بالم دی طرح بالکل خاموش نہیں سن بلکہ ساریاں نال گھل مل جاندے سن جدوی او میرے گھر آندے دروازے وچوں ای حیدر صفدر حیدر صفدر دالعرہ مار دے سن اوہ بڑے خوش مزاج تے نالے ملنسار سن۔

سائیں ایس پی صاحب خود فرماندے سی کہ میں دس پیر پھڑے سب دی بہت خدمت کیتی مگر سب نوں ایہوای کہیا کہ نہ مینوں اولاد چاہی دی اے تے نہ ہی دولت بس جو کجھ حاصل کرن دی مینوں تمنا اے بس اوہی عنایت کرو مگر دساں (10) پیراں نیں مینوں جواب دے دیتا کہ بچرا جو کجھ تینوں چاہی دا اے اوہ ساڈے کول نہیں، ایس طرح میں بے مراد ہی واپس آ جانداسی۔ ایک دن وڈھے بھائی بابا بالم نے فرمایا کہ عبدالرحمن سب کجھ چھڈتے میرے مرشد سید عبداللہ شاہ صاحب کول مائی دی جھگی فیصل آباد چلا جاتیرا کم اتھے ضرور بن جائے گا۔ میں اتفاقاً کسے کم نال فیصل آباد گیا تے میں سوچیا کہ اتھے پائی بالم صاحب دے پیر و مرشد ہیگے نے کیوں نہ اوہناں کول جایا جائے، لہذا میں اگلے دن مائی دی جھگی اوہناں دے آستانے تے چلا گیا اوس وقت رات دے دس بج رہے سن میں اتھے بیٹھے ملنگاں توں پچھیاتے اونہاں نے دسیا کہ باباجی تے گھر چلے گئے نے تے ہن آپ صبح فجر دے وقت آون گے، میں ملنگاں نوں آکھیا کہ میں لاہور توں آیا واں تساں باباجی نوں پیغام دیوا اگر آجان تے ٹھیک ورنہ میری قسمت، فیر ایک ملنگ مینوں نال لیکے باباجی دے گھر ول روانہ ہویا

اوس ملنگ نے دروازہ کھٹکایا تے اندروں آواز آئی کون؟ ملنگ نے دسیاں کہ لاہوروں ایک مہمان آیا اے۔ باباجی نے دروازہ کھولیا، اوہناں نے اک ہتھ وچ کھونڈی تے دوسرے وچ لالٹین پھڑی ہوئی سی، اوہناں نے لالٹین میرے منہ دے کول کیتی تے آکھیا اوائے ایس پی توں ہن آیا ایس اسی تے بڑی دیر توں تیرا انتظار پہ کر دے ساں، فیر اوہناں نے ملنگ نوں کہیا کہ ایس مہمان نوں آستانے تے بٹھاؤ اسی آرہے آں، اوسے رات سرکار حضرت سید پیر عبداللہ شاہ طیب روحانی نے نظراں دے جام پلائے کہ اکورات وچ ہی میرا کم بن گیا تے اوس دن ہی میں عبدالرحمن دی بجائے سائیں ایس پی دے ناں توں مشہور ہویا۔

تے فیر باباجی نے آکھیا کہ سائیں ایس پی تہاڈے بابے نے ساڈھے بابے نوں 12 سال نچایا سی پر اسی تینوں اکورات وچ ای پار کردتا، شاید اوہناں دا اشارہ بابا بلھے شاہ دے ولے سی، کیوں کہ بابا بلھے شاہ سید سن تے بابا شاہ عنایت آرائیں سی مگر اتھے معاملہ ذرا الٹ ہو گیا کہ میں آرائیں تے مرشد سید نے۔

ایس کتاب نوں کمپوز کرن وچ میرے پتر یا سر عثمان چوہدری نے تے حسن شبیر (مون)، تے حافظ برہان عزیز نے میری مدد کیتی اے میں انہاں دا بہت شکر گزار آں۔

بابا بالم ہوناں دا عرس مبارک ہر سال عیسوی مہینے نومبر دی 14، 15، 16 تاریخ نوں اوہناں دے دربار شریف قبرستان حضرت میاں میر صاحب تے ہوندا اے۔

تہاڈیاں دعاواں دا طالب
محمد یونس چوہدری قادری قلندری نوشاہی عبداللہ شاہی سجادہ نشین دربار عالیہ بابا بایلم سرکار
17۔ انفینٹری روڈ مصطفیٰ آباد لاہور۔

موبائل 0300-4290558



فقیر اولیٰ نور الہدیٰ: صاحبزادہ حضرت سید پیر ابرار حسن

شاہ گیلانی صاحب

سائیں عبدالعزیز المعروف بابا بالم میرے والد گرامی حضرت سید عبداللہ شاہ صاحب طبیب روحانی دے چند پرانے تے نالے ذی مرتبہ مریداں وچوں اک نے۔ آپ اپنے مرشد نال والہانہ عشق کر دے سن جدی جھلک سانوں آپ دے کلام وچ وی نظر پئی آؤندی اے۔ اسیں چھوٹے ہندے ساں جدوں بابا بالم والد صاحب کول آن کے بیٹھدے سن تے اسی اوہناں دا کلام بڑے شوق نال سن دے ساں۔ والد صاحب اکثر لاہور بابا بالم دے کول آندے سن تے میں وی اوہناں دے نال آنداسی جدوں گڈی لاہور دے وچ داخل ہوندی سی تے والد صاحب کہندے سن کہ ابرار اپنا سامان دروازے کول کر لے، بابا بالم نیں گڈی بادامی باغ اسٹیشن تے نہیں جان دینی، فیر اوہی ہوندا کہ گڈی اسٹیشن توں کافی باہر بابا بالم صاحب دے گھر دے سامنے رُک جاندی تے اسی اُتر جاندے ساں۔ اوہناں دا گھر تھوڑی دوری تے ای سی بیچ منٹ داراہ سی تے ایہہ اک واری نہیں بلکہ کئی واری ہو یا سی۔

بابا بالم صاحب اج دے دور دے بڑے عظیم درویشاں وچوں نیں جہاں نے اپنے کلام دے ذریعے بہت سارے معاشرتی مسئلیاں تے شریعت طریقت تے معرفت تے نہ صرف بحث کیتی اے بلکہ ایہناں مسئلیاں تے قابو پالین دے آسان طریقے وی دے نے۔ بابا بالم بڑے محبت کرن والے درویش سن میرے نال وی بڑی محبت کر دے سن انہاں نے اپنے عارفانہ کلام دے ذریعے رب دے اسرار انوں بڑی خوبصورتی دے نال کھولیا ہن پڑن والے تے وے کہ انہاں اسرار تے پہنچ دے نے یا نہیں۔

چونکہ بابا بالم خود لکھ نہیں سکدے سن جدی وجہ توں مختلف مریداں تے منن والیاں نیں آپ

دا کلام لکھیا۔ ایس وجہ توں تو اڈا کلام بکھریا ہو یا سی جنوں اکٹھا کرنا بہت مشکل کم سی مگر ایہ مشکل کم بابا
 بلم ہوناں دے بھتیجے محمد یونس چوہدری جہاں نال بابا بلم ہونی بہت پیار کر دے سن دی کاوش دے
 نال اکٹھا ہو یا نے چھپیا۔ بابا بلم ہوناں داسارا کلام حق الیقین تے مشاہدے تے ہے اے حال
 دے درویشاں تے سدھے رستے ول اشارہ تے رہنمائی اے۔

فقیر اولیٰ نور الہدیٰ: صاحبزادہ حضرت پیر سید ابرار
 حسن شاہ گیلانی قادری قلندری نوشاہی عبداللہ شاہی
 وسجادہ نشین درگاہ
 حضرت سید عبداللہ شاہ صاحب طیب روحانی
 جامعہ چشتیہ چوک فیصل آباد

=====

نذرانہء عقیدت (منجانب : سائیں عارف)
 شعر پڑھ کے بالم دے اے دل کھندا
 اے کوئی روپ ہے یار مستانڑے دا

بالم رب دا پڑھ قرآن دیا رمزق دے سر والی کھول چھڈی
 ہیر رانجھے دا عشق مثال دس کے گل الف تے میم والی کھول چھڈی
 رکھ سامنے ست گر عبداللہ نوں بالم اصل گل تے رب دی بول چھڈی

بابا بالم خیر تیری دربار وچوں گھونگھٹ لاء کے مکھ دکھایا ای
 حرف کڈھ کے شہر قرآن وچوں حیدر صفدر دا ورد کمایا ای
 گھنڈ لا کے الف تے میم اتوں مُرشد رب دی سیج بٹھایا ای
 گلاں دس کے عامان تے خاصاں نوں گر عبداللہ شاہ سمجھایا ای

ڈنڈی

پنجاں ماشیاں دی میری بنی ڈنڈی چھیویں گھڑی آ نال پیار ڈنڈی
 پنج پھل پا کے ڈنڈی تیار کیتی ایس ڈنڈی چوں گئی ہزار ڈنڈی
 الحمد للہ رب العالمین والی پھرن لبھدے بے شمار ڈنڈی
 مستقیم توں بھل عزیز گیا پئے گئی بھل کے غیر دی یار ڈنڈی
 جدوں ہو حیران میں ریاں کھڑا وقف کار اک راہ دا جائے ڈنڈی
 اُوہدے ہو اگے میں عرض کیتی میں تے بھل کے پے گئیں آں ہور ڈنڈی
 اُس آکھیا آ فیر نال میرے سدھی جاندی اے ایہو دربار ڈنڈی
 ایس ڈنڈی میں نت عزیز جانا کھڑ دی اے ایہو کول سرکار ڈنڈی
 تیغ لا دی ہتھ وچ پھڑ کے تے قتل غیراں نوں کردا گیا ڈنڈی
 گھوڑا تصور دا ذکر دی واگ دے کے عشق لے کے گیا دوڑا ڈنڈی
 جیویں کڑک کے بجلی افلاک چڑھے ایویں لے گئی دسویں دیوار ڈنڈی
 اوتھے عجب تماشا عزیز ڈیٹھا پیاں نکلیاں غیر مٹا ڈنڈی
 اک ڈنڈی لاہوت چوں وچ ناسوت آوے اک ناسوت چوں جاوے لاہوت ڈنڈی
 ڈنڈی باراں تے چوداں دی شان اعلیٰ چواں یاراں دی عجب مثال ڈنڈی
 پنچتن دے در تے عزیز کھڑ دی سخی سورمی سوہنی سلطان ڈنڈی
 اک ڈنڈی میں عجب عجیب ڈیٹھی در علی دے جو لجائے ڈنڈی

نبیؐ شہر علم علیؑ ہے در اودا
 پیر شاہ عبداللہ دے کرم سیتی
 ایس ڈنڈی ہے عزیز او جاندا
 جے کر پیا دے ملن دی طلب آئی
 اونوں جا کے سیس جھکا دیویں
 اوتھوں نام دھیان توں لئیں اکھر
 بناں کلمے عزیز سب بھنڈی
 کیتی بیعت نہیں جاہلاں نے نا کرن دیتی
 اے تے حوراں دے عشق وچ مر کے
 ایویں کیداں حقیقت سی کھل پینی
 گیا مرتے کفن عزیز دے کے
 مرن تھیں پہلے جیڑے مر چکے
 آئی موت نہ مر کے گئے جیڑے
 جدوں پھڑ کے شاف نے پھنڈ چاڑی
 صلہ عملاں دا ہر کوئی عزیز لے کے
 در علیؑ دے کھولیاں جائے ڈنڈی
 علم شہر دا سیر کرائے ڈنڈی
 رہبر راہ دا جینوں لجاے ڈنڈی
 رہبر راہ والی کوئی لہہ ڈنڈی
 نقشہ جانے سراپا دی جو ڈنڈی
 اگے نفی اثبات دی پائے ڈنڈی
 کلمہ تے یار دے ملن دی ہے ڈنڈی
 وہم دوئی اے غیر دی گئے ڈنڈی
 اگے لہی طریقت دی نہیں ڈنڈی
 معرفت دی اگے ہے ہور ڈنڈی
 اونوں چک کے پے گئے نے گور ڈنڈی
 پئے گئے بغیر حساب دی او ڈنڈی
 گل پئی اے حساب دی کئی پنڈی
 بھل گیا چلا کیاں تے عادت نہ گئی
 او ایس ڈنڈی تے او اوس ڈنڈی

أَنَا مِنْ نُورِ اللَّهِ وَلِكُلِّ خَلْقٍ مِنْ نُورِي ۝ (الحديث)

نور

ایس گل اُتے اسیس سارے ہاں پکے
ریاں یا محمدؐ وچ شک نا ہی
جگہ جگہ وچ رچیا مچیا اے
اللہ وچ نبیؐ نبیؐ وچ اللہ
صورت وچ محمدؐ دے روح تیری
بالم جے نہ نبیؐ دا منہ لیندا
تے ملاں اوس خدا دی کرے پوجا
ہتھ پیر نہ جسم نہ جان جس وچ
چمھی اللہ محمدؐ دی پئی ہوئی اے
ایویں کیداں پچھانیاں جائیں بالم
نور نبیؐ دا اللہ دے نور وچوں
ڈیٹھا عارفاں نے سینے طور وچوں
چمکاں مار دا گل تے حور وچوں
اللہ بولیا خود حضورؐ وچوں
عیسیٰؑ بن داسکھیا ای ول کتھوں
بے صورتا سی کردا گل کتھوں
جدا منہ کن تے نہ نک ہووے
فائدہ کجھ نہیں بھاویں لکھ ہووے
اک دوجا نہ کسے تو دکھ ہووے
وکن والی جناں چر نہ اکھ ہووے

(سورة اخلاص آیت نمبر 1)

قُلْ هُوَ اللَّهُ أَحَدٌ

الف

اک نقطہ دی الف دا ہونا
 لا وجود تے للہ مکھڑا
 الف دے جلوے میم چ چمکے
 عزیز جے پردہ میم نہ کردا
 وے بس کر ملاں نہ پھول کتاباں
 کتے حاکم کتے حکم کتے محکوم پسارا
 عزیز پھڑ لین چور نو جیڑے
 پتاں تے اُہوگیاں عشق جہاں ول دھایا
 حاجی چلے یار خریدن
 عزیز او نہیں کدھرے جاندے
 فرق رب تے گر وچ نہیں ہوندا
 پنجاں بناں نہیں چھیویں دی گل ہوندی
 پیپڑے تے نہ اے ہلدا نا بولدا اے
 عزیز گراں نے مرتبے ست دے

تے الف دا کل پسارا
 گل میم دا چولا سارا
 نور چھڈے لشکارا
 لیندا کیویں نظارہ
 شاہی اکو جگ سارا
 کتے شاہ تے کتے سخی کتے منکن ہارا
 نہیں کھوج دا کر دے چارا
 ٹھے جاندے وچ بال نیانے جد بانگ آوازہ آیا
 بن کے پلے مایا
 جناں دلبر دل چوں پایا
 بُت مٹی دا کدے بولدا ای نہیں
 چھیویں بنا تو حید کوئی کھولدا ای نہیں
 ہندا کول ایہدے کول ناہی
 بنا گراں دے گنڈھ کوئی کھولدا ای نہیں

(سورة بقره آیت نمبر 54)

فَا قَتُلُواْ اَنْفُسَكُمْۙ

نفس جنگ

ایس قلبوت وچ دوبادشاہیاں وس دیاں نیں
 گر ہووے کامل تے بیڑیاں تار دیندا
 جناں کسے نہیں گرو دی بیعت کیتی
 عبادت ہے ایہو بالتم نفس جنگ کرنا
 جنگ نفس تے روح دا ہو ریاں
 غصہ نفس دی فوج دا سپہ سالار تے ابلیس وزیر بنیاں
 فوج روح دا صبر سپہ سالار تے عقل وزیر بن گئی
 وار نفس دی فوج دے روکنے نوں
 فوجاں غصے دیاں غصے نال آن لڑیاں
 چڑھیا جھوٹ جرنیل جو نفس دی فوج دا اے
 بغض حسد کینہ لوبھ موہ سارے
 حملہ روح دی فوج تے آن کیتا
 چڑھیا سچ جرنیل جو روح دی فوج دا اے
 چلی سچ دی جدوں تلوار بالتم
 چڑھیا کام جرنیل جو نفس دی فوج دا اے

تے بناں گراں دے کوڑ کہانیاں نی
 بے گریاں دیاں رڑھ جانیاں نی
 ماراں نفس دیاں اوناں کھانیاں نی
 نفس اُلٹ پڑھاندا بانیاں نی
 اک دو بے اوتے تیغاں تانیاں نی
 تیغاں ظلم دیاں جناں چلاناں نی
 تلواراں صبر دیاں اگوں واہنیاں نی
 ڈھالاں صدق یقین دیاں ڈھانیاں نی
 تلوار صبر تھیں مار مکانیاں نی
 چغلی حرص طمع چڑھ آنیاں نی
 فوجاں ہو ر وی نال رل جانیاں نی
 گلاں جھوٹھیاں دلاں وچ پانیاں نی
 فوجاں سچ دیاں چڑھ آنیاں نی
 تلواراں جھوٹھ دیاں ٹٹ جانیاں نی
 فوجاں روح دیاں کام تڑ فانیاں نی

شوق شہوت دے تو پاں وچ گھت گولے
 فوجاں روح دیاں وہم وچ پانیاں نی
 اوتھے وہم جا کے پا وہم دیندا
 چڑھیا یقین جرنیل جو روح دی فوج دا اے
 جتھے جنرل یقین نے بالم قدم رکھے
 دوئی چڑھ آئی نفس دی فوج ولوں
 سدھ بدھ تے ہوش رہی نہ مولے مینوں
 ہو ہو دا ذکر وجود اندر
 دوئی دور کر کے سانوں رکھیا اے
 جدوں دو تھیں بالماں اک ہوئے
 چڑھیا غصہ جرنیل جو نفس دی فوج دا اے
 خودی تکبر، غرور تے کبر ہنکار سارے
 حملہ روح دی فوج اوتے آن کیتا
 چڑھیا صبر جرنیل جو روح دی فوج دا اے
 جت ست تپ ہتھ نے لہ دی ضرب دے کے
 سٹ لہ دی کام نے جھلنی نہیں
 فوج نفس دی قلعے دے وچ وڑ کے
 فوج روح نے صبر دے سٹ گولے
 قبضہ نفس دے قلعے تے کرن بدلے
 فوج روح دے اوتے چلنیاں نی
 جتھے کسے نوں طاقت نہیں پہنچنے دی
 اے عاداتاں اونوں بہت پرانیاں نی
 فوجاں چڑھ یقین دیاں آنیاں نی
 اوتھوں وہم نے بھاجڑاں چانیاں نی
 تے فوجاں دوئی نے آن اتاریاں نی
 دھولاں دوئی نے جھیریاں ماریاں نی
 سٹاں دوئی دے سر وچ لانیاں نی
 لگ دوئی دیاں گکیاں جو بیماریاں نی
 گلاں دوئی دیاں عشق جد ساڑیاں نی
 نیزے برچھیاں سان چڑھانیاں نی
 فوجاں نال اُہدے چڑھ آنیاں نی
 نیزے برچھیاں خودی چلنیاں نی
 فوجاں صبر دیاں چڑھ آنیاں نی
 سٹاں کام دے سر وچ لانیاں نی
 فوجاں کام دیاں نس جانیاں نی
 تیر ترکشاں کفر چلنیاں نی
 فوجاں قلعے وچ مار مکانیاں نی
 فوجاں روح دیاں قلعے وچ ٹھانیاں نی

جد پھڑ کے نفس نوں زیر کیتا
 متاں اپنیاں نفس نے چھڈ کے تے
 حکم روح دا من کے چلے گا نفس گھوڑا
 حکمرانیاں کرے گی روح نفس دے ملک اوتے
 کلمہ پڑھ کے تے نفس مسلمان ہونا
 خلافت روح دی نفس تے جدوں ہوئی
 کلمہ نفی اثبات دیاں بالماں ہوئے وارد
 جدوں نفس نے روح دی بیعت منی
 جھاڑو لا دا قلعے وچ آن پھرنا
 فوجاں روح دیاں کام تو بچن بدلے
 تصور شیخ نو جناں پکا لیا
 ڈنکا دین والا بالماں وجناں ایں
 تے مومن پڑھن نماز معراج والی
 عشق امام عاشقاں ساریاں دا
 جناں اوتھے سی عشق نماز نیقی
 جپ جاپا تے انحد جدوں مرے
 جدوں عشق نے آن کمند پائی
 نا جان اُنوں نا بالماں جان انیوں
 اوناں اپنا رب پہچان لیتا
 صفاں ماتمی نفس وچ چھانیاں نی
 متاں روح دیاں نفس اپنیاں نی
 واگاں وطن ملکوت ول چانیاں نی
 تے کلمہ نفس نوں آن پڑھانیاں نی
 اُمتی نبیؐ دا فیر بن جاوَنّاں نی
 خلیفہ جگ دا اوس اکھوانا نی
 درشن اپنے آپ دا پاوَنّاں نی
 فوجاں ہو روی بیعت نوں آوَنیاں نی
 فیر کفر نے بھاجڑاں چانیاں نی
 تصور شیخ دے وچ سمائیاں نی
 وار تہاڑ ہو کے موجاں مانیاں نی
 بانگاں قلعے اندر مل جانیاں نی
 امام عشق نے آن پڑھانیاں نی
 گلاں گُن توں پہلے پرانیاں نی
 ایتھے آن سادھیاں لائیاں نی
 فیر کھل تجلیاں جانیاں نی
 راج چھڈ دتے سنے رانیاں نی
 میں توں دیاں رُڑھ جانیاں کہانیاں نی
 نفس پہچانیاں جناں سیانیاں نی

جدوں نفس نے روح دی بیعت منیٰ برائیاں ختم ہو جانیاں ساریاں فی
 روح گروتے نفس بن گیا چیلّا چیلے پڑھنیاں گراں دیاں بانیاں فی
 مکھن کڈ کے گھیو اوکھاں گنیاں جناں دودھ چچ پائیاں مدھانیاں فی
 جناں نفس نوں جنگ وچ زیرِ کیتا سیجاں اوناں سہاگ دیا مانیاں فی
 عبداللہ شاہ دا بالماں کرم ویکھو غوطے کھاندیاں پار لنگھانیاں فی
 نفس جنگ کر کے لکھاں ولی ہو گئے زُہد الانبیاء کوئی سداؤندے فی
 معین الدین جو ہند کے ہوئے ولی داتا بالماں کوئی اکھواندے فی
 گر ہووئے کامل تے قائم نماز ہوندی قائم کرنی اے نماز بہت اوکھی
 پنج ویلے مصلے تے کھڑے ہو کے پڑھ لینی اے بالماں بہت سوکھی
 کریں کرم سائیاں ڈوبیاں تار دیویں تیرے کرم بناں کوئی تار سکدا نہیں
 ہووے کرم تیرا تے سوا لکھ دا واں بناں کرم تیرے باآلم لکھ دا نہیں

=====

فَاَيْنَمَا تُولُوْا فَاثَمَّ وَجْهُ اللّٰهِ ۝ (سورة البقره آیت نمبر 115)

تصویر

ہور کچھ وی نظر نہ آؤندا اے
 مکھ پھیر کے جدھر وی دیکھاں
 نہ توریت، زبور، انجیل، قرآن ہندا
 رکھی منی نہ رب رسول ہندا
 عرش فرش تے لا مکاں اندر
 مسلمانی نہ رہی درکار سانوں
 مندر مسجدیں نال وہار کی
 بھانویں گر عبداللہ توں بن آیوں
 تصویر دکھدیاں تصویر وچ گم ہوگئی
 اوس تصویر چوں ہوئی تصویر پیدا
 سبھے کارخانے ایس تصویر دے نے
 بے صورت نوں صورت دی لوڑ پے گئی
 گیتا پوتھیاں وید گرنتھ بن گئے

اکھاں سامنے رہندی تصویر تیری
 ہر پاسے ای دس دی تصویر تیری
 جے نہ بولدی مونیہوں تصویر تیری
 پیدا ہندی نہ جے تصویر تیری
 بنی ہوئی آخوب تصویر تیری
 نظر کفر چوں آئی تصویر تیری
 بت خانے دے وچ پوجاں تصویر تیری
 نکلی شناخت وچ اوہی تصویر تیری
 فیر نور دی نکلی تصویر تیری
 او وی تصویر تیری ایہوی تصویر تیری
 کر دی ہر جاء کم تصویر تیری
 صورت بن کے سارا جہان آیا
 ایسے تصویر چوں بالم قرآن آیا

=====

(الحديث)

اَلْعِشْقُ نَارٌ يُحْرِقُ مَا سِوَى اللّٰهِ ۝

عشق روگ

عشق روگ دی نویں نویں بہار کڑے عشق روگ نا کسے دے وسدا اے
ماہی من دے مندر وچ وسدا اے

بند کیتے نو دروازے نے وچ دسویں آسن ساجے نے
پئے انحد آون آوازے نے جیویں تار تمبور وجائی دا
پیتا جام توحید الہی دا اے کیتا درشن ڈھولن ماہی دا اے
ہن خوف نہ ریا جدائی دا اے میں چت ول ویکھا دلبر یار گڑے
عشق روگ دی نویں نویں بہار کڑے عشق روگ نہ کسے دے وسدا اے
ایس محل دے نو دروازے نے سارے کیتے بند کڑے
وچے سورج وچے تارے وچے چڑھ دا چن کڑے
جپ اور جاپا دویں مرے سُرُتی ہوئی بلند کڑے
میم دے پردے اولے بہہ کے دل میرے نو کھسدا اے
عشق روگ دی نویں نویں بہار کڑے عشق روگ نا کسے دے وسدا اے

ماہی من دے مندر وچ وسدا اے

(الحديث)

لَوْلَاكَ لَمَّا ظَهَرْتُ رُبُوبِيَّتِي ۝

تن ہے محمدؐ وچ ربؐ بولدا لبھ لے توں ساتھی جیڑا ہے کول دا
 اوہ نحن اقرب کہندا اے شاہ رگ توں نیڑے رہندا اے
 مسجدیں مندریں وچ پھریں ٹولدا الف لام میم والی کیوں نہیں توں گنڈھ کھولدا
 باجھ گراں دے نہیں کوئی بھید کھولدا کھدو کھول لیراں وچوں ایویں پھرے پھولدا
 لبھ لے توں ساتھی جیڑا ہے کول دا تن ہے محمدؐ وچ ربؐ بولدا
 ایہو ای ہیگا ربؐ جیڑا ہے کول دا ایہو ای ہیگا ساتھی تیرے کول دا
 لا الہ دا کہنا نیاں ساڈا مذہب کی لگدا سالا ہو بھر پیالا خضرؑ و پیتا اساں آب حیاتی والا ہو
 نحن اقرب لبھ لیئے تے جھگڑے کل نہڑے ہو لبھ لے توں ساتھی جیڑا ہیگا کول دا
 اسم صفت دا پردہ پا کے جلوہ یار دکھائی دا لوکاں بھانے صورت بشری سانوں روپ الہی دا
 جنگل پھر دیاں فریدا تیری اپھر گئی اومت اے تن من ربؐ سچے دا حجر اتوں اندر جھاتی گھت
 کول وسدے دی تینوں خبر ناہیں جنگل بیلیاں وچ پھریں ٹولدا
 نحن اقرب تے نہیں یقین تیرا کوڑا کلکڑاں وانگ کی پھولنا ایں
 لڑی سانواں دی ہیریاں نال جڑی آ ہیرے خاک دے وچ کیوں رول نا ایں
 عبداللہ شاہ توں کچھ لے پتہ بالم شاید ایہو ای ہووے جنوں ٹولنا ایں
 باجھ گراں دے نہیں کوئی بھید کھولدا تن ہے محمدؐ وچ ربؐ بولدا
 لبھ لے توں ساتھی جیڑا ہے کول دا

ذٰلِكُمُ اللّٰهُ رَبُّكُمْ لَا اِلٰهَ اِلَّا هُوَ خَالِقُ كُلِّ شَيْءٍ فَاَعْبُدُوْهُ وَهُوَ
عَلٰى كُلِّ شَيْءٍ وَكِيْلٌ ۝ (سورة انعام آیت نمبر 102)

گر

گر کرپا دے میں بلہار اک واری نہیں سو سو وار
شاہ عبداللہ ست گر پھڑیا باروں بند تے اندر ڈھونڈا
لہ لیا میں لکيا یار گر صورت دے میں بلہار
سی اندر نیندر لٹی میں ماہی دی سیچوں اٹھی
اوہ روئے میں کھڑکھڑ ہساں پنوں گھر وچ لہ دی بار
یوسفؑ جانے نالے کھاوے بنیامین نہ جانے
یا یوسفؑ نے برقعہ لایا بنیامین پچھانے
پہن کے برقعہ میم دا آیا دلبر دی اے مرضی یار
آپے سی آپے پنوں ہیر رانجھا بن آیا اے
جمع وچوں تفریق وچ آ کے کی کی رنگ وٹایا اے
نظر مار کے پہچانے بالم بھانویں بدلے روپ ہزار
گر کرپا دے میں بلہار اک واری نہیں سو سو وار
چوکھٹ گراں دی کعبہ سمجھ کے حج کرن نوں آئی دا اے
گر صورت دی پوجا کر کر سجدے کر دیاں جائی دا اے
دل چوکھٹ وچ صورت گر دی ہر ویلے نقش پکائی دا اے

گر دی صورت جد پک جاندی کھل دا نور صفائی دا اے
 وحدت دے دریا واں اندر مل مل جا کے نہائی دا اے
 گر صورت دا پہن کے برقعہ صورت وچ سمائی دا اے
 یار دی خاطر کافر ہو گئے ہن کافر آکھوائی دا اے
 کفر وچوں سانوں نظریں آیا رج رج کفر کمائی دا اے
 کافر ہو کے کفر کمایا کفر کمائیاں جائی دا اے
 راز کھلا گل سمجھ وچ آئی اسلام کفر چوں پائی دا اے
 گر عبداللہ ساقی بنیاں پی پی ہوش گوائی دا اے
 ہوش گوا کے ہوش وچ آنا من مندر وچ جائی دا اے
 بلھے شاہ توں پچھ لو جا کے ست گر کیوں منائی دا اے
 گر صورت نوں پڑھیا بالم ست گر اللہ پائی دا اے
 گر صورت دے میں بلہار اک واری نہیں سو سو وار
 ایس عشق دے سن لوکارے رانجھا ہیر لئی مجھیاں چارے
 سوہنی وچ چناں دے رڑھ گئی سسی تھلاں وچ سڑ گئی یار
 بلھے شاہ تو پچھ لو جا کے دیکھ لیا جس گر آزما کے
 اوہ گر رُسیاہ تے رُس گیا یار
 گر صورت دے میں بلہار اک واری نہیں سو سو وار
 جو نہ گر نوں جانے اللہ اوہ کملا کھپدا جھلا
 غیر نہیں کسے مکانوں آیا ایہو سارا اللہ ای اللہ

دل کردا اے سچ بولن نو گل میم مروڑی کھولن نوں
 او سچ کہیا تے چڑھ گیا دار
 گر صورت دے میں بلہار اک واری نہیں سو سو وار
 بے صورت بن صورت آیا میم دے برقعے مکھ چھپایا
 کرم گراں دا ہویا جناں تے دیکھ لیا اوہنا جھاتی مار
 گر صورت دے میں بلہار اک واری نہیں سو سو وار
 نا او کافر نا او مومن نا کوئی مذہب رکھاندا اے
 مسجد دے وچ دیندا بانگاں مندر ٹل کھڑکاندا اے
 کدھرے پھیرے مالا تسبیح کدھرے جنجوں بے شمار
 جیڑا نحن اقرب کہندا اے شہ رگ تو نیڑے رہندا اے
 اے صورت ہے بے صورت دی آپے ای اندر آپے ای بار
 گر عبداللہ دے بلہاری بالم جاوے سو سو واری
 جس لبھایا لکیا یار
 گر صورت دے میں بلہار اک واری نہیں سو سو وار

إِنِّي وَجَّهْتُ وَجْهِيَ لِلَّذِي فَطَرَ السَّمَوَاتِ وَالْأَرْضَ حَنِيفًا ۚ

(سورة الانعام آیت 79)

ہر ساہ وچوں یار دا ناں نکلے مونہوں گر عبداللہ کہنے آں
 گر شاہ عبداللہ دے ناں والا اسیں ورد پکاندے رہنے آں
 گر رب ہوندا رب گر ہندا بنا گراں دے گنڈھ کوئی کھول دا ای نہیں
 رب غصے ہوئے تے گر ملا دیندا گر غصے ہووے تے رب بول دا ای نہیں
 وہم دوئی دا بھرم مٹا کے تے دواں نوں اکو کہنے آں
 گر شاہ عبداللہ دے ناں والا اسیں ورد پکاندے رہنے آں
 تنہا حجرے وچ بہہ کے اسیں ہر دا نظارہ کر دے آں
 دل چوکھٹ وچ صورت گر دی ہر ویلے نقش پکاندے آں
 سب ذات صفاتاں نوں چھڈ کے تے وچوں وہم دوئی نوں کڈھ کے تے
 اسیں درشن یار دا کر دے آں جد لا کے سادھیاں بینے آں
 اسیں پیریں گر دی پینے آں اسیں گر وچ گر ہو رہنے آں
 گر عبداللہ شیشہ بلم منہ اپنا ویکھ لینے آں
 گر شاہ عبداللہ دے ناں والا اسیں ورد پکاندے رہنے آں

صَمِّ بَكْمِ عَمِّ ۝ (سورۃ بقرہ آیت نمبر 18)

بالمآں چپ کر جا ناں بھید دے دا کھولیں
 بالمآں چپ کر جا چپ گپ ہو کے وقت گزار
 سچ کہیا تے پنی مار پر جھوٹھ ذرا نہ بولیں
 بالمآں چپ کر جا ناں بھید دے دا کھولیں
 جے توں لہنا یار پیارا نال چھیتی کجھ کر لے چارا
 جنگل بیلے مول نا جاویں من مندر وچ ٹولیں
 جے توں علم توحید دا پڑھنا نار عشق وچ پے جاؤ سڑنا
 ٹھپ کے کتاباں اک پاسے رکھیاں کتاب اپنی جد کھولی
 بالمآں چپ کر جا ناں بھید دے دا کھولیں
 ہر ہر جاء دا حال پچھاتا ہر بن دوجا ہورناں جاتا
 او جد کھیل کے دیکھی آنکھ مچولی
 ہر جاء گر عبداللہ ٹولی ناں کجھ سنیں تے ناں کجھ بولیں
 اک وجود الف دا ڈیٹھا جد میم الف وچ گھولی
 بالمآں چپ کر جا ناں بھید دے دا کھولیں

وَ فِي أَنْفُسِكُمْ أَفَلَا تُبْصِرُونَ ۝
(سورة الذریت آیت نمبر 21)

امر آمر دا ہر اک وچ بولدا اے
امر اپنے آمر نوں ٹولدا اے
امر آمر وچ آمر امر وچ
آپے آواز مارے آپے بولدا اے
امر آمر دونوں اک جان ہوندے
جدوں میمن نوں الف وچ گھول دا اے
پتہ حقیقت دا بالماں اودوں لگدا
جدوں اپنے آپ نوں پھولدا اے

=====

يَذْكُرُونَ اللَّهَ قِيَمًا وَقُعُودًا وَعَلَىٰ جُنُوبِهِمْ ۝

(سورة ال عمران آیت نمبر 191)

قتل دلیلاں نوں کرن بدلے
 تیج لا نوں لے کے چڑھی دا اے
 وچ لا دے ہو کے لا رہنا
 قتل ایسراں دے نال کری دا اے
 ہر ہر ساہ وچوں ہو ہو نکلے
 قائم ایذاں نماز نوں کری دا اے
 لا کے سن سماہی نوں بیٹھ جاناں
 ایویں من مسیت وچ پڑھی دا اے
 جدوں اپنا آپ نہ رہے باآلم
 سجدہ اپنے رب نوں کری دا اے

وَلَا تَلْبِسُوا الْحَقَّ بِالْبَاطِلِ وَتَكْتُمُوا الْحَقَّ ۝

(سورۃ بقرہ آیت نمبر 42)

دوہاں دیناں دی کر بلا ونڈ پے گئی	جھنڈا اپنا اپنا پھڑی جانڈے
دین یزید دا حکمران امیر ملاں لے گئے	دھوکا دین دے نال جو کری جانڈے
نور العین حسین شہید کر کے	اوہ دیکھ جمعہ یزید پڑھی جانڈے
بھونڈ گوئے دے بالماں دیکھ مڑ گئے	پروانے شمع حسین تے سڑی جانڈے
دین حسین دا ولی فقیر لے گئے	جیرے موتی توحید دے رولڈے نے
ایس ہستی موہماں دی نفی کر کے	بوہ لاہوت جبروت دے کھول دے نے
ذات حق دے وچ فنا ہو کے	انالحق والی بولی بول دے نے
پردہ دوئی دا بالماں اٹھ جاندا	جدوں میم والی گنڈھ کھول دے نے

=====

فَاذْكُرُوا اللَّهَ قِيَامًا وَتَعُودُوا عَلَىٰ جَنُوبِكُمْ ۝

(سورۃ النساء آیت نمبر 103)

غفلت چھڈ کے لے سنبھال دولت	تے دولت سانواں دی ایویں گوانا ہیں
ہر ہر ساہ وچوں یار دا ناں نکلے	جیرا جائے خالی او تیرا ساہ ناہیں
ہر ساہ تیرا نبی رب دا اے	ایس ساہ دا کھاویں وساں ناہیں
گن گن کے پائے نے ساہ تیرے	مک گئے تے آؤنا فیر ساہ ناہیں
مالا سانواں دی رات دن روے چل دی	نماز عشق دی ہونڈی قضاء ناہیں

ہو ہو دا ذکر وجود اندر ایویں ہونا ایہہ جسم فنا نا ہیں
تے ساہ دسویں دیوار چڑھا دینا بناں لا دے ہونا الہ نا ہیں
یار سامنے ہووے تے بالماں ہووے سجدہ بناں یار دے سجدہ روا نا ہیں

=====

وَ اتَّبِعْ سَبِيلَ مَنْ أَنَابَ إِلَيَّ ۝ (سورۃ لقمان آیت نمبر 15)

من والی دنیا کڈھ کے بار عاشق لٹ دے موج بہار
مذہباں والیاں پھایاں لایاں بھولیاں چڑیاں وچ پھسایاں
ہتھیں چھریاں وانگ قصایاں کھلاں لاندے وچ بازار
من والی دنیا کڈھ کے بار عاشق لٹ دے موج بہار
ہندو مسلم سکھ عیسائی انسانیت دے دشمن بھائی
سراں تے پھرن کتاباں چائی سورگ نرک دا دیندے ہوکا
ظلم دی ہتھ وچ پھڑی کٹار من والی دنیا کڈھ کے بار
مذہباں والے کرن پکار مذہب یار دی مول نہ سار
عشق آزاد ہمیشہ او یار سٹ تسبیح تے توڑ زنار
من والی دنیا کڈھ کے بار عاشق لٹ دے موج بہار
مندر مسجد چھڈ دے جانا دل چوکھٹ وچ ہے ٹکانا
لجھ لوویں کوئی مرد سیانا اپنے اندر جھاتی مار
من والی دنیا کڈھ کے بار عاشق لٹ دے موج بہار

کدھرے کافر کدھرے مومن کدھرے یکدا مصر بازار
 ہر ہر روپ وچ پھرے بہر و پیا کدھرے فتویٰ کدھرے دار
 من والی دنیا کڈھ کے بار عاشق لٹ دے موج بہار
 راہ عشق وچ جھکڑ جھلا پیر پیر تے ہر اک بھلا
 شاہ عنایت مناندا بھلا پیر بالم دا گر عبداللہ
 نظر کرم دی پیر جے پاوے کھلن سب اسرار
 من والی دنیا کڈھ کے بار عاشق لٹ دے موج بہار
 شمر یزید وی اتھے رہندے حق والے گل حق دی کہندے
 باطل تیغ الار کے آیا عاشق نے سر سجدے پایا
 سر کٹواندیاں سی نا کیتی دیکھ کے سامنے دلبر یار
 من والی دنیا کڈھ کے بار عاشق لٹ دے موج بہار

=====

قَلْبُ الْمُؤْمِنِ بَيْتُ الرَّحْمَنِ ۝ (الحدیث)

ماہی اوس مندر وچ نہیں رہندا ماہی من دے مندر وچ رہندا اے
 اودوں غیر دی ہستی سڑ جاندی جدوں بھانبر عشق دا مچدا اے
 ماہی اوس مندر وچ نہیں رہندا ماہی من دے مندر وچ رہندا اے
 میں لبھ دا ساں جنگل بیلے دلبر یار بکل وچ کھیلے

میں پتہ سخن دا پچھیا جس توں اوہ مندر مسجد دسدا اے
 مذہباں والیاں رب نہیں پایا مندر مسجد مغز کھپایا
 لوٹا تسبیح چک مصلا مسجد مندر لبھدا اللہ
 میں جانیاں کوئی ہور اے اللہ گر ملیا تے ہوئی تسلا
 توڑ تسبیح تے پھوک مصلا وہم دوئی سر ماریا کھلا
 سخن اقرب نکلیا اللہ قرآن وی ایہو دسدا اے
 جس نے اپنا نفس پچھاتا اوس نے اپنے رب نوں جاتا
 فیر انا الحق اوہ کہندا اے اونوں خطرہ خوف نہ رہندا اے
 جو بھید ماہی دا دسدا اے اونوں دار تے چڑھنا پیندا اے
 ماہی اوس مندر وچ نہیں رہندا ماہی من دے مندر وچ رہندا اے
 گر عبداللہ بات بتائی باآلم سن سادھی لائی
 تن من دی جد ہوش گوائی ذات صفات نا رہ گئی کائی
 میں نہ ریا تے آگیا ماہی ہستی دی رہی تار نہ کائی
 وہم دوئی دا اٹھ نس دا اے ماہی من دے مندر وچ رہندا اے

فَادْعُوا اللَّهَ مُخْلِصِينَ لَهُ الدِّينَ ۝

(سورۃ مومن آیت نمبر 14)

سوکھا یار منایا نہیں جاندا اتھے کافر بننا پیندا اے
 کفر وچوں سانوں نظریں آیا یار کفر وچ رہندا اے
 بھل گئے وضو نماز دو گانے ہن نہیں چلدے کوئی بہانے
 کعبے ولوں مڑ مڑ آوندا بت خانے جا جا بہیندا اے
 سوکھا یار منایا نہیں جاندا اتھے کافر بننا پیندا اے
 عاشق عاشق ہر کوئی کہندا سٹ عشق دی کوئی کوئی سہندا
 جدوں عشق ہنیری چلدی اے نہ لکھ کلی دا رہندا اے
 تاں ای گر عبداللہ شاہ با تم گل پتے دی کہندا اے
 غیر دی ہستی جد سڑ جاوے ہر ویلے سامنے رہندا اے

=====

الْعِشْقُ هُوَ النَّارُ إِذَا وَقَعَ فِي الْقَلْبِ يَحْرِقُ مَاسِوَى الْمَحْبُوبِ ۝

(الحديث)

دور ہے مکہ دور مدینہ جلوہ گری لیے طور ہے سینہ
نگاہ عشق سے دور نہیں کیوں جلا چراغ طور نہیں
جتھے قدم نبیؐ نے رکھے نیں اوتھے قدم نہ میرا آجائے
اے بے ادبی عاشق نوں منظور نہیں کیوں جلا چراغ طور نہیں
ربؐ ارنی پکارے موسیٰ جل گیا طور بے ہوش ہے موسیٰ
اے موسیٰ نہیں آزما کے دیکھ چراغ طور جلا کے دیکھ
اے جلوہ نبیؐ دا نور نہیں کیوں جلا چراغ طور نہیں
جتھے شمع محمدیؐ جلدی اے کون روکے گا پروانیاں نوں
پہلے شمع نوں جلنا پیندا اے اے پروانیاں دا قصور نہیں
اساں مسجد مندر کی کرنا اساں نفل نمازاں نوں کی پڑھنا
پروانہ شمع محمدیؐ جلا اے اوہ لبھدا جنت دی حور نہیں
نہ فتویٰ لگے نہ دار چڑھے نہ منصور انا الحق کہے
سمجھ لوؤں اوہ منصور نہیں کیوں جلا چراغ طور نہیں
گر عبداللہ شاہ بات بتائی بالتم دے گل سمجھ وچ آئی
جو عشق نبیؐ وچ جلا نہیں اوہ مجلس وچ حضورؐ نہیں
کیوں جلا چراغ طور نہیں کیوں جلا چراغ طور نہیں

أَنَا أَحْمَدُ بِلَا مِیمِ۝ (الحديث)

لام الف تے میم دی جیڑ الیند ارمر پچان زبور تورات انجیل نوں جانے نالے وید قرآن
کلمے دی جس رمز پچانی کہہ دیوے اوہ کیہڑا اے
ہر روپ وچ وسدا جیڑا اے

احد نے وچ وحدت آکے برقعہ میم دا پایا اے
انحد کولوں اگے جا کے لہ دی بولی بولدا اے
کہندا میرے بناں کیہڑا اے ہر روپ وچ وسدا جیڑا اے
چار دیواراں چار عناصر حجر اخوب بنا کے چوواں مکاں وچ کرے آبادی وکھو وکھ سجا کے
بت آدم دا بولن لگا اندر ڈیرا لا کے
جدوں خلافت نفس دی ہو جائے اپنی پوجا کراندا اے
روح دی فوج تے قبضہ کر کے اپنا حکم چلاندا اے
باطل دے تخت بیہ کے فیر خدا اکھواندا اے
ابلیس وزیر آ حاضر ہندا جدوں کچھری لگاندا اے
موسیٰ نوں فیر آونا پیندا سچا رب بتاونا پیندا
نیل ندی وچ غرق کریندا اے جھوٹا رب کدے نہیں رہندا
رب ارنی موسیٰ کہندا طور اتے جد جلوہ پیندا
طور کدے اے سٹ نہیں سہندا سدھ بدھ خبر نہ اوہ اپنی پاندا اے
کلمہ طیبہ کلمہ خبیثہ کے دو شجر ہیں صفتاں ہیں الگ الگ فعل ان کے جدا جدا صلے ہیں الگ الگ

وکھرا وکھرا عشق دوہاں دا لذتاں ہیں الگ الگ
 کلمہ نجث کے دو شجر ہیں اوہ آکاس نیل بن بہیندا اے
 جس رُکھ دے اتے پہ جائے اوسے نوں کھا لیندا اے
 جے کامل مرشد مل جائے باآلم او اُتوں لا لیندا اے
 جو بناوے محل ماڑیاں اوسے دا سب ویڑہ اے
 تے اوسے دا ای سب جھیرا اے ہر روپ وچ وسدا جیرا اے

=====

اللَّهُ وَلِيُّ الَّذِينَ آمَنُوا يُخْرِجُهُم مِّنَ الظُّلُمَاتِ إِلَى النُّورِ ○

(سورة البقرہ آیت نمبر 256)

لوکی آکھن ایہ نمازی نالے ایہ روزے دار
 بھید اندر دا کوئی نہ جانے ، من وچ پاپ وسے بدکار
 کر کے وضو نماز چا نیتی دل دلیلاں کردا اے
 دل دے نال دلیل وچارے لوک کہیں اے پڑھدا اے
 من پاپی نہیں آکھے لگدا نالے خریدے بٹی بازار
 لوکی آکھن ایہ نمازی نالے اے روزے دار
 غیر ویکھنوں اکھ نہیں ہٹ دی کن چغلی ول جاندا اے
 گھٹ تولوں ہتھ نہیں ہٹ دے منہ توں رام رام کہندا اے
 چوری تے بدکاری ولے رُ پیراں نال جاندا اے

مہاں پاپاں دی بن کے گٹھڑی سرتے بھار اٹھاندا اے
 کوئی اعضاء نہیں آکھے لگدا ، نفس ہلاؤندا اندر دی تار
 جے کامل مرشد مل جاوے فیر ایہ مڑدا اے
 نفی اثبات دا پانی دے دے اہیو ای پھل لاند اے
 نفس دیاں کل لذتاں ولوں کامل مرشد موڑ دیندا اے
 نال مجاہدے سٹاں لاوے بند بند ایس دا توڑ دیندا اے
 کامل مرشد جدوں مرید نوں کلمہ طیب پڑھاندا اے
 انحد باجا سن بانسری آواز کناں وچ پاند اے
 دودھ ہووے تے دہی ہو جاندا جد مرشد جاگ لگاندا اے
 رڑکیاں اُتے مکھن آندا کڑیاں کھویا اکھواندا اے
 اے شجر دا پھل جو کھاوے معرفت لذتاں پاند اے
 مشاہدے وچ شناخت ہوندی فیر پچھانے یار نوں یار اے
 عالماں والا چھڈ کے کلمہ ست گرگولوں اے پڑھیندا اے
 ایس موت نال سارے مردے موتوں پہلے مریندا اے
 مر مر جینا تے جی جی مرنا موتوں مول ناں ڈر دا اے
 گر عبد اللہ دے چل باآلم ڈیرے رکھ در رانجھے دا چھڈ دے کھیڑے
 فیر ہیر رانجھے دی تے رانجھا ہیر دا
 جد کلمہ عشق دا پڑھدا اے
 عاشق پڑھن نماز عشق دی ہر ہر پاسے ویکھن یار

لوکی آکھن ایہ نمازی نالے ایہ روزے دار
 روزے رکھیاں کجھ نہیں ہونا نہ کوئی پڑھیاں نفل نمازاں
 مکے گیاں وی گل نہیں مکنی نہ کوئی ماریاں واجاں
 مندر وڑیاں یار نہیں ملنا نہ کوئی سنیاں ساجاں
 ناتیاں دھوتیاں پاک نہیں ہونا گرج اڑے نال بازاں
 اندر نال پلیتی بھریا وہم دوئی تے غصہ نار
 لوکی آکھن ایہ نمازی نالے ایہ روزے دار
 پہلے جنگ نفس نال کریئے ہدایت والا ہادی پھڑیئے
 دے کے لگام نفس تے چڑھیئے فیر کدے نہیں کردا انکار
 اودھر جاندا جدھر کھڑیئے کام کرودھ تے خودی تکبر وہم نفس دا
 جدوں خلافت نفس دی فوج دیوے سٹ ہتھیار
 بت خانے چوں بت توڑیا نار ہو جاندی اے گلزار
 لوکی آکھن ایہ نمازی نالے ایہ روزے دار

الْعِلْمُ نُقْطَةٌ ۝ (الحديث)

چھڈ لفظ تے پھڑ لے معیناں نوں لاندے لفظ نہیں کسے نوں پار گڑے
ایہ معیناں وچ اسرار گڑے
اک سراپا اللہ اے سب اک دا ای نور تجلا اے
نا دوئی وچ واجاں مار گڑے ایہ معیناں وچ اسرار گڑے
سمجھ سمجھ کے علم نوں پڑھ لے پڑھ لوں تے توں پار گڑے
پڑھ دا کلمہ لوک ہنسائی دا ایویں مفت دا رولا پائی جاندا
جے راز نہ کھلیا معیناں دا تینوں ملنا نہیں تیرا یار گڑے
ایہ معیناں وچ اسرار گڑے
کتے بندہ اے کتے اللہ اے کتے موسیٰ نور تجلا اے
کتے موتوں مول نا ڈردا اے کتے چڑھدا تختہ دار گڑے
کتے میں نہ ریا کتے توں نہ ریا میں، میں نہ ریا توں، توں نہ ریا
ایہ عین اپنا مکھ ویکھے ایہ اپنا ای طلب گار گڑے
ساڈا گر عبد اللہ سوہنا اے، اے بآلم اللہ اللہ اے
ایہدا اللہ اکبر یار گڑے اے معیناں وچ اسرار گڑے

=====

إِنَّ الَّذِينَ يُبَايِعُونَكَ إِنَّمَا يُبَايِعُونَ اللَّهَ

(سورۃ فتح آیت نمبر 10)

بھلا چاونا ایس تے ملاں بیعت کر لے فیر وقت وہا کے روئیں گا توں
صورت شیخ وچوں اپنی دیکھ لئیں صورت جدوں اپنا آپ کھو جائیں گا توں
قلعے نفس نوں توڑ دیوے للہ دی ضرب دے کے قابو نفس اُتے ہو جائیں گا توں
مرن تھیں پہلے مر جائیں ملاں وارد حال جد کلمے دا ہو ویں گا توں
تیرے مرشد نے تیرا امام بننا جھنڈے مرشد تھلے کھلوئیں گا توں
او سے رُکھ دا کھائیں گا پھل باآلم جس رُکھ دے بیج نوں بوئیں گا توں

=====

مَنْ عَرَفَ نَفْسَهُ فَقَدْ عَرَفَ رَبَّهُ ○ (الحديث)

خلافت اپنے آپ تے پہلے کری دی اے کفر اپنے وچوں مٹائی دا اے
تے کامل گرو دی کریدی اے بیعت جدوں فیر مستقیم والے رستے جائی دا اے
ایس عشق سکول توحید اندر اکو الف دا سبق پکائی دا اے
بے تے دی چلدی نہیں پیش استھے میم الف دے وچ ملائی دا اے
ختم کر دیئے کبر ہنکار سارے پچھلا پڑھیا علم بھلائی دا اے
360 بتاں نوں توڑ کے تے فیر چھا نمرود دی جائی دا اے
پہلے اگ ہندی فیر گلزار ہو جاوے جدوں وحدت دریا وچ نہائی دا اے
نال لا دے ہو الہ جانا درشن اپنے آپ دا پائی دا اے

خلافت اپنے آپ تے ہو جائے جدوں خلیفہ جگ دا فیر بن جائی دا اے
عبداللہ شاہ دے بالماں کرم سیتی میں توں دا بھرم مٹائی دا اے

=====

وَمَا الْحَيٰوةُ الدُّنْيَا فِی الْآخِرَةِ اِلَّا مَتَاعٌ ۝

(سورۃ الرعد آیت نمبر 26)

گڈی نفس دی نوں طمع دی ڈور دے کے ہوا حرص دے وچ اڑائی جاناں
مانجھا خودی تکبر والا لا کے تے لوبھ موہ دے ول ودائی جاناں
ٹٹ جانی آں ظالماں ڈور تیری پیچا حق دے نال لڑائی جاناں
موسیٰ ڈوبے گا نیل دریا اندر فرعونناں خدا اکھوائی جاناں
بڑا خوش ہونا کسے نال ظلم کر کے او ظلم اپنے ای نال کمائی جاناں
جو کچھ بیجناں ای اوہو وڈھ لینا پیلی واہ کے بیج جو پائی جاناں
کاہنوں ظالماں اپنے سرن بدلے بالن دوزخاں دا آپ بنائی جاناں

=====

فَقَاتِلُوا اَیْمَةَ الْکُفْرِ ۝ (سورۃ توبہ آیت نمبر 12)

کنبہ دین دی خاطر گہا کے تے حسینؑ دین دا شاہ سلطان بنیاں
رتبہ گھٹ یزید نے نہیں پایا اوہوی ظالماں دا سلطان بنیاں
اکٹھے ہو کے سارے عالماں نیں کیتی بیعت یزید دے ہتھ اُتے
ابلیس آکے وچ مہمان بنیاں حکمرانیاں ہتھ یزید دے نیں

عالم تابع اوسدے دسدے نیس عاشق شرع محمدی رکھ لیندے نیس
 چڑھ کہ دار اُتے بالم ہس دے نیس ہس ہس کے عاشق گردن کٹاؤن دے نیس
 شہادت یزید دے کھنڈ تھلے تو ویں بالماں گردن کٹا جلدی
 سدا رہیے حسین دے جھنڈے تھلے حسین امام اے عارفاں کالماں دا
 نالے عاشقاں پیاریاں متراں دا بیعت باطل یزید دی نہ کریے
 ایہ راہ قہر والی متاں قہر ہو وے بیعت شاہ حسین دی کریں بالم
 ایہ راہ انعام والا سدا خیر ہو وے

=====

اَلْحَمْدُ لِلّٰهِ رَبِّ الْعٰلَمِیْنَ ○ (سورۃ فاتحہ آیت نمبر 1)

بودی رکھ کے مندر آؤنداں ہندو اپنا مذہب رکھاوندا
 متھے اُتے تلک لگا کے بُتاں اگے سیس جھکا کے
 نام رام دا سمرن لگا کے ہتھ وچ مالا گل وچ زنار
 اکو دے نیس مذہب ہزاراں چڑھ کوٹھے میں آواز کی ماراں
 کی آکھاں میں کہدا اے
 داڑھی موچھاں پٹے رکھا کے گل وچ لباس شرع والا پا کے
 مسجد دے وچ پڑھے نمازاں اللہ اللہ مارے آوازاں
 چڑھ کوٹھے آواز کی ماراں اکو دے نیس مذہب ہزاراں
 کی آکھاں میں کہدا اے

گرد وارے دے وچ جا کے داڑھی مچھاں کیس رکھا کے
 کچھا کنگا تے کرپان کڑا برچھی سکھی نشان
 سکھ دے معنی سکھیا لینی سچے گر دی بیہ کے بہنی
 سازاں دے نال شبد سناندا پریم نگر دی انحد تار
 اکو دے نے مذہب ہزاراں چڑھ کوٹھے میں آواز کی ماراں
 کی آکھاں میں کہڑا اے

گر عبداللہ ہے سیانا باآلم اے ہے نیانا
 گر دے وچ گر سماںاں دوہاں تھیں ہو اکو جاناں
 اکو دے نیں مذہب ہزاراں چڑھ کوٹھے میں آواز کی ماراں
 کی آکھاں میں کہڑا اے

=====

وَاعْتَصِمُوا بِحَبْلِ اللَّهِ جَمِيعًا وَلَا تَفَرَّقُوا ۝

(سورۃ العنبران آیت نمبر 103)

گل نہ سنو ملائیاں دی	فرقے بنائے ایہناں لڑن بدلے
وہابی ، شیعہ ، سنی تے دیو بندی	وکھرے وکھرے ترجے کرن بدلے
پیسے لے کے دنیا مروا دیندے	قرآن عمل لئی آیا اے جاں پڑھن بدلے
جھوٹے فتوے حسین نوں لائے بالم	پوجا اپنے نفس دی کرن بدلے
علم پڑھیاں دین جے ہتھ آوندا	کدھے بیعت یزید دی کردے ای نا
دے کے سر شہادتیاں پالیندے	خطبہ نام یزید دا پڑھ دے ای نا
کچے وانگ بلالؓ جے ہو جاندا	کدے ظلم یزید دے توں ڈردے ای نا
باطل اگے نہ جے جھکدے بالم	سرنیزے دی نوک تے چڑھ دے ای نا

=====

إِنَّ اللَّهَ لَا يُغَيِّرُ مَا بِقَوْمٍ حَتَّى يُغَيِّرُوا مَا بِأَنْفُسِهِمْ ۝

(سورة الرعد آیت نمبر 11)

مسلمان ہے مانند ڈنگراں دی حاکم جناں دے اوتے حیوان آ گئے
 پیلی پئے اوہ ڈنگراں نوں موڑ لیندے حاکم جناں دے اوتے انسان آ گئے
 غیر قوماں نے دنیا بنائی جنت کھیلن واسطے دیکھو غلمان آ گئے
 مسلمان اوہ بالماں لد گئے نے جنگ جو جو اہل قرآن آ گئے
 پیسے مگر دوڑ اے سب دی بن سپاہی شیطان دے گئے
 اک دوجے دے ویری ہوئے بھائی نوں بھائی نہیں جان دے
 چھڈ توحید پھیلاندے باطل بندے نہیں رب رحمان دے
 اعتبار جما کے لٹن باآلم حوالے دین قرآن دے

=====

قُلْ هُوَ اللَّهُ أَحَدٌ ۝ (سورة اخلاص آیت نمبر 1)

نیکی بدی نیں دو شجر وچے نور تجلا
 رکھ برائیاں دا پٹ دیو فیر ایہو ای قل ہو اللہ
 تلواراں دو میان وچ پیندیاں نہیں سر مار دوئی دے کھلا
 نیکی بدی توں بالماں لنگاگاں جاوے بندہ بشر ملائک نہ اللہ
 کھرچ میم تے رہے الف اکلا ایہو محض تجلا
 اے ہن مطلب نبی نہیں ہیگا ایہو ہیگا اللہ

پنجتن پاک پنجاں وچ آیا ایہو قل هو اللہ
تو نہیں عزیزا اوہی وہی ، وہی یہی اللہ اللہ

=====

إِنَّ أَوْلِيَاءَ اللَّهِ لَا خَوْفٌ عَلَيْهِمْ وَلَا هُمْ يَحْزَنُونَ ○

(سورۃ یونس آیت نمبر 62)

پنجتن کہن توں ڈر نہ یار سچ کہن توں ڈر نہ یار
شوق عشق ودھ گیا اگیرے لا الہ وچ لائے ڈیرے
الا اللہ دے جلوے پیندے مارن چکاراں اندر بار
پنجتن کہن توں ڈر نہ یار سچ کہن توں ڈر نہ یار
میم لام دا فرق پچھانا احد احمد نوں اکو جانا
الف نے سرتے پائی مروڑی میم دی پہن آیا دستار
پنجتن کہن توں ڈر نہ یار سچ کہن توں ڈر نہ یار
اول آخر ظاہر باطن وکھرے وکھرے نہ پکار
سوچن والے سمجھ لین گے اک محمدؐ مرتبے چار
پنجتن کہن توں ڈر نہ یار سچ کہن توں ڈر نہ یار

=====

ذَلِكَ فَضْلُ اللَّهِ يُؤْتِيهِ مَنْ يَشَاءُ وَاللَّهُ ذُو الْفَضْلِ الْعَظِيمِ ۝

(سورة الحديد آیت نمبر 21)

اسیں جتھے جا کے رہنا اسں اوتھے کفر تے اسلام نہیں
 اوتھے مسجد مندر گر جا نہیں اوتھے مے خانہ تے جام نہیں
 اوتھے عاشق تے معشوق نہیں اوتھے طالب تے مطلوب نہیں
 اوتھے بستی بانگ صلاتاں نہیں اے راہ گزر کوئی عام نہیں
 اوتھے بآلم گر عبداللہ نہیں اوتھے رب رسول وجہ اللہ نہیں
 اوتھے عشق ہناں دا ڈیرا نہیں اوتھے دن چڑھ دا پیندی شام نہیں
 اوتھے صبح سویرا شام نہیں اوتھے بآلم تیرا میرا نہیں
 اسیں جتھے جا کے رہنا اسں اوتھے کفر تے اسلام نہیں

=====

وَلَوْ شَاءَ رَبُّكَ لَجَعَلَ النَّاسَ أُمَّةً وَاحِدَةً ۝

(سورة هود آیت نمبر 118)

ہندو دے گھر پیدا ہوندا ہندو اوہنوں رام پڑھاندے
 مسلمان پڑھاندے اللہ آپو اپنا مذہب سکھاندے
 مندر دے وچ رام رام مسجد دے وچ استغفار
 گر عبداللہ دے بلہار دوہاں ہتھیں لے جاندا پار
 جدوں چاہے گر تار ہلاوے بآلم فیض گراں کولوں آوے

نیکی بدی دے دو شجر نین اک سجے اک کھجے جان
 کافر مومن عمل سے یار گر عبداللہ دے بلہار
 اوتار پیغمبر رکھی منی ایہدی دس آئے پہچان
 جے تینوں ست گر مل پئے دوہاں ہتھیں لے جائے پار
 کافر مومن عمل سے یار گر عبداللہ دے بلہار
 نا کوئی کافر نہ کوئی مومن عمل سے کافر عمل سے مومن یار
 پنج تت سب ہے سراپا چھیویں بنا نہ ہلے تار
 جمع وچوں تفریق چج ہویا کثرت پہن لباس کھلویا
 ستار جبار غفار قہار کافر مومن عمل سے یار
 کثرت چھڈ وچ وحدت آیا اپنے باطن دا راہ پایا
 دوہاں دے وچ جھگڑا پینا موسیٰ تے فرعون نے رہنا
 ایس ناسوتی پنجرے اندر لکھاں دکھ تے سکھ ہزار
 کافر مومن عمل سے یار گر عبداللہ دے بلہار

=====

هُوَآلَا وَلَّ وَلَا خِرُو الظَّاهِرُ وَ الْبَاطِنُ ○ (سورة الحديد آیت نمبر 3)

میرے گر عبداللہ ساقی نوں مست بناو نے آؤندے نیں
 اکھیاں دے وچ اکھیاں پا کے بے خودی دے جام پلانے آؤندے نیں
 میرے گر عبداللہ ساقی نوں مست بناؤ نے آؤندے نیں
 اکھیاں دے وچ اکھیاں پا کے مست نچانے آؤندے نیں
 عبدالرحمن ، نصیر قادری چیک لا کے پیتی
 نور محمد ، بابا یونس گھٹ دوواں نہیں کیتی
 ابرار شاہ تو پی پی جاندے بھولے شاہ ورتاؤندے نیں
 میاں شریف تے رمضان باؤ نے چلوں دے نال پیتی
 رحمت علی رفیق ہونا نظر ملا کے پیتی
 اوئے کئیاں پی لی جاجی شاہ توں بودے شاہ ورتاؤندے نیں
 میرے گر عبداللہ ساقی نوں مست بنانے آؤندے نیں
 بالم ہوناں دی آگئی واری من مرضی دی پیتی
 اوئے ساقی دا مے خانہ کھلا بھر بھر جام پلاؤندے نیں
 میرے گر عبداللہ ساقی توں مست بنانے آؤندے نیں
 آسیوں پاسیوں کھپیوں سچیوں مست پروہنے آؤندے نیں
 پیار دی ڈوری گل وچ پا کے کول بٹھاؤنے آؤندے نیں

مستی دے وچ پی پی نچن نعرے علی دے لاؤندے نیں
 سستی سُریریں ستار و جا کے راگ توحید دے گاؤندے نیں
 وجن ڈھول تے چھنکن کنگر و عاشق نچدے آؤندے نیں
 مستی دے وچ چمبھر پاؤندے چادر جدوں چڑھاؤندے نیں
 خالی جھولیاں بھر بھر کھڑدے منگتے جیڑے آؤندے نیں
 کوئی نہیں باآلم خالی جاندا جو منگیا سو پاؤندے نیں
 میرے گر عبداللہ ساقی نوں مست بناؤنے آؤندے نیں
 اکھیاں دے وچ اکھیاں پا کے بے خودی دے جام پلانے آؤندے نیں

=====

(الحديث)

○ اَنَا عَرَبٌ بِلَا عَيْنٍ

(الحديث)

○ اَنَا أَحْمَدُ بِلَا مِيَمٍ

جو احد ہے وہی محمدؐ میرے دل وچ وڑ گیا چور گڑے
 جند ایسے فراق وچ رہی سڑدی اے ہور تے او کوئی ہور گڑے
 اے نقطہ عین توں لاونا ایس اینوں عین دے وچ ملاونا اے
 ایس عین دی سیاہی نوں کر کٹھیاں وچ دوات دے پاونا اے
 ناپا پی ریا نہ پنی ریا نہ شیعہ ریا نہ سنی ریا گیا نکل دوئی دا چور گڑے
 جد قطرہ سمندر وچ مل کے ہو قطرہ سمندر جاندا اے
 نا سعد نا کوئی چور گڑے

جند ایسے فراق وچ رہی سڑدی اے ہور تے او کوئی ہور گڑے
 اک نقطہ پر گھٹ سارا اے نا جس دا کوئی کنار اے
 اک نقطیوں کل پسارا اے نا اک بن دوجا ہور گڑے
 اک بحر حقیقت وچ وڑ کے تے مجاز دی بازی ہار دا اے
 ہرناں وچ واجاں دیندا اے ہرناں چوں واجاں مار دا اے
 کتے کجھن نوں کتے سمجھاؤن نوں کتے گر عبداللہ شاہ بن کے گل باآلم دے کن پاؤن نوں
 کتے بلھے شاہ بن نچیا اے کتے ست گر بنے نچاؤن نوں
 ہتھ شاہ عنایت دے ڈور گڑے
 جند ایسے فراق وچ رہی سڑدی ، اے ہور تے او کوئی ہور گڑے

=====

وَابْتَغُوا إِلَيْهِ الْوَسِيلَةَ وَجَاهِدُوا فِي سَبِيلِهِ لَعَلَّكُمْ تُفْلِحُونَ ۝

(سورة المائدہ آیت نمبر 35)

انمت راہ انعام والا، انعام پائے اونہاں	روزہ رکھ کے جیڑے نبھائی جاندهے
روزہ رکھ کے جناں توڑ لیا	او لب کے یار گوائی جاندهے
جناں چیلیاں نوں ملے پیر کامل	او وچھڑے یار ملائی جاندهے
کھسی اوناں نوں ملی ولایت بالم	جیڑے نچ کے یار منائی جاندهے
شاہ عنایت ہور ہوندا تے رب ہور ہوندا	بلھلا شاہ کنجراں دے گھر آوندا ای نا
خدمتاں کر کر نچناں سکھ دا ای نا	نچ نچ کے پیر مناوندا ای نا
جناں رب تے پیر نوں دو جاتا	کھو بے دوئی دریا دے جا کھے
جھلا کھلا اوس نوں سمجھ بآلم	جیڑا پیر بنا رب ہور لہے

=====

يَوْمَ تَشْهَدُ عَلَيْهِمُ السِّنُّهُمْ وَيَايِدِيهِمْ وَأَرْجُلُهُمْ بِمَا كَانُوا
يَعْمَلُونَ ۝

(سورة النور، آیت نمبر 24)

ہتھ پیر تے کل اعضاء تیرے
دھوتے پانیاں نال اے چمکنے نہیں
اوہو چمکن گے جیڑے کل برائیاں توں دھوئیں گا توں
پچھتاویں گا دیکھ اعمال نامہ پیش حاکم دے ہوویں گا توں
ہتھ پیر گوائیاں دین گے فیر ہتھ نوں مار کے روئیں گا توں
اوسے شجر دا کھائیں گا پھل باآلم
جس شجر دے بیج نوں بوئیں گا توں

=====

وَقُلْ جَاءَ الْحَقُّ وَرَهَقَ الْبَاطِلُ ۖ إِنَّ الْبَاطِلَ كَانَ رَهُوقًا ۝

(سورة بنی اسرائیل آیت نمبر 81)

اے دنیا میدان کربلا اے	جتنے حق تے باطل دا جنگ رہندا
باطل والیاں دی مدد کرے باطل	حق والیاں دی مدد حق رہندا
جدوں تیغ ہلار کے آوے باطل	عاشق صبر تھیں گردن جھکا لیندا
باطل اپنے وار توں ٹل دا نہیں	عاشق ہس کے گردن کٹا لیندا
جدوں شہیداں نوں جنت دی ٹکٹ ملدی	اوہوی دوزخ دا ٹکٹ کٹا لیندا
ہر کوئی اپنا اپنا صلا پا لیندا	مقام دوواں دادوواں دے سامنے ہندا
ایدھر تجلیاں نور دیاں باآلم	اودھر اگ دے شعلے پا لیندا

=====

لَا صَلَوةَ إِلَّا بِحَضُورِ الْقَلْبِ ۝ (الحديث)

خراب	گئی	عمر	اوناں	دی
جناں	بیعت	نہیں	کسے	دی
رکھے	روزے	تے	پڑھیاں	نمازاں
تے	بھج	بھج	وڑے	مسیتی
نفل	نمازاں	پڑھ	پڑھ	تھکے
عبادت	نفس	دی		کیتی

جدے نال معراج ہونا سی
 او عشق نماز نہ نیتی
 ساقی دا میخانہ کھلا
 کدے وصل شراب نہ پیتی
 وحدت دے دریائی نہ ناتے
 نہ مل مل لائی پلیتی
 باجوں مرشد کامل باآلم
 روڑھ گئی اے عبادت کیتی

=====

○ فَادْکُرْ وِنِیْ اَذْکُرْکُمْ

(سورۃ البقرہ آیت نمبر 152)

یاد پیارے دی بھل دی نہیں
 جدوں یار اک جھلک دکھا دیندا
 جھلک دے کے تے آپ چھپ جاندا
 لمبے پینڈے جدائیاں دے پا دیندا
 سوکھی ہوندی نہیں یار دی دید پاؤنی
 بنیا مین دے وانگ ترّفا دیندا
 جدوں جانیاں ہجر وچ جان چلی
 برقعہ مکھ توں بالماں لا دیندا

جدوں اک واری برقعہ لا دیوے
 فیر وہم خیال کی پیندا اے
 رنگا رنگ ہزاراں برقعے
 یوسف ہر برقعے وچ رہندا اے
 جدھر دیکھاں یوسف دسدا
 سوندا اٹھدا بہیندا اے
 جاناں نہیں یوسف ڈیٹھا بالَم
 اوناں نوں شک عرش تے پیندا اے

=====

فَإِذَا سَوَّيْتُهُ وَنَفَخْتُ فِيهِ مِنْ رُوحِي فَقَعُوا لَهُ سَاجِدِينَ ○

(سورة ص آیت نمبر 72)

سجدہ ربّ نوں روا نہیں کرنا سجدہ آدم نوں کر دے
 جے ابلیس انکار نہ کردا کیوں طوق پیندا وچ گل دے
 بن تصور شیخ دی صورت دل چوکھٹ تے دھر دے
 نور کھلے جد باطن والا اوتھے عاشق سجدہ کر دے
 کوئی گنگا کوئی مکے دوڑے پینڈھے کر کر مردے
 کوئی مندر کوئی دوڑے مستی پوجا نفس دی کر دے
 میم دے پردے ربّ وسیندا ابلیس جے ہتھ مل دے

عزیز زلیخاں جنگل ڈھونڈے یوسف سے وچ گھر دے
سجدہ رب نوں روا نہیں کرنا سجدہ آدم نوں کردے

=====

وَهُوَ مَعَكُمْ أَيْنَ مَا كُنْتُمْ ۝

(سورة الحديد آیت نمبر 4)

مذہب دی پھانسی گل وچوں لاء کے
ہُن عشق دی جوت جگائی دی اے
منزل عشق وچ دکھ چار دھاڑے
فیر کل آزادی پائی دی اے
حجاباں دے پردے سڑدے نے
جد عشق دی اگ مچائی دی اے
کم عشق دا غیر جلا دینا
رہ جاندا باقی اللہ اے
عشق بناں رب ملنا ناہیں
سر مار مذہب دے کھلا
وجہ اللہ وچ جدھر ڈیٹھا ہر ہر پاسے اللہ
شیشے وچوں بآلم منہ اپنا ڈیٹھا اپنا نور تجلا

=====

وَفِي أَنْفُسِكُمْ أَفَلَا تُبْصِرُونَ ۝

(سورۃ الذریت آیت نمبر 21)

میں جد میم نوں پھولیا سی
 تے گھنڈ میم دا مکھ توں چکیا سی
 مڑ کے میم وچوں تیر ماردا سی
 نشانہ اوس دا مول نہ اوگیا سی
 جھلک دے کے تے آپ چھپ جاندا
 عاشق ہجر فراق وچ سکیا سی
 نہ رات گذرے نہ چین آوے
 غم یار دا کھا کھا مکیا سی
 اکھاں رات دن دید نوں روندیاں سی
 نیر اکھی دا کدی نہ سکیا سی
 عبداللہ شاہ نے سروں پھڑا دتا
 برقعے میم اندر جیڑا لکیا سی

=====

غسل عاشقاں صادقاں دا

ایہناں دریاواں وچ ناتیاں بدن نہیں پاک ہوندا
 وحدت وچ دریا دے نہائی دا اے
 میل بدن تے ذرا نہیں رہندی
 مل مل کے پلیتی نوں لائی دا اے
 کدے نہائی دا اے کدی تری دا اے
 کدی مار چچی دور جائی دا اے
 فیر ایراں نال بالماں ہو جاندا
 جیویں ماں دے پیٹ چوں آئی دا اے

=====

وضو

اے وضو ہے عاشقاں صادقاں دا
 تے نظر غیر ولے نا پائی دی اے
 دل غیر ولوں کر صاف لینا
 تے ہستی غیر دی گل مٹائی دی اے
 تے فیر عاشق دی ہندی نماز رہندی
 تجلی کھل دی نور صفائی دی اے
 پیر شاہ عبداللہ نے بلم معراج دی گل دی
 میم الف دے وچ ملائی دا اے

=====

اسلام دے پنج بنے یعنی دروازے
 پہلا بناں اسلام دا کلمہ طیبہ اے
 دوسرا بناں نماز حقیقت دی اے
 تیسرا بناں زکوٰۃ حقیقت دی اے
 چوتھا بناں روزہ حقیقت دا اے
 پنجواں بنا حج حقیقت دا اے

=====

کلمہ حقیقت دا

کلمہ نال زبان دے پڑھی دا نہیں
 ہستی لا دے وچ ہو کے لا رہنا
 لبّاں بند زباں نہ کرے حرکت
 فیر لا تھیں ہو الہ رہنا
 انحد والے ساز بند ہندے
 نہ جپ تے نہ جپا رہنا
 جدوں اللہ تھیں للہ ہو جائے وارد
 کدے بندہ تے کدے خدا رہنا

=====

کلمے دے جس معنے سمجھے سمجھ گیا اوہو اللہ نوں
 ناطقِ قرآن نوں پڑھیا جس نے سمجھ گیا اوہو قل ہو اللہ نوں
 کلمہ وارد ہويا جناں نوں سمجھے اوہو سیر اللہ نوں
 ہر زمانہ اللہ باآلم عرش تے لہنا اے اللہ نوں

=====

نماز

خودی تکبر دلیلاں نوں دور کر کے منہ کعبے ولے جدوں کری دا اے
 دل مسیت تے ہے محراب متھا سامنے مرشدی صورت نوں دھری دا اے
 تاڑی لا کے شیخ ول ویکھی دا اے نہ کجھ سنی دا اے تے نا کجھ پڑھی دا اے
 تے ہستی غیر دی بالماں جدوں مٹ جاوے فیر سجدہ اپنے رب نوں کری دا اے

=====

اے نماز ہے عاشقاں صادقان دی یاد یار دی دلوں نا بھلدی اے
 سارا مال تے جان جہان سارے قیمت اے نا یار دی ٹل دی اے
 ہر صورت وچوں یار دے پین جلوے ہر صورت ، صورت گل دی اے
 عبداللہ شاہ جے بالماں ول دے تے گنڈھ میم والی فیر کھلدی اے

=====

روزہ کل برائیاں توں رکھیدا اے جھوٹ چھڈنا تے سچ بولنا ایں
 اوس روزے دا ہندا نہیں کجھ فائدہ صبح رکھنا تے شام نوں کھولنا ایں
 روزہ کل اعضاء دا رکھ کے تے وچوں اپنے آپ نوں پھولنا ایں
 اے روزہ ہے بالماں عاشقاں صادقان داروزہ رکھ کے فیر نہیں کھولنا ایں

=====

روزہ

جناں نفس دے منہ لگام دتی اوناں نفس برائیاں توں موڑ دتا
 اوناں شام نوں روزے دا کھولنا کی جناں نال برائیاں دے توڑ دتا
 آکھے نفس پلٹ دے لگ کے تے کیتے کترے عملاں نوں روہڑ دتا
 عبداللہ شاہ دا کھلا ہے فیض باآلم ٹے روزیاں نوں جناں جوڑ دتا

=====

زکوٰۃ

تن من دی دیکے زکوٰۃ ساری ہستی لا وچ لا ہو جاندی اے
 جدوں سن سادھی دا راز کھلے فیر گل سمجھ وچ آندی اے
 فیر پردے دوئی دے سڑ جاندے جد حقیقت سامنے آندی اے
 دیک کول چینا دے دھریا باآلم اودی چمک چمک مل جاندی اے

=====

ج

حاجی سو جو برائیاں توں رُک جاوے مکے جان دی اوس نوں لوڑ کی اے
 چھڈ بدیاں نیکیاں وچ کھیلے ریندی عملاں دی اوس نوں تھوڑ کی اے
 مرن تھیں پہلے جیڑا مر جاوے حساب پچھنا اوس نوں گور کی اے
 جیڑا رب رسول نوں لہہ لوے اوس لمھنا بالماں ہور کی اے

=====

أَنَّمَا الْحَيَاةُ الدُّنْيَا لَعِبٌ وَلَهْوٌ ۝

(سورة الْحَدِيد آیت نمبر 20)

بھولا پنچھی

وے توں اڈھ جا بھولیا پنچھیا ایٹھوں اپنی جان بچا
 اتھے گھر گھر پھائیاں لکیاں تینوں لین نامول پھسا
 تیرا آہلنا عرش عظیم تے وے توں دیس قدس دا شاہ
 سر تاج پہنا تکریم دا تینوں کیتو نے بادشاہ
 تو وانگ نمونے اپنے سر جیا آپ خدا
 تینوں سجدہ کیتا قدسیاں کوئی ادبوں سیس جھکا
 چھڈ شاہی ملک دوام دی ہن قیدی بنیوں آ
 اتھے عاشق ہو گئیوں آن کے دل جیفہ تے لا
 توں نوریوں خاکی ہو گیوں بیٹھوں بھرم گوا

ہُن اڈن جوگا نہ رہیوں تینوں کیتا حرص تباہ
 اے دنیا گھر تکلیف دا غم درداں دی جاء
 اتھے جو آیا سو ماریا تیرے دل وچ کاہدا چاہ
 اتھے بول نا میٹھیاں بولیاں چپ کر جھٹ لنگھا
 تیرے مگر شکاری موت دے کئی بیٹھے تاک لگا
 جدوں دھون کڑکی آگئی فیر نا جا سی واہ
 تیری گردن چھری چلان گے تیرا دین خون وہا
 تیریاں نکیاں کر کے بوٹیاں وچ دین گے ہانڈی پا
 تیرا بھن کباب بنان گے اہجے ویلا ای اڈھ جا
 اتھے گھر گھر ڈاکو وس دے جناں خوف نا مول خدا
 اتھے ڈاکو پین دوپہر نوں تینوں کر سن مار تباہ
 اتھے عدل نا کردے بادشاہ ایہہ حاکم قہر خدا
 اتھے قاضی کھا کھا رشوتاں کنیں سولی دین چڑھا
 اتھے عمل نا اندر عالماں نالے زہد نا وچ فقہا
 اتھے صبر نا اندر صوفیاں گل تسبیح مکرریاہ
 اتھے رحم نا وچ نمازیاں ایہہ حاجی غضب الہ
 توں ظاہری شکلاں ویکھ کے بیبا بہیں نہ دھوکا کھا
 وے توں ویکھ نا بھلیں داڑھیاں ایہہ اندروں نہیں صفا
 ایہناں دنیا ٹھکن واسطے کوئی متھے لئے گھسا

اے سخن تینوں جاپ دے او وچوں ای بد خواہ
 ایتھوں جان بچا لے مور کھا تو دیس اپنے نوں جا
 ایتھے چور اُچکے چوہری جناں شرم نا مول حیا
 ایتھے کھوٹا کھرا نہ ویکھدے پئے وکدے اکو بھا
 ایتھے پیو پتراں دیاں گردناں تے چھریاں دین چلا
 ایتھے یار یاراں نوں مار دے کر کے ظلم جفا
 ایتھے دھوکہ دے چیر دے او ذکریا بے گناہ
 ایتھے چاہڑن چخہ خلیلؑ نوں اوگل وچ پا کے پھاہ
 ایتھے یوسفؑ کھوہ وچ سٹ دے ہتھیں آپ بھرا
 ایتھے انہیاں کرن یعقوبؑ نوں چالی سال روا
 ایتھے دند توڑ دے آن کے جناں شان لولاک کما
 نالے ماریا مولا مرتضیٰؑ کل ولایاں دا پیشوا
 ایتھے زہر پلا کے حسنؑ نوں دیندے مار مکا
 ایتھے ذبحہ کراہن حسینؑ نوں خنجر پیٹھ لٹا
 ایتھے بدر منور صورتاں قبریں دیندے پا
 ایتھے سوہنے پھل گلاب دے گھٹے دین رُلا
 ایتھے رنڈیاں ہون سوہاگناں اے منوں نہ لتھا چا
 ایتھے گانے بھجن والیاں رو رو مارن ڈھا
 ایتھے پیر پنمبر اولیا سب بستر گئے اٹھا

ایتھے سدا نہ رہنا مورکھا اینوں آ کھن دار فنا
 ایہہ دیس بیگانہ کملیا ایتھے نہ دل اپنا لا
 تینوں ساتھی پئے اڈیک دے کدی مڑ وطنوں نوں جا
 تیرا لماں سفر مسافرا توں کلیاں پینا راہ
 تینوں دیس نکالا دین گے سب مل کے بھین بھرا
 ہُن ملکھاں ولے آن کے توں بیٹھوں وطن بھلا
 ایتھوں چل عبداللہ چلے ایہہ دنیا بے وفا

=====

سلوکِ طریقت

الف

اللہ نور نہیں کدے وی ہو سکدا
 وحدت مرتبہ نبی دے نور دا اے
 احدیت چوں وحدت دے وچ آیا
 وحدت وچ آنا کم حضور دا اے
 جلوہ جمالی کدی نہ طور ساڑے
 جل جانا کم ایسے طور دا اے
 ساری گل نہ بالماں کھول دیویں
 حد وچ آنا کم نور دا اے

=====

اینوں پتہ نہیں گھڑی نوں کی ہونا
 ہے کوئی ہور تار ہلان والا
 ایہہ سدیاں کسے دے جاندا اے
 حکم کسے دے نال آن والا
 سونا جاگنا ایس دے وس ناہیں
 باہوں پھڑ کے کوئی اٹھان والا
 پتلی کدی نہ عزیز نچے
 تار کھچ کے کوئی نچان والا

=====

ایتھے کم نہیں نفل نمازاں دا
 ایتھے تار وچ تار ملائی دی اے
 ایویں وانگ نہیں سپاں دے مست ہوندے
 ستاں سُر اں دے نال وجائی دی اے
 انحد والے ساز بند ہوندے
 جدوں نفی دی تار ہلائی دی اے
 وچ سُن دے بالماں سُن ہو کے
 فیر دید محبوب دی پائی دی اے

=====

ابلیس سجدہ کرے نا کرے توں سجدہ آدم نوں کر دے
 جے رب تیرا تینوں کہندا رب بندے وچ رہندا
 پہن کے برقعہ میم دا آیا عارف دیندے پھر دے ہو کا
 جنے سجدہ آدم نوں کیتا مومن شیشہ رب دا اوہ
 دیکھ شیشے وچوں لیندا اے پڑھ دیکھ قرآن نوں بآتم
 او ”نخن اقرب کہندا“ اے

=====

اساں گل ابلیس دی نہیں منی سجدہ پیر دے درتے کرنا اے
 مکھ پیر دا اسم ذات اللہ ایسے بھید قرآن نوں پڑھنا اے
 جلوہ دیکھنا ہووے جے ذات ربی سامنے پیر دی صورت نوں دھرنا اے
 ایہو بالماں سری بھگوان اللہ ایسے بھید قرآن نوں پڑھنا اے

=====

اک من ویری اپنا دوجا وچ شیطان
 تیجی ویری نیند اے جیڑی چین نہ دیندی لین
 چوتھی ویری استری جنیں کھو لیا دھرم ایمان
 پنجواں ویری کال و دھن جد نظر گئی آسمان
 چھویں ویری موت اے جیڑی بیٹھی سرتے آن
 اینیں ویری ہوندیاں بالماں میرا کیویں روے ایمان

=====

اوہ مسلماناں کی مت نوں تیری ہو گیا بھوکا نفس تیرا کیوں رجدا نہیں
 مال اپنا چھڈ کے دو بے دا کھائی جانا مسلمان دے پتر نوں اے سجدا نہیں
 اے کم اے موذی منافقاں دا موذی کدے میدان وچ گج دا نہیں
 پتر شیراں دے بالماں شیر ہوندے شیر کدے میدان وچوں بھجدا نہیں

=====

ایس آدم دا نا وسا کھاویں ہندو مسلم یا سکھ عیسائی ہووے
 اودے ہتھاں تے پیراں دے لہیں بوسے عشق نبیؐ وچ جیڑا شدائی ہووے
 چوگ کھلری ویکھ نا طمع کریں کیتے نفس نے پھائی نہ لائی ہووے
 ایس شجر دے نیڑے نا جائیں باآلم آدم وانگ نا کتے لہائی ہووے

=====

او مسلمانی دا پا محراب متھے
 داڑھی شیخ دے وانگوں ودھائی جانا
 حج کر کے حاجی دا بورڈ لانا
 آکے مکر دا جال وچھائی جانا
 سبحان اللہ دا ورد زبان اُتے
 وٹے تکرری وچ گھٹ پائی جانا
 سیدھے پاسیوں چھری چلا باآلم
 پٹھی چھری نال ای کھل لائی جانا

=====

ب

بھار چوری دا سر تے چکنا نہیں تے ناں چک کے گھر لیاوناں ایں
تے بھار ڈھو کے روزی کما لینی رزق حق ہلال دا کھاوناں ایں
تے جیڑا اپنا بھار ناں چک سکے اودا چک کے گھر پچاوناں ایں
سر رب دی راہ کٹوا دینا باطل اگے ناں باآلم جھکاوناں ایں

=====

بندگی رب دی چھڈ کے بندے دی کرو بندگی بے کر جنتاں دے وچ جاوناں ایں
حقوق العباد حقوق اللہ اُتے ہو جاؤ پکے مسلمان بے تہاں سداوناں ایں
جنے بندے دی بندگی توں انکار کیتا طوق او سے دے گل وچ پاوناں ایں
گناہ رب نے اپنے بخش دینے گناہ بندے دے نے دوزخ لجاوناں ایں

=====

بے فائدہ کلام نوں بند کر دے نکلے سچ زبان دا زنگ نکلے
جو کجھ آکھیں اوہو ہو جائے جیڑا سیف زبان دا بند نکلے
لباں بند زبان نہ کرے حرکت نہ کوئی تار تے نہ کوئی تند نکلے
تالو نال زبان عزیز جد لگے برقعہ چک مدینے دا چن نکلے

=====

بیڑی صدق یقین دی مار پیریں تے مستقیم والے رستے جائی دا اے
 کند کوٹھا جے غریب دا ہووے بن والا گارا پیراں دے نال بنائی دا اے
 تے گٹھڑی مائی دی چک ٹرے جانا دکھ اسیراں دے نال ونڈائی دا اے
 او سٹے کوڑا توں خبر نوں جا بالم ایہہ کم پیارے مصطفیٰ دا اے

=====

بد بو طمع دی نک وچوں کڈھنی آں نہ نک دے وچ بد بو روے
 بیڑی حرص تے ہوس دی روہڑ دینی لا طمع دی آوندی خوشبو روے
 رات دن جیڑے ساہ آندے ہر ساہ اندر ہو ہو روے
 ایسا ہو اندر ہو جا محو بالم نہ غیر دی کوئی جستجو روے

=====

پ
 پنچیں روشن پنجاں وچ جلوہ تے پنچیں محض صفاتی
 پنجاں تھیں ہر ذرہ روشن پا پنجاں وچ جھاتی
 پنج نمازاں پنج تت تیرا پڑھ دے دن تے راتیں
 کدھے عزیز پنچیں غائب مقام لا ہوتی جاتی

=====

پاکستان وچوں مولوی کڈ دیو
 پاکستان جے تساں بناونا ایں
 فرقے بندیاں ساریاں بند کرو

مسلمان جے تہاں سدوانا ایس
 حقوق العباد حقوق اللہ اُتے
 جے کر جنتاں دے وچ جاونا ایس
 اک ہو کے اک دی کرو پوجا
 جے کر بالماں کفر مٹاونا ایس

=====

پیوند اُتری کینوں ہویا کھٹا جیڑی مالی نے کھٹی تے لائی ہوئی سی
 مسلمان ہو منافق گیا تائیں پیوند اُتر گئی جو کلمے دی چڑھی ہوئی سی
 بریاں لذتاں دے پیچھے چھڈ دتی دو لڑی رسی جیڑی پھڑی ہوئی سی
 ریتاں تتیاں تے باآلم پڑھے کلمہ جدھی اکھ محمدؐ نال لڑی ہوئی سی

=====

پوجا نفس دی چھڈ کے رب دی کرو پوجا تلواراں دو میان وچ پندیاں ای نہیں
 حق تے باطل نے کٹھیاں نہیں رہنا جیویں سوکناں رل کے بھیندیاں ای نہیں
 اوناں اپنا دامن بچا لینا نال غیر دے جیڑیاں کھیندیاں ای نہیں
 سچے رب دی پوجا جو کرن باآلم اوہ صورتاں دوزخ و ہندیاں ای نہیں

=====

ج

جالی شرع دی مولوں بٹھایا قاضی
 جیڑی پھائی امیراں نے لائی ہوئی آ
 تے لوکاں سمجھیا کرن تقریر لگا
 تے دنیا بھج کے ملاں ول آئی ہوئی آ
 اوناں دوڑ کے رسی نوں کچھ لیا
 دنیا پھائی دے وچ پھسائی ہوئی آ
 پٹھی چھری دے نال کرن ہلال باآلم
 شرع قابو امیراں دے آئی ہوئی آ

=====

جنگ حق تے باطل دا ہو ریا تے حق اوتے باطل چھائی جاندا
 غنڈا کسے دی نہیں پرواہ کردا عزتاں لٹ لیندا سر لائی جاندا
 ویکھ کلمہ محمدؐ دا پڑھن والا حلال سمجھ حرام نوں کھائی جاندا
 جتھے عدل انصاف نہ رہے باآلم اوتھے قہر خدا دا آئی جاندا

=====

جدوں سپاہی بنے رب دے تے مدد فرشتے کر دے سن
 خشکی تے دریا کی ہويا پہاڑ نہ اگے اڑ دے سن
 اوکھڑ جان دے سی پیر کافراں دے اوہ مسلمان جد لڑ دے سن

توحید پھیلا دے سن رب دی بآلم کافر کلمہ پڑھ دے سن

=====

جیڑا اپنے آپ تے ہويا عاشق او عمر حیاتی نوں روہڑ بیٹھا
ڈونگا دریا برائیاں دا وگدا اے بیڑا وچ دریا دے بوڑ بیٹھا
پوجا نفس پلّیت دی کرن بدلے رشتہ رب رسول توں جیڑا توڑ بیٹھا
او ولی خدا دا بالماں ہويا کامل جیڑا نفس برائیاں توں موڑ بیٹھا
سچے رب نوں جنے پوجیا اے او اپنے رب نوں پا بیٹھا

=====

جناں اپنا نفس پہچان لیا
او اپنا رب سیان دے نیں
جناں اپنا نفس پہچانیاں نہیں
او اپنے رب نوں جان دے نہیں
الف لام تے میم دے معنی او سمجھ گئے
واقف کار جو ناطق قرآن دے نیں

=====

جاگ سویرے جاگ لا لیئے
کھیڈاں وچ نہیں وقت گوائی دا اے
جاگ پانی نوں کدی نہیں لگدی اے
جاگ لا کے دودھ جمائی دا اے

اَدھی رات نا اٹھ کے دھو چائی
 دودھ ویلے نال رڑکنا پائیدا اے
 نیتاں لا دا لا پھیر دے پھیرا
 بالماں مکھن کڈھ کے گھیو فیر کھائی دا اے

=====

جاندى وارى كى بالماں نال كھڑناں بالن دکھاں دا جیڑا لدی جانا
 مسلمانی دا توں کی لگنا ایس ہتھوں عمل قرآن دا چھڈی جانا
 چولا شرع دا پا کے کریں دھوکا سینے وچوں ای ایمان نوں کڈھی جانا
 آکھے نفس پلّیت دے لگ کے تے جڑاں نال کلہاڑے دے وڈھی جانا

=====

جس واسطے سی جنگ دا حکم دتا او سے نفس نوں یار بنائی جانا
 بھلا ایس نے تیرے نال نہیں کرنا توں آکھے نفس اندر کانوں آئی جانا
 پوجا حق دی چھڈ کے باطل دی کریں پوجا زہر اپنے ہتھی کیوں کھائی جانا
 اٹھ بالماں رب نوں پوج لیے پوجا نفس وچ عمر ویائی جانا

=====

جال گئی سی جھلک یار والی
 دھونی یار دے در تے لا بیٹھے
 لوں لوں پکار دا اے رب ارنی

اسیں دیدی الکھ جگا بیٹھے
 اک میں دوسرا یار میرا
 جان وچ جدائیاں دے پا بیٹھے
 میں توں دا مٹ گیا بھرم
 بالم جدوں دوئی دا بھرم مٹا بیٹھے

=====

جے کر قدر حسین دی کچھنی آ جا کے پچھ لے اودے پروانیاں نوں
 جتھے شمع حسین دی جلے بالم روک سکدا اے کون پروانیاں نوں
 ملانے کی شرع نوں جاندے نیں ایہ تے نفس دی پوجا ہیں کرن والے
 رحمت رب دی لٹ کے چور لے گئے غنڈے اچکے تے دین توں مرن والے
 شرع نبیؐ دی رکھ لئی عاشقاں نیں ہس ہس کے دار تے چڑھن والے
 شہادت ایہناں دے نہیں نصیب بالم ایہہ ہیں حوراں دے عشق وچ مرن والے

=====

ح

حال کی پوچھنا حالیاں دا
 حال والا ای حال نوں جاندا اے
 اک حال ہوندا اک کال ہوندا
 پتہ کالی نوں اپنے کال دا اے

حال ہوئے وارد جے کر چل گذرے
مزا اوس نوں ہوندا وصال دا اے
ہستی غیر دی بالماں جدوں مٹے
فیر ہر ولے حالی حال دا اے

=====

حسینؑ اپنی گل تے ریا پکا کنبہ کر بلا وچ گہا دتا
باطل اگے نہ سر جھکایا باطل اگے نہ سر جھکایا
سوہنی اپنے پک تے رہی پکی اونے پک نوں خوب نبھایا
کچے گھرے نہ ساتھ نبھایا گل جاوے تے گل نہیں جان دتی
پک وانگ ابلیس دے رکھ باآتم اک گل تے گردن کٹا سکنا ایں

=====

د

دل دے نال وچار کیتی چواں عناصراں دا کیداں میل ہويا
وگے ہواتے مٹی نے اُڑ جانا اگ پانی دا کدے نہیں میل ہويا
جدوں چواں بچ پنہواں آن ملیا چارے رل کے پنجاں دا کھیل ہويا
پنچے چھیویں دے نال موجود رہندے کیسا فاعل دا بالماں فعل ہويا

=====

ط

ڈالیا سی جال مچھی ولے
 ناگ عشق دا آن کے لڑ گیا ای
 اودے ڈنگ دی پھیل گئی زہر سارے
 تن من تے کالجا سڑیا ای
 بناں پیتیاں ای نشے دے وچ رہندے
 نشہ جنوں پریم دا چڑھیا ای
 او پٹیاں بالماں نہیں پڑھدے
 عین شین تے قاف جناں پڑھیا ای

=====

ر

رے رنگ توحید دے رنگ ساقی
 تیرا کرم ہو جائے میرا کم ہو جائے
 اونوں رنگ توحید دا چاڑھ دینا
 جیدے نال ساقی تیرا سنگ ہو جائے
 ایسا رنگ توحید دا ، رنگ گوڑھا

جیڑا دیکھ لوے اوہ دنگ ہو جائے
 دھوبی دھوئے تے رنگ نا دھلے باآم
 ایسا چولا توحید وچ رنگ ہو جائے

رُوڑھ دے خودی تکبراں نوں
 طمع حرص دے روڑھ ہار وچے
 ندی نالے سمندر ، دریا، وگدے
 مجھ کچھ تے کچھو سنسار وچے
 عرش فرش تے زمین آسمان سارے
 سر سبز تے خشک پہاڑ وچے
 جنوں بار تو بالماں لہنا ایں
 اوہو وسدا ای دلبر یار وچے

راہ سدھا تے دسدا اے پر سدھا ہو کے چل دا نہیں
 برے کماں دے برے نتیجے فیر وی ویکھ کے ٹل دا نہیں
 باجھوں مرشد انج ہوندا جیویں گیلا بالن بلدا نہیں
 عین نوں غین نا دیکھیں باآم پتہ گھڑی پل دا نہیں

رب وچ ویرانیاں لہہ دا ساں لہا بستیاں وچ وسدا رب
 مندرائ مسجداں وچ میں ٹولیا سی لہا ایس قلوبت وچوں رب
 جناں گراں نوں رب کر جانیاں سی لہہ اوئاں نے لیا رب
 عرش فرش تے لا مکاں اندر شکل میم دی بن گیا رب
 بے صورتا، صورتاں دھار آیا ہر اک صورت بن گیا رب
 پہچان رب دی بالماں اودوں ہوندی جدوں رب وچ ہو جائے رب

=====

س

سور کھاؤناں کم اے سورے دا سور کھا دیاں بڑا سواد آوے
 سور وچ مسیت دے کوہ کھائیے نال بھری صرائی شراب ہووے
 سواد وچوں سواد آوے مرے مرن توں پہلا سواد آوے
 ورق ناطق قرآن دے کھول دیکھیں کتاب اپنی پڑھیاں سواد آوے
 سیر سارے زمانے دی پھریں کردا سیر اپنی کرن دا سواد آوے
 مقام وچ لاہوت عزیز جا کے نہ ثواب تے نہ سواد آوے

=====

سدے عاشق تے جاوے معشوق کیوں بھلا مرتبہ معشوقی دارہ سکدا
 او لا انتہا جدھا کوئی نہیں کنارہ حادث ہو کے عرش تے بہہ سکدا
 ہووے عاشق معشوق توں جدا کیوں اللہ مل کے محمدؐ وچ رہ سکدا
 جے بنے دونوں جہان محمدؐ دی خاطر فیہ محمدؐ ہی عرش تے بہہ سکدا
 اک عرش او تے اک فرش او تے کون صدے جدائیاں دے سہہ سکدا
 عزیز گھر والا ای گھر دے وچ جاندا اے گل زمانہ کہہ سکدا

=====

ش

شہر میں عشق دے جا وڑیا
 لپھا مار کے عشق ساڑ دتا
 اک تڑپنے تے اک سہکنے دی
 آرا دھر کے کند توں پھاڑ دتا
 اک ہجر فراق وچ روڑھ بیٹھے
 پھڑ کے کسے نوں دار تے چاڑ دتا
 نذرانہ عاشق دا لیندا سرِ بالَم
 فیر آ کے یار دیدار دیندا

=====

ط

طمع تے حرص نوں کڈ وچوں
 اگاں بوٹا توحید دا گڈنا ای
 کلہاڑا صبر یقین دا پا دستہ
 رکھ دوئی دا جڑاں تو وڈنا ای
 خودی تکبر تے غرور کبر ہنکار سارے
 اوناں سبھاں نو من وچوں کڈنا ای
 جھاڑو لا دا بالماں پھیر کے تے
 ویرا اپنا صاف کر چھڈنا ای

=====

ع

عین و عین دسیندا اودوں جد غیر دی ہستی سڑ جاوے
 فیر ہر ہر پاسے دسیندا اللہ جدھر مرضی اے سجدہ کر جاوے
 تن من پلیتی اودوں لیندی جدوں دریا وحدت وچ تر جاوے
 علم دا عالم اودوں ہندا باآلم جدوں ایس کتاب نوں پڑھ جاوے

=====

غ

غیر قوماں قرآن تے عمل کر کے ساتھوں لنگ گیاں اگے
 اسیں بدعت وچ پھس کے رہ گئے گلیں پا کے لمبے چگے
 پڑھ کے علم تے مارن سیٹیاں منڈا پیچھے تے گڑی اگے
 غیرت والے غیرت کھاندے باآلم، بے غیرت نوں کی لگے

=====

ف

فرق عین تے غین وچ نہیں ہندا پر نکلتے غین بنا دتا
 راز نکلتے دا سمجھ وچ آیا جد نکلتے گر سمجھا دتا
 جیڑا غین سی عین ہو گیا او جد نکلتے دوئی مٹا دتا
 ایس نکلتے دے ہیں حروف سارے نکلتے بالماں الف بنا دتا

=====

ق

قلبی ذکر شروع جد ہوئے چھٹن مغز کھپائیاں
 بھلن نفل نمازاں روزے قیدوں ہون رہائیاں
 دل زندہ تن مردہ ہوئے خوف نہ روے جدائیاں
 جاگ دا روئے یا سوتا باآلم آپے کرے پڑھائیاں

=====

ک

کامل گرو دی کرے جو بیعت بالم
اوہو یار دی سیج نوں جان دے نیں
اونان توحید زمین آباد کر لئی
جناں عشق پریم دے کھوہ جتے
پیر عبداللہ شاہ دے کرم تے ویکھ
بالم جیہاں دے جاگ پئے بھاگ سٹے

=====

کام کرو دھ کبر ہنکار سارے شوق شہوت دے پنچ وچ پھڑیا ہویا اے
بناں مرشداں نہیں نجات بالم بیعت کرن توں ملاں کیوں ڈریا ہویا اے
جناں کسے دی کیتی نا بیعت اتھے جھنڈے تھلے ابلیس دے کھلون گے اوہ
وقت گیا نہیں بالمآں ہتھ آناں ہتھ متھے نوں مار کے رون گے اوہ

=====

کسے گروتوں جا کے مت لے لے بغل وچ کیوں دشمن نوں لئی جاناں
 ڈنگ مارنوں ایس نہیں باز آؤنا جنوں چرب نوالے توں دئی جانا
 عاشق من مسیت چوں لبھ لیندے مندریں مسجدیں ول کی وئی جانا
 سچے رب دی بالماں کرو پوجا جھوٹھے نفس نوں رب کیوں کہی جانا

=====

کیوں ناپس نوں برائیاں توروک لواں بناں گر کامل ایہنے رکنا نہیں
 گر دسدا اے نفس جنگ کرنا بناں جنگ کیتیاں ایہنے جھکنا نہیں
 کیوں نا اپنا آپ گوا کے یار پالواں پینڈا دور دا اے ایہ مکنا نہیں
 دیواں نفس دے منہ لگام باآلم نہیں تے ڈنگ مارنوں ایس رکنا نہیں

=====

کناں نال نہیں غیر دی گل سنی پاویں گل اندر کناں راز ہووے
 ہر پاسیوں کناں نوں بند کرناں سننا نہیں جو جدا ساز ہووے
 جیرے تر دریا وچ وجدے آ انحد دی آوندی آواز ہووے
 جدوں سن سادھی دا بالماں راز کھلے نہ ساز تے نہ آواز ہووے

=====

گ

گوپی چند نے فقیری پائی در در منگے آٹا
 بوہے اگے جا کے صدا کیتی پچھیا پا دیو بھاٹا
 چھوٹی رانی نے بول پچھاتا ہور کسے نہیں پچھاتا
 جناں رانیاں دا خصم سی اوناں رانیاں نوں کہندا ماتا
 جیبا تیری کی ہندا جاندا رانیاں نوں کہندا ماتا

=====

گردن اوناں دی باطل اگے جھک دی نہیں نفس جنگ تھیں جیرے شہید ہو گئے
 عاشق شاہ حسین دے صبر تھیں ہوئے واصل زہد الانبیاء بابا فرید ہو گئے
 اودھر عاشق ابلیس دے بنے قارون فرعون شداد بے دید ہو گئے
 پوجا حق دی چھڈ کے جو باطل دی کرن پوجا ظالم ظلم تھیں باآلم یزید ہو گئے

=====

ل

لگام نفس دے منہ وچ دین بدلے کامل گرو کوئی لہجہ کے پھڑی دا اے
 ڈھال صدق یقین تے لاکھوار پھڑ کے جنگ نفس دے نال رات دن لڑی دا اے
 خرافاتیاں نفس جے کرن لگے لگام دے کے نفس تے چڑھی دا اے
 کتاباں ٹھپ کے بالماں رکھیاں اک پاسے تے کتاب اپنی کھول کے پڑھی دا اے

=====

لا کے عاشق نہیں پیچھاں ہٹ دے
 بھاویں ہو جان بیرے بیرے
 دکھ درد مصیبتاں سہندے سر اوتے
 پر رکھ دے قدم اگیرے
 غیر دی ہستی جد سڑ جاوے
 فیر دسدا ای چار چو فیرے
 لا وچ لا نہیں باآلم لگدا اوناں تے
 جناں دے لامکانی ڈیرے

=====

م

مسلمان تے سڀ دے بچیاں نوں نال چُلوواں دے دودھ پلائی دا نہیں
 ایناں دواں دے نال پیار پا کے ڈنگ اپنے سینے تے کھائی دا نہیں
 دور دور رہ کے سُنکھی وِسی دا اے گھر سد کے ٹبر کھوائی دا نہیں
 جان مال عزت بچاون بدلے نیڑے دواں دے بالماں جانی دا نہیں

=====

ملاں اپنی شرع نوں گھر لیجا اسّاں نبّی دی شرع اپنائی ہوئی آ
 بوٹے شرع نوں ذکر دا خون دے کے جان تلی اوتے ٹکائی ہوئی آ
 خاطر شرع دی کنبہ گہا دیتا گردن کر بلا وچ کٹائی ہوئی آ
 شرع رکھ لئی عاشقاں صادقان نیں بالم شرع لئی چمڑی لہائی ہوئی آ
 ملاں توں کی شرع نوں جاننا ایں گھوڑے نفس دے اوتے توں چڑھیا ہویا ایں
 منہ نفس دے نہیں لگام تیرے قلعے نفس اندر توں وڑیا ہویا ایں

=====

ملاں توں کی ربّ نوں جاننا ایں جے کر اپنے آپ نوں جاندا نہیں
 ایویں ربّ دی کیویں پہچان ہو سی جے کر اپنا نفس پہچان دا نہیں
 ایس قرآن نوں توں کی سمجھنا ایں واقف کار جے ناطق قرآن دا نہیں
 متقی پرہیزگار نہیں بالماں بن سکدا واقف کار جے اہل عرفان دا نہیں

=====

میم ملانے تابع رہندے حاکم جیڑا آوے
 جھوٹھا سچا فتویٰ دیندے حاکم جو دوا وے
 عاشق نوں سگوں مستی چڑھدی فتویٰ سینے لاوے
 دین نبی دا جان نہیں دیندے باآلم سر جاوے تے جاوے

=====

منافق نالوں کافر چنگا جیڑا وچ کفر دے رہندا
 منافق کردا ہیرا پھیری ہر ویلے بدل دا رہندا
 سو درجے ابلیس ہے بہتر گل کہیہ کے نہیں واپس لیندا
 تے مسلمان اوہو ہندا باآلم جیڑا ربّ نوں ہی دیکھ دا رہندا

=====

مسلماناں توں سی سبق توحید دین والا ڈپو کاہنوں برائیاں دا کھو لیا ای
 وٹے تکرّی دے وچ گھٹ پا کے سودا گاہک دا گھٹ کیوں تو لیا ای
 چھابا لد کے آکھنا ایں جا بیبا گھٹ تو لن توں جیڑا بولدا ای
 سچے گرو توں سکھ توحید باآلم گندے کوڑے نوں کاہنوں پھولیا ای

=====

مسلمان نہ ہر اک نوں سمجھ بیٹھیں علاج عقل دا کتوں کرا کے ویکھ
 کافر مومن چوپائے سب دس بندے کسے گرو توں عینک لوا کے ویکھ
 بچے سپاں دے یار بنائی دے نہیں ساڈھی گل نوں ذرا آزما کے ویکھ
 بندر سور کتے ریچھ نظر آوندے جھاتی قلب تے بالماں پا کے ویکھ

=====

ن

نیوں لا کے سکھ نال سویں دا نہیں
 لاؤنا عشق ہوندا بکھیرا
 نہیں تے پچھ لے رانجھے کولوں
 جدوں ہیر نوں لے گیا کھیرا
 نہیں تے پچھ لے بلھے شاہ نوں
 گھر کنجراں دے لایا ڈیرہ
 چل بالماں وسیئے اوتھے
 جتھے عشق نہیں پاؤندا پھیرا

=====

و

وا میں جاواں قربان اوناں توں
 جتاں نفس نوں گھوڑا بنا لیا
 نفس نے کھبیاں چاڑیاں نے
 زہد کر کے نفس اپنا لیا
 غوث قطب ابدال ہو گئے نے
 مستقیم والا جتاں نے راہ لیا

اونان نے چوپے نے بآلم پریم رس
پھل توڑ کے جناں نے کھا لیا

=====

۵

ہتھ پیرتے اکھیاں منہ کن جیڑے ایہو سگے نے بھین بھرا میرے
میرے حکم نوں رات دن من دے نیں ایہو بجن تے ایہو دشمن میرے
بننا محشر نوں ایناں گواہ میرے جد پچھناں ایں بآلم خدا میرے

=====

ہر پاسیوں نظر نوں بند کر دے غیر ویکھیاں دلے تے غیر پے نا
عین ویکھیا دلے تے عین ہو سی ایہہ فیر عین وچوں عین نے کھل پے نا
قطرہ سیپ وچ پے کے بنے موتی اودا وچ بازار دے مل پے نا
اکھ غیر ولوں بآلم جدوں بند ہو سی فیر باطن دی اکھ نے کھل پے نا

=====

ہندوستان جے ماتا پکا لوے پاکستان نال جنگ مچاون بدلے
پاکستان دے مولوی کرو اکٹھے ہندوستان دے نال لڑاون بدلے
پہلے حلوے نال رجاؤ فیر گھلنا مرن مراون بدلے
کچھے اونان دے بالماں فوج لائیو بھج آون نا جان بچاون بدلے

=====

ہتھ کل برائیاں توں موڑ کے تے بوٹے نیکیاں دے صدا بوئی دے نے
 روزی ہتھاں دے نال کما کھانی بوٹے پٹے مڈھوں بد خوئی دے نے
 ہتھ پانیاں نال نہیں پاک ہوندے وچ وحدت دریا ڈبوئی دے نے
 اوہو چمکدے رہن گے ہتھ باآلم جیرے ہتھ برائیاں توں دھوئی دے نے

=====

ہم واسی ہیں اس بستی دے
 جتھے لیندا نہ چڑھدا اے
 او تھے کفر نہیں اسلام نہیں
 او تھے مے خانہ تے جام نہیں
 او تھے مسجد تے مندر نہیں
 او تھے سادھو دھونیاں لاندے نہیں
 او تھے چن تے سورج تارے نہیں
 او تھے لیندا تے چڑھدا نہیں

=====

ی

یاد کر اپنے رب تائیں
 جدو سامنے درشن دیدار دتا
 اوس الست ربکم آکھیا سی

قالو بلی پکار دتا
 کنیاں آ کے وعدے دا پاس کیتا
 کنیاں کر کے وعدے نو ہار دتا
 وعدہ عاشقاں توڑ نبھایا باآلم
 بھاویں کھل لتھی بھاویں دار دتا

=====

یاد پیارے دی یاد اندر
 یاد یار دے وچ سمائی دا اے
 اکو یاد پیارے دی رکھنی اے
 ہور ناں یاداں نوں دلوں بھلائی دا اے
 ہو ہو دا ذکر وجود اندر
 ساہ دسویں دوار چڑھائی دا اے
 جدوں کھلے سماہی دا راز باآلم
 پتہ اپنا فیر نا پائی دا اے

=====

پیڑ پوے تے مرد ونڈا لیندے پردے عاشقاں دے مرد کج لیندے
 مندر تے مسیتاں وچ پھرے لبھدا تیرا ای وجود اے گھر رب دا
 پردہ دوئی والا بالماں اٹھ جاندا جدوں میم والی گنڈھ کھول دیندے

=====

حقا پیوے ہر کوئی حقا ہر کا جی
کی لینا گنگا جا کے گھر بہہ کے حقا پی

=====

تھے کدے تر بوز نہیں بن دے چاہے مکے پھیر لیاے
کانواں دے پت ہنس نہ بن دے بھانویں وچ دریاواں نواے

=====

حشر تک پڑی رہن دے جدائی یار دی روز محشر نوں عاشق کرن گے منہ جوڑ جوڑ گلاں
چنگی ایس نے نبھائی اے جدائی یار دی رنگ محشر نوں لیاے گی جدائی یار دی

=====

جے کر نفس برائیاں توں رک جاوے تے سجن ایدے ورگا ہور کیہڑا
عدلی راجے توں رانجھے نوں ہیر ملسی منہ تکدا بالماں رہوے کھیڑا

=====

زمیں مسجد سراپا اے خدا دا گھر
ایس اچ اے ای نماز ہے بالم گناہ نہ کر

=====

کملے لوک جہان دے بھلی ایناں دی مت
صورت پیر دی دیکھ کے اچے وی لبھدے رب

=====

دم دم دی پڑھن نماز عاشق تے قائم جناں نے کیتی
وحدت دے دریائی ناتے باکم مل مل لائی پلیتی

=====

توحید دے موتی

حضرت سائیں عبدالعزیز المعروف بابا بآلم
قلندر قادری قلندری نوشاہی عبداللہ شاہی

بِسْمِ اللَّهِ الرَّحْمَنِ الرَّحِيمِ

کُنْتُ كَنْزًا مَخْفِيًا ۝ (الحديث)

جدوں احد چوں بچونہ سی نہ رنگ روپ نمونہ سی
 الرحمن الرحیم نہ قہار جبار تے للہ سی
 اوتھے میم دا برقعہ پا آیا محمد نام رکھا آیا
 اے صورت ہے بے صورت دی بن الف تے میم الہ آیا
 ایہنوں جانن والے جان گئے ایہنوں عارف لوگ پہچان گئے
 آپے ہر صورت بن خدا آیا
 کتے ماردا پھر دا چانگاں اے بن ملاں دینداں بانگاں اے
 کتے مندر ٹل کھڑکاندا اے کتے متھے تلک لگا آیا
 ایہدا جمیاں کوئی شریک نہیں خود لا تھیں ہو الہ آیا
 کتے باآلم گر عبداللہ اے بن عرش تے علیؑ خدا آیا
 خود اپنے جلوے دیکھدا اے جد سن سادیاں لا آیا

=====

فَاذْكُرُونِي اَذْكُرْكُمْ ○ (سورة بقرہ آیت نمبر 152)

جد لکھیا لیکھ دا ملنا ایں فیر کہنا خدا نوں خدا کیوں اے
 جد یار دی یاد او کردا اے فیر رہندا یار جدا کیوں اے
 جد قادر مطلق ہے اکو فیر میری اے یار خطا کیوں اے
 بناں قادر قدرت نہیں چلدی فیر دیندا سرپتلی دا لا کیوں اے
 پتہ لگدا نہیں اودے فریباں دا کتے وفاتے کتے بے وفا کیوں اے
 جد قل ہواللہ ہے اکو فیر میم تے الف او لا کیوں اے
 جد حاضر ناظر رہندا اے فیر غیر نوں ملدا تھاں کیوں اے
 جد غیر دا کوئی وجود نہیں فیر غیر دا رکھیا ناں کیوں اے
 عزیز پتہ کجھ لگدا نہیں چل پچھیے گر عبداللہ نوں
 جد رکھدا کوئی وجود نہیں فیر قرآن کلام خدا کیوں اے

=====

وَاقِمِ الصَّلَاةَ لِذِكْرِي ○ (سورۃ طہ آیت نمبر 14)

میں بندگی اپنی کر دا ہاں دس میں خدا دا کی کردا
 مینوں صلہ عمل دا مل جاندا جو کردا میں اوہو بھردا
 مینوں کیوں دکھاوے راہ سدھا دس کیڑی نماز میں ہاں پڑھدا
 اس قابل تے میں ہوندا نہیں جو کرم میرے تے ہے کردا
 اسیں دیکھ کہ سجدہ کردے ہاں تاہیں عشق نماز نوں پڑھدے ہاں
 جد پردہ یار اوٹھا لیندا بے پردہ درشن ہاں کر دے
 جد اپنے آپ نوں جان لیا ہر رنگ دے وچ پچھان لیا
 اوہو دسے اندر باہر اوہو ہے ہر صورت جلوہ ہے پیندا
 خود پاندا پھیرے پلکھے نوں وچ کرے پلکھے لکھے نوں
 سٹ تسبیح عزیز مصلے نوں جد لیکھا تیرے نال نہیں کردا

=====

وَ فِي أَنْفُسِكُمْ أَفَلَا تُبْصِرُونَ ۝ (سورة الذریت آیت نمبر 21)

تینوں ایویں پیا شک اے نہ ماہی اساں توں وکھ اے
 تیری نظر وچ غیر دا ککھ اے توں نہ ہوویں سب حق اے
 تیری سدھ بدھ دوئی نے مار لئی تو کدے نہ اپنی سار لئی
 تیری دواں تے رہندی اکھ اے توں نہ ہوویں سب حق اے
 تیرے وچے غیر تے حق اے توں دواں نوں ویکھنا وکھ اے
 جے دل والی ویکھیں اکھ اے توں نہ ہوویں سب حق اے
 توں کثرت وحدت کہنا ایں وچ پر ہر مرتبے رہندا اے
 کتے دیکھ نہ سکدی اکھ اے توں نہ ہوویں سب حق اے
 تیرا ہونا سارا وہم دا اے کم عزیز فہم دا
 شاہ عبداللہ کڈ دا شک اے توں نہ ہوویں سب حق اے

=====

اَلْعِلْمُ نُقْطَةٌ وَ كَثُرَتْ الْجَاهِلِيَّةُ ۝ (الحديث)

کدے وحدت دے وچ تر دے ہاں کدے ناطق کھول کے پڑھ دے آں
چلمن دے پردے سڑ دے آجد عاشق درشن کر دے آں
اتھے مندر مسجد جام نہیں اتھے مالا تسبیح نام نہیں
اوتھے کفر تے اسلام نہیں جھتے ڈیرے ہوون دلبر دے
کم نفل نماز ہے بالاں دے ہے کثرت واسطے جاہلاں دے
بناں نقطے علم خیالاں دے اوتھے الف نہ بے تے پڑھ دے آں
اے گورکھ دھندا ثانی اے ایہ ساری کوڑ کہانی اے
عزیز اے آنی جانی اے اوتھے پتے نہ ڈونگے سر دے آں

=====


هُوَآلَا وَلَّ وَالْآخِرُ وَالظَّاهِرُ وَالْبَاطِنُ ۝ (سورة الحمد آیت نمبر 3)

مٹی اگ ہوا پانی جیڑے چارے سن وچے تیرے
چواں دا بنا کہ حجرہ وچ لا کہ بہہ گیا ڈیرا
بے صورت دی صورت ساری جدھر میں نظر ماری
ظاہر تے باطن اوہو اول تے آخر جیڑا
پنچ پنچہ انگلاں آیاں پنجاں وچ آیا چہرہ
پنجاں دا تجلا سارا پنجاں وچ نور تیرا
پنجاں چوں پلٹ کوئی نہیں پاک تے پلٹ کیرا
لاوالی تیغ پھڑ کے قتل کرے غیر جیڑا
پنچتن پنچ تن پنچے اک وچ لاندے ڈیرا
کی لیناتوں دوکھڑے سہہ کہ مک جاوے جھگڑا جھیرا
پنچ بارہ چودہ پندرہ اک تھیں انیک کیرا
پنجاں دی ڈور پھڑ کے پتلی نچاندا جیڑا
عزیز جے ہندا اوہ وی کہندا اے کجھ ہیگا میرا
گر عبداللہ لیکھا کیتا توں نہیں سب تیرا

اَكَاذُ اُخْفِيَهَا لِتُجْزَى كُلُّ نَفْسٍ ۝ (سورۃ طہ آیت نمبر 15)

ملاں پنڈت جھگڑا کر دے جیویں بازی دے لکڑ لڑ دے نی
 پئے جتن جاندے ہر دے آخروچ میدان دے مردے نی
 اتھے ہر جاء گل چنگی اے کوئی رنگ توحید دے رنگی اے
 اک وھم دوئی وچ مردے نی اک طالب پھر دے زردے نی
 اک سبق نفی دا پڑھ دے نی اک سیر وجود دی کر دے نی
 اک خصم بناں سروں نگی اے کوئی رنگ توحید دے رنگی اے
 کتے شیعہ سنی بھنگی اے کتے کافر مومن نگی اے
 اک عشق وچ پھر دی ڈنگی اے کوئی دار دے اوتے ٹنگی اے
 اس گھاٹ کوئی وڑ کے لنگی اے کوئی رنگ توحید دے رنگی اے
 کتے مندر مسجد باڑے نی کتے کافر مومن مارے نی
 اے مذہباں دے سب پواڑے نی اے روپ اکو دے سارے نی
 جیڑی سمجھ گئی اوہو گل چنگی اے کوئی رنگ توحید دے رنگی اے
 توں زہد وچ عمر کھپا نہیں وچ جنگل نیلے جا نہیں
 من خاک دے وچ رلا نہیں اے دلبر والا راہ نہیں
 تیرے اندر بیٹھا سگی اے کوئی رنگ توحید دے رنگی اے
 اکناں نے لائی دھونی آں اکناں دے ہتھ وچ پونی اے

اکناں دی گھاگراونی آں اکناں نے پھیر لئی گوئی اے
 اے کھیل کھلاڑی چنگی اے کوئی رنگ توحید دے رنگی اے
 اک وصل نصیب ستیاں نوں اک جاگن تے نہ اٹھیاں نوں
 اک کربل دے وچ کھٹیاں نوں بھاویں جنت واڑے کتیاں نوں
 اُو جو کر دا اوہو گل چنگی اے کوئی رنگ توحید دے رنگی اے
 ایتھے بولن والی جاہ نہیں ایتھے چلدی کوئی واہ نہیں
 اس دم دا کوئی وساہ نہیں بن گر عبداللہ تھاں نہیں
 گر ہر ہر جاء دا سنگی اے عزیز کوئی رنگ توحید دے رنگی اے



وَمَنْ كَانَ فِي هَذِهِ أَعْمَى فَهُوَ فِي الْآخِرَةِ أَعْمَى وَأَضَلُّ

سَبِيلًا ۝

(سورۃ بنی اسرائیل آیت نمبر 72)

ملاں علموں واقف ہو کہ رکھیں علم بتھیرا
اک اللہ نوں صحیح نہ کیتا وھم وچ لا لیاڈیرا
آکھن نبی ہے وچ مدینے ہن ہے مالک کیڑا
باجوں گر دے کون دکھاوے شیشہ اناں جیرا
شیعہ سنی تے وہابی جھگڑا کرن بتھیرا
حوراں اوتوں لڑلڑ مر گئے رب دا عاشق کیڑا
پڑھ پڑھ سانوں آیتاں دس لا بیندے جھیرا
آخر نوں او اناں ہو سی دنیا اندر جیرا
دس پوچھن وچ قبر دے اللہ نبی کیڑا
اوتھے جا کہ کی دساں گے ہن نہیں ڈیٹھا جیرا
بھاجڑ چک عزیز غیر دی سجاں کیتا وہیڑا
گھر والا جد گھر وچ آیا مکا جھگڑا جھیرا

=====

آی الْحَقُّ ظَهَرَ بِمُحَمَّدٍ وَ قَالَ فَالْحَقُّ مُحَمَّدٌ ظَاهِرًا وَ بَاطِنًا ۝
(الحديث)

جیرا مالک ساریاں شاناں دا او شان نرالی رکھدا اے
بھاویں بن کے مرسل کہاوے پر رتبہ یتیمی رکھدا اے
جبریل جیئے غلاماں نوں دیوے رتبے خاص تے عامان نوں
استحے کم کی بھلا براقاں دا جیرا عرش پیراں تھلے رکھدا اے
ہے یکساں عرش تے فرش اوتے بھلا ہور کوئی ہیگا عرش اوتے
اے پرتوں تیری نظر دا اے اُوہو ہر اک مرتبہ رکھدا اے
سب نور نبی دا ظہور ہويا چاہے نبی کوئی چاہے رسول ہويا
اے مرلی کون وجاوند سی ایہو شرم عزیز رکھدا اے
بے صورت اندر صورت دے تائیں پندے جلوے مورت دے
ایہو صورت ہر جاء بولی اے تاہیں رل مل کھیڈی ہوئی اے
ہو ہو دے جد ہوئے اشارے ہر گلی وچ رنگ نظارے
جد شوق ستارے چمکے نے کھیڈی میم وچ آنکھ مچولی اے
بھاویں چادر میم دی تان لئی پر رانجھے ہیر سیان لئی
اے اودوں دا یار پرانا اے جدی مرلی الست بولی اے
یار پردے تے پردے نوں پوندا گیا تیرا عشق عزیز جلاؤندا گیا
گل کہنی نہیں جو بیتی اے جد میم مروڑی کھولی اے

الرَّحْمَنُ عَلَى الْعَرْشِ اسْتَوَى ۝

(سورۃ طہ آیت نمبر 5)

کون ہتھ پیر اکھیاں بناوندا ریا گھر گھر کے نقش لگاؤندا ریا
ایہنا بتاں دا پجاری خدا دیکھیا رکھ سامنے درشن پاؤندا ریا
کون دندان دی جڑت نوں ریا جڑا ساہ گن گن کے وچ پوندا ریا
آؤندی سانس چوں آواز کدی اے کون سانس دی مالا چلاوندا ریا
وچ قطرے سمندر بند کر کے جگہ جگہ تے مقام سجاوندا ریا
آپے اپنے مقاماں دی سیر کرے آپے اپنا درشن پاؤندا ریا
بے صورت مردا صورت تے ایہو صورت ہر دا ہے شیشہ
اُودے وچوں دی دیکھدا اے چہرہ تاہیں ایسا ورد پکاؤندا ریا
تیرا دعویٰ غلط عزیز دیکھیا اتھے ہور کوئی حکم چلاوندا ریا
جیویں بلبلا پانی چوں بنی جاندا خود بن بن خود نوں مٹاؤندا ریا

=====

وَمَا أَرْسَلْنَاكَ إِلَّا رَحْمَةً لِّلْعَالَمِينَ ۝ (سورة الانبیاء آیت نمبر 107)

نبیؐ اپنے کرم تھیں کرم کر کے بیکساں تے کرم کمان آیا
 جو حکم دیندا کرنا پے جاندا کر کر کے نبیؐ کراؤن آیا
 جدھا ورد محمدؐ خدا کردا اوہ ساڈا محمدؐ کہان آیا
 جیڑا راز مخفی اودے ملن والا جنے سمجھیا اونوں سمجھاؤن آیا
 جیڑا سی اول اوہو آہا آخر کرم اُمتاں اوتے کمان آیا
 احدیت تھیں ہو عزیز وحدت محمدؐ اپنا نام سداؤن آیا
 الف اکو دیاں صفتاں دویں کتے جمال تے کتے جلال آیا
 چمن اپنی مدوچ رہے کھلیا کدرے زوال تے کدرے کمال آیا
 کدرے ڈھاؤندا کدرے او بناؤندا کدرے غفار تے کدھرے قہار آیا
 نبیؐ وچ اللہ اللہ وچ نبیؐ عزیز کثرت وچ کردا پیار آیا

=====

وَأَقِمِ الصَّلَاةَ لِزِكْرِي ۝

(سورۃ طہ آیت نمبر 14)

ملاں پنڈت بڑے لوٹیرے
 ایہناں دے نہ لگیں نیڑے
 جل بل عشق وچ ہو جا نیڑے
 اندر باہر دے یار تیرے
 وہم غیر چک جاون ڈیرے
 سب نور محمدی پائی دا ہو مالک کل خدائی دا
 او رکھ لے روزہ پڑھ نماز
 جس وچ انحد آئے آواز
 اللہ سوز وچ مل جائے ساز
 ایس وچ اک وڈا راز
 آؤنوں بند یاں ہووے آواز
 فیر دو تھیں اک ہو جائی دا
 سب نور محمدی پائیدا ہو مالک کل خدائی دا
 سٹ مالا تسبیح چھڈ حساب حسابوں ہو جا بے حساب
 وہم دوئی دا چک نقاب - جد لا وچ لا ہو جائی دا
 سب نور محمدی پائی دا ہو مالک کل خدائی دا

جد گر دے وچ گر ہو جائے
 گر ہی پنچ تن پاک ملاوے
 اک ذرے وچ قلم پاوے
 اک نقطے وچ گل سمجھاوے
 اتھے وہم غیر اوڈیدا ہو مالک کل خدائی دا
 سب نور محمدی پائی دا
 ملاں پنڈت جے ویکھ لیندے
 چھڈ مسجد مندر جنگل وہندے
 تنہایاں دے وچ جلوے پیندے
 دار اوتے چڑ ایہو کہندے
 ہن کھلدا نور صفائی دا
 سب نور محمدی پائی دا ہو مالک کل خدائی دا
 ملاں پنڈت پیگے جیڑے
 اللہ نہیں لنگیا ایہناں دے نیڑے
 وہم دوئی دے لا لیئے ڈیرے
 پھر دا ہووے بھاویں چار چوہیرے
 نہیں گر بن کدرے نظری آئی دا
 سب نور محمدی پائی دا ہو مالک کل خدائی دا
 عزیز ڈیرے گر دے آیا شاہ عبداللہ بھید بتایا

دل وچوں دلبر نوں پایا
 اندر باہر نظری آیا
 ایتھے جیوندیاں ہی مر جائی دا سب نور محمدیؐ پائی دا
 ہو مالک کل خدائی دا



وَلَا تُطْعُ مَنْ أَغْفَلْنَا قَلْبَهُ عَنْ ذِكْرِ نَا وَاتَّبِعْ هُوَهُ وَكَانَ أَمْرَهُ
فُرْطَا ۝

(سورۃ الکہف آیت نمبر 28)

میں پنڈت بن کے مالا پھیراں توں ملاں بن کے تسبیح
میں مندر وچ جا کے ٹل کھڑکا ونا توں بانگ سناوے رمی
میں تلک لگا کے چندن چڑھا وناں تو سجدے وچ کسی
آس لگا لئی اکوچ سرتی چھٹ گئی مالا تسبیح
ملاں تیری بغل قرآن میری بکل وچ پوتھی
توں واہ کھاہدے تیس سپارے میں واہ کھاہدی پوتھی
پھڑ پھڑ دنیا وہم وچ ڈوبی کر کر کاہلا ماہلا
رام تے اللہ چھڈے دواں مہنڈباں دا منہ کالا
توں کوئی ملاں عقد کرانا میں دے لیناں پھیرے
چھری مذہب دی ہتھہ اساڈے بھیداں وانگر چیرے
کھا کھا دواں نفس ودا لئے دل کر لیندے کالا
عاشقاں لا کے سن سماہی لبھ لیا گھر والا
ملاں توں رکھاویں روزے میں رکھاواں بھرت
پوڑی حلوہ نان تے گوشت کھا کھا پھڑیئے بھرت
چن وکھا کے عید کر ایئے بن کے صوفی اعلیٰ
ساڈی عید عزیز ایہو چن مدینے والا

آ کھن چھترے بکرے لوؤں پل صراط لنگھ جائے
ذبح کر کر گوشت کھائے خوشیاں عید منائے
نا قربانی نفس دی دتی لبھا کم سوکھلا
شاہ عبداللہ مرشد ملیا لیھ گیا سب پالا

=====

هُوَ الْأَوَّلُ وَالْآخِرُ وَالظَّاهِرُ وَالْبَاطِنُ ۝

(سورة الحديد آیت نمبر 3)

ملاں ٹھپ لے علم کتاباں دا پھریں چکی بھار حجاباں دا
 سانوں عادت پینیں شراباں دی بھن جگر دے کھان کباباں دی
 اسیں ہاں زاہد عشق نمازی باج گراں دے جھوٹی بازی
 اسیں دار کولوں ناں ڈردے ہاں ہس ہس کے دار تے چڑھدے ہاں
 چڑھ دار تے درشن کر دے ہاں تائیں مرن تھیں اگے مردے ہاں
 لافٹوی زاہد ہو جا راضی باج گراں دے جھوٹی بازی
 سکھ دم نوں قید لگاؤں دی رکھ سرتی آون جاون دی
 نہ جاگن تے نہ سوؤں دی وچوں اپنے آپ نوں پاؤں دی
 کر کوئی زاہد حیلہ سازی باج گراں دے جھوٹی بازی
 گر نے کی نہیں کر دکھایا بٹھا کنجراں گھر نچایا
 بلھے نچ کے گر منایا گر جاں سینے نال لگایا
 تائیں بلھے جت لئی بازی جے گر راضی تے ہر راضی
 گر اللہ نبی علیؑ ہے گر حسن حسینؑ ولی ہے گر غوث الاعظمؑ جلی ہے
 ہر منگتا جس دی گلی ہے
 جس دے فیض کرم نے دنیا تاری جے گر راضی تے ہر راضی
 باج گراں دے جھوٹی بازی

نزدیک جتنا کوئی بنی دے آیا اوتناں اوس نے مرتبہ پایا
 جسمک جسمی لحمک لحمی حیدر وچ نبی دے آیا
 دو جگ اندر مل گئی شاہی جد جبہ فقر دا پایا
 اتھے اوتھے خوف نہ کوئی علیٰ ہو گیا جس تے راضی باج گراں دے جھوٹی بازی
 بھاویں حاجی پاک نمازی اوہو مشرک وڈا پاچی ہر گئی اس دی جتی بازی
 نبی منہیں ہو یا جس تے راضی ہے گر راضی تے ہر راضی باجوں گراں دے جھوٹی بازی
 باجوں گر دے کسے نہیں پایا گر عبداللہ بھیت بتایا نحن اقرب نظری آیا
 ہر ہر پاسے گرنوں پایا عزیز اے ہے گر دی کرم نوازی باج گراں دے جھوٹی بازی
 گرتے اللہ اوہو دل نہیں کہندا آکھاں دو چک وہم دا پردہ اکو ہونہ ہے اے نہ ہے او
 صم، بکم وچ ہو راضی باج گراں دے جھوٹی بازی

=====

لَا إِلَهَ إِلَّا هُوَ الرَّحْمَنُ الرَّحِيمُ ○

(سورة البقرہ آیت نمبر 163)

گر پھر لے شاہ عبداللہ نوں تینوں اک دیکھا وے اللہ نی
 تیرے دل دی ہووے تسلا نی اے سدھا راہ سوکھلا نی
 سیر لا الہ الف لام میم نی چھڈ 99 والی جہات کڑے اے اکو دی ہے بات کڑے
 جدوں بیسی اک اکلا نی نہ بیسی کوئی تجلا نی
 نہ رام نام نہ اللہ نی دو ہو کے فیر اکلا نی نہ دن تے ایتھے رات کڑے
 نہ کثرت ہے نہ وحدت نی نہ جمن مرن شہادت نی
 نہ بھگتی زہد عبادت نی نہ میں توں والی عادت نی
 نہ اوڑ نہ برسات کڑے اے اکو دی ہے بات کڑے
 نہ کھونا تے نہ پانا نی نہ جاگن تے نہ سونا نی
 نہ ہاسہ تے نہ رونا نی نہ ہونا تے نہ ہونی نی
 نہ شادی غمی برات کڑے اے اکو دی ہے بات کڑے
 نہ دھیاں پتر ماپے نی نہ پٹن رون سیاپے نی
 نہ غیرتے نہ آپے نی نہ دور نہ نیڑے جاپے نی

نہ انحد تے نہ ناتھ کڑے اے اکو دی ہے بات کڑے
 جو گر عبداللہ بولے نی اے اوہو جس نوں ٹولیں نی
 گر چک دینا سب اولے نی گر جے اندر پھولے نی
 تیری ذات وچ مل جائے ذات کڑے اے اکو دی ہے بات کڑے
 ساڈا گر اوہو لا ثانی اے شاہ عبداللہ طیب روحانی اے
 گر ہر گر چوں پائی دا اے سارا روپ الہی دا
 عزیز نہ ذات صفات کڑے اے اکو دی ہے بات کڑے
 اک کھیلے کھیل مستانہ نی ہے اک دا اک دیوانہ نی
 ہے اکو تیرا نشانہ نی توں اکو الف پکار کڑے اے اکو دی ہے بات کڑے
 اکو خنجر اکو سجدہ اکو حسین نے کیتانی اکو زہر پیالہ حسن نے پیتانی
 ہے اکو حیدر کرار کڑے اے اکو دی ہے بات کڑے
 اکو ہے عثمان غنیؓ نہ ہور غنی بنایا کڑے
 اکو عمر خطابؓ ہويا نہ ہور عمرؓ آیا کڑے
 ہے اکو صدیقؓ ہور صدیقؓ نہ بنایا کڑے
 تو اکو اک پکار کڑے اے اکو دی ہے بات کڑے

اکو ہے اجمیری خواجہ اکو نظام الدین اکو صابر اکو فرید اکو قطب الدین
 اکو تلوار تیغ اک دھار کڑے اے اکو دی ہے بات کڑے
 اکو نام دے کئی ہزار اک توں ہو گئے بے شمار
 لکھ ہووے تے اک ہوندا سب وچ کھڑے اکو تار کڑے
 شاہ عبداللہ ول جھاتی مار کڑے اے اکو دی ہے بات کڑے
 اکو بیچ تے اکو ہر شے اک پتر ڈال کڑے
 سر پیر پچھ کے مڑ کے بیچ فیر کئی لکھ ہزار کڑے
 اکو نام محمد والا جس توں جان بلہار کڑے ایہ اکو دی ہے بات کڑے
 اکو پیر پیراں دا آیا غوث الاعظم جیلانی
 اکو مکھ وچوں دونوں نکلے حدیث قرآن لاثانی
 عزیز گر اک شاہ عبداللہ ہر گر اک وچار کڑے
 ہے اکو اک دا یار کڑے
 ملاں دسناں اکو اللہ نالے کرناں شور پکار کڑے
 لا کے برقع دوئی دا نار عشق وچ ساڑ کڑے
 اونوں اکو اک پکار کڑے اکو اک دا یار کڑے

وَاقِمِ الصَّلَاةَ لِزَكَرِيَّ ۝ (سورۃ طہ آیت نمبر 14)

جد گر چوں گرنوں پائیدا فیر لاوچ کھیلن جائی دا
 ہونے تھیں نہ ہونا ہو کے ہونا اپنا پائیدا
 بُت تصوّر دل بت خانہ پوجن دل وچ جائی دا
 تلک لگا کر چندن چڑھانا مذہب یار وچ پائی دا
 مالا تسبیح زنار سٹے ہن ساہ دا جنجو پائی دا
 دل چوکھٹ تے آسن لا کے ست گر نام دھائی دا
 گر تصور جد پک جاوے دل تے خطرہ مول نہ پائی دا
 کھل جاندا نور صفائی دا جد نقطہ دوئی اوڈائی دا
 اے ڈیٹھا کھیل کھلاڑی دا اے سارا کھیل مداری دا
 میں آکھاں تے ماری دا اے ہونا ڈھولن ماہی دا
 بول پیا منصور میں ہیگا ذکریا ول غیر دے آیا
 دار اوتے منصورنوں ٹنکیاں ذکریا آرے پیٹھ چرایا
 اے چھڈ دویں توں چل اگیرے جھتے سُن ہو جائی دا
 اے عشق دا کھیل کھلار اے نہ عشق بناں کوئی چارہ اے
 نار عشق وچ نار ہو جانا اے میں توں دا بھرم مٹائی دا

ہوئی کرپاگر عبداللہ دی مے مل گئی اوس مے خانے چوں
گھر آیا حیدر صفر اے ہور عزیز متیوں کی چاہی دا

=====

فَمَنْ تَبِعَنِي فَإِنَّهُ مِنِّي ○

(سورۃ ابراہیم آیت نمبر 36)

بھلا عاشق نے جنت کی کرنی جھتے آ کے یار توں کھلونا نہیں
توں حسن وچ لاثانی حوراں اوتے عاشق ہوناں نہیں
ہونے نے کوئی ساتھ نہیں دینا گر شاہ عبداللہ ہوناں ایں
تیرا ہونا اے عزیز نہ ہوناں ہی تیرا ہوناں ایں
احدیت نہ حد ہے بے شک اتھے ویکھ کی ہوناں ایں
ایس حدوں بے حد ہونا آ کے نہ ہونے وچ کھلونا ایں
نہ نیکی بدی کفر ایمان نہ کچھ کھونا پانا ایں
نہ مندر مسجد بانگ صلوٰۃ نہ کچھ پڑھنا پڑھانا ایں
تیری تقدیر عزیز بن کے خدا نکلی کدی بڑھا کے نکلی کدی مٹا کے نکلی

=====

لَا صَلَوةَ إِلَّا نَحْضُورِ الْقَلْبِ ○ (الحديث)

ملاں کی پڑھاں نماز جے دیدار نہیں ہوندا
عاشق کر دے نہیں سجدہ جے سامنے یار نہیں ہوندا
ملاں رب تیرا حادث مستیوں بار نہیں ہوندا
اتھے لبھدا نہیں کنارہ بیڑا پار نہیں ہوندا
پڑھیں اللہ اکبر ذبح اک وار نہیں ہوندا
عاشق لا وچ لا ہونا سوکھا یار نہیں ہوندا
ملاں اک وچ اکو اک وار نہیں ہوندا
عزیزِ دوئی والا برقع ایویں پار نہیں ہوندا
گر شاہ عبداللہ نال گیان وچار ہوندا
دسے الف میم اکو اظہار نہیں ہوندا

كُلُّ مَنْ عَلَيْهَا فَانٍ ۝ وَيَبْقَىٰ وَجْهُ رَبِّكَ ذُو الْجَلَالِ وَالْإِكْرَامِ ۝

(سورة الرحمن آیت نمبر 26, 27)

گل اکے تے مک جاندی جے مک جاوے تے مک جاندی
 سوہنی یارنوں کدے ملدی ناں جے کچے گھڑے توں الکھ جاندی
 جیڑی فلم عمر دی چلدی اے جدوں مک جاوے اودوں مک جاندی
 اے رام کہانی نہیں مکدی جے دلوں مکائیے مک جاندی
 بھاویں کہو دسدا پراؤناں اے کیداں نظر بناں گل مک جاندی
 نظر نظر توں آوندا ایتھے کم نظر بھی رک جاندی
 گل دل اوتوں چلدی اے حلق اوتے آکے رک جاندی
 عزیز جے حاضر نبی نہ ہوندا کل کہانی مک جاندی
 گل شروع نبی توں ہوئی اے کیداں نبی بناں گل مک جاندی
 اے شروع کہانی نہ ہوندی جے عرش اوتے گل مک جاندی

=====

مَنْ يَهْدِ اللَّهُ فَهُوَ الْمُهْتَدُ ۝

(سورۃ الکہف آیت نمبر 17)

تصوّر گڈی ڈور لا وہیڑے پیا دے وچ اوڈا
 پیشوا اکبر شاہ جے نظر کرم دی پادیوے تیری گڈی دی جھول ہٹا دیوے
 غوث الاعظم جیلانی پیر پیراں دا لا ثانی
 یار دی قیمت کھیڑا تارے پلے مول نہیں اک دوانی
 جے صدقے حسین دے پلا دیوے مینوں ہر سے اگے پہنچا دیوے
 ولایت مرتبہ علیؑ نے پایا عزیز تاہیں درتے آیا
 در سخیاں دے جیڑا آیا جو جو منگیا سو سو پایا
 صدقے چودہ تن پاک دے میرے دل دی آس پہچانی
 گلاں نبی دے پیار دیاں دل نوں جدایاں ساڑ دیاں
 میرے جہیاں نہ کسے کاریاں رکھیں شرماں اوگن ہار دیاں
 ایہو نظراں عرض گزار دیاں ماہی مکھ تو کپڑا لا دیوے
 سستی سُریریں ستار و جا سا۔ رے۔ گا۔ ما۔ پا۔ دا۔ فی۔ سا
 راگ ہے دیپک گر وچ آیا ڈیرے گر عبداللہ دے جا
 جے دیپک تینوں جلا دیوے تیرا گر ملہار سنا دیوے

أَنَا مِنْ نُورِ اللَّهِ وَلِكُلِّ خَلْقٍ مِنْ نُورِي ۝

(الحديث)

الف جوش وچ آن کہ ویکھیا نظر اس نوں اپنا آپ آیا
 احدیت توں وحدت دے وچ ہو کہ وحدیت دے وچ سی تو آیا
 پنجاں وچوں سی باراں دانور ہو یا نور نبی وچوں سب ظہور آیا
 آیا عرش اوتوں جدوں فرش اوتے ہو کا دین لگا محمدؐ میں آیا محمدؐ آیا
 تریسٹھ سال مدینے دیاں وچ گلیاں رہے ویکھدے نظر نہ مول آیا
 جنان ویکھیا گئے وکھاندے اوہ ویکھن واسطے جو عزیز آیا
 اکناں جم کے خصم پہچان لیا ہر کوئی ویکھ کے آکھدا جمیاں ایں
 اک جم دے جم دے پھٹ گئے جہیا جمیاں تہیا نہ جمیاں ایں
 اک جم پیئے جمن تھیں پہلے کر ماں والا کوئی کوئی جمیاں ایں
 بناں کا ملاں کڑے نہ جاگ لگے بناں جاگ عزیز نہ جمیا ایں

=====

وَابْتَغُوا إِلَيْهِ الْوَسِيلَةَ ○

(سورة المائدہ آیت نمبر 35)

کچا وانگ نہ سونہی دے چک ٹریں
 آوی عشق دے وچ ٹکائے تے سئی
 بالن ہستی موہومہ دا ڈاہ کے تے
 چنگ نال تصور دے پائے تے سئی
 اگ سلگدی ویکھ نہ ہڈ چھڈیں
 ذرا پھونک مجاہدے دی لائے تے سئی
 او چناں تے اے دریا وحدت
 گھڑا چک یقین نال آئے تے سئی
 چھڈ سترے چلی ایں یار ولے
 تالے نوواں دے نوواں نوں لائے تے سئی
 کھچ ساہ زبان تے مہر لادے
 ذرا اک نوں سیس جھکائے تے سئی
 وہم دوئی بلاواں نے منہ اڈے
 سرتی وچ تصور دے لائے تے سئی
 چکھو چلیا بارش وچ پہن چمکاں
 ذرا نال اشارے بلا تے سئی

لپھاں پیاں تے گھڑے نوں کہن لگی
 ذرا کھرن تھیں پہلے کھر جائے تے سئی
 گیا کھرتے عزیز فنا ہو گئی
 مل کے یار بقاء وچ آئے تے سئی

=====

وَلِلّٰهِ يَسْجُدُ مَنْ فِي السَّمٰوٰتِ وَالْاَرْضِ طَوْعًا وَكَرْهًا ۝

(سورة الرعد، آیت نمبر 15)

سجدہ

سجدہ ہو جاؤں گا پر پڑھنی گراں توں پیندی
 سانوں حاضر ناظر دسدا جس نوں غیب توں کہندی
 کعبہ رہن دے دنیا داراں لئی سانوں ساڈے بجن دا در کافی
 اتھے لمیاں نمازاں دا کم ناہیں میرے پیر دی اک نظر کافی
 پیر کسے دیاں نظراں دا سانوں پیار کمانا آجاوے
 کوئی رب نوں منانا مشکل نہیں جے یار منانا آجاوے
 سجدہ ہو جاؤں گا پر پڑھنی گراں تو پیندی
 سانوں حاضر ناظر دسدا جس نوں غیب توں کہندی
 گر جو چاہے سو کر دا ہے گر ہو اللہ بن بہندائے گر علیٰ نعتی ہو رہندا ہے

خود عسر آپے کہندا ہے کوئی سدا نہ دھوپے سڑا دا ہے
 گرو سمندر اندر تیرے پھیرے چھوڑ نہ جا پریرے
 زہر گرو دی پھیرے پھیرے کرم بنا کیوں مردا ہے
 گھر ساڈے وچ چوری ہوئی سوتے رہے نہ جا گیا کوئی
 گر پھڑ یا تے ہوياں لوئی مال چورایا مڑا ہے
 یاں گر کھودیا امراں جتھا ظاہر ویکھیا گر دا بندہ
 جس بندے نال ایسا بندہ او بندہ کد ڈر دا ہے
 سجدہ ہو جاؤں گا پر پڑھنی گراں تو پیندی
 سانوں حاضر ناظر دسا جس نوں غیب توں کہندی
 بت خاکی تے روح وچ نوری اے کی گورکھ دھندا
 سوچ سوچ کے سوچا ہويا حال عقل دا منده
 سب اسرار نے کھل دے اس دم ٹٹ جاوے عقل دا پھندا
 راز کھلا آخر یارو خود مولا خود بندہ
 سجدہ ہو جاؤں گا پر پڑھنی گراں تو پیندی
 سانوں حاضر ناظر دسا جس نوں غیب توں کہندی
 ست گر غیر تھیں وضو کر وائے صاف کر غیر تو دل نوں اس نوں وضو کہے
 پر شرط ہے پیارے کہ ہر دم وضو رہے
 بند کر اکھیں کرم چکاوے زاہد فیر نماز پڑھاوے

تن من دی جد ہوش گواوے فیر نور دی تجلی کھل پیندی
 سجدہ ہو جاؤں گا پر پڑھنی گراں توں پیندی
 سانوں حاضر ناظر دسدا جس نوں غیب توں کہندی
 ست گر کچھے امام دے میں جا کھلوتا دال دلیلاں مکیاں غم دا غوطاں
 بریاں ولوں منہ موڑ کے ول کعبے دے منہ دھریا
 لبان زبان نوں بند کر کے مونہوں کجھ نہ پڑھیا
 کثرت چھڈ وچ وحدت نیستی وہم دوئی دی گئی پلیتی
 وحدت جد تک دل چ سماندی نہیں توحید وی سمجھ چ آندی نہیں
 توحید تے ہے لا کنتم ربی
 تو اور نہیں ہم اور نہیں
 تن من دی میں دتی زکوٰۃ ہون لگا فیر نفی اثبات
 چڑھی تیرے نام دی خماری نہیں او لیندی
 گر ہوئے میرا پیر کرم کمائے فیر گر عبداللہ شاہ کرم کماوے
 سجدہ ہو جاؤں گا پر پڑھنی گراں تو پیندی
 سانوں حاضر ناظر دسدا جس نوں غیب توں کہندی

اِنِّیْ وَجَّهْتُ وَجْهَیْ لِلَّذِیْ ۝

(سورة الانعام آیت نمبر 79)

جے گر سیار رب رس جاوے اودی ساری کرامت کھس جاوے
ہندا گر بن کدھرے ہور نہیں رب ہورتے گر کتے ہور نہیں
جیڑا رب تے گرنوں سیان دا نہیں او عاشق رب رحمٰن دا نہیں
اک گر وجود دو جاندا ایں او منکر مشرک چور دے
ہندا گر بن کدھرے ہور نہیں رب ہورتے گر کتے ہور نہیں
اک گرنوں بندا جان کے فیر لبھدا پھر دا اے اللہ نوں
بے امرے ہو گر دے رہندے کی سمجھیا سیر اللہ نوں
اوہو راز تصوّر کی جانے کی دیکھے نور تجلا نوں
اوہو منکر مشرک چور دے رب ہور گر جتوں ہور دے
گر ہر ہر جاء نال ہندا گر ہر ہر پردے بولے
چابی ہندی کول گراں دے تاہیں رہندے اولے
جس تے گر جا کرم کماوے اوہدا جنڈرا کھولے
ہندا گر بن کدھرے ہور نہیں رب ہورتے گر کتے ہور نہیں
تھاں تھاں وچ جلوے مورت دے بے صورت اندر صورت دے
کوئی ورا ای عاشق ہندا اے اے دنیا دار ضرورت دے

اُوہو منکر مشرک چور دسے رب ہورتے گر جٹوں ہور دسے
 پنڈت نے اک پتھر دے کے تے گلوں لایا دھنا
 مثل پتھر دی سمجھ گر نوں بن کے بہہ جادھنا
 یاں کر شن دکھاوے صورت تاں دھنا تینوں مناں
 ہندا گر بن کدھرے ہور نہیں رب ہورتے گر کتے ہور نہیں
 ہر ہر دے وچ ہر دسیندا ہوندا تیرا پک نہیں
 دیکھ امر وچ آمر دسدا جاندا تیرا شک نہیں
 توڑ یقین دوئی وچ وڑیوں میم الف توں وکھ نہیں
 اُوہو منکر مشرک چور دسے رب ہورتے گر جٹوں ہور دسے
 گر سراپا گر تجلا کملیاں گر قل ہو اللہ
 گر اوہی بولی بولدا اے جو بولے اللہ
 عزیز گر عبد اللہ بن ٹھور نہیں رب ہورتے گر کتے ہور نہیں
 اے سارا ہونا گردا اے نہ ہور کسے دا ہونا اے
 جنے ہونا اپنا منیا ہونے نے نہ ہونا اے
 تیرا ہونا ہے نہ ہونا نہ ہونا سب ہونا اے
 اُوہو منکر مشرک چور دسے رب ہورتے گر جٹوں ہور دسے

وَاعْلَمُوا أَنَّ اللَّهَ يَحُولُ بَيْنَ الْمَرْءِ وَقَلْبِهِ ۚ

(سورة الانفال آیت نمبر 24)

مذہب مذہب نہ کوئیں یار مذہباں وچ اندھیر گنوار
 مذہب یار دا ایہو سوہنا ہر صورت نال کریں پیار
 مذہب مذہب نہ کوئیں یار
 نحن اقرب خود پکارے وچ قرآن دے کرے اشارے
 تدوں یقین دے نو ہویا ویکھ لیا جد جھاتی مار
 مذہب مذہب نہ کوئیں یار
 جان جگر تے تن من جالیا شوق دا دیوا من وچ بالیا
 چانن ہو گیا اندر بار مذہب مذہب نہ کوئیں یار
 کوئی گنگا کوئی مکے لیھے ملاں پنڈت لبھدے سبھے
 آپے نیچے آپ نچاوے آپے چھڈے آپے کھچے تار
 شاہ عبداللہ دست گر پھڑ کے تصدیق ہوئی مینوں کلمہ پڑھ کے
 بالتم گر دے ہو بلہار مذہب مذہب نہ کوئیں یار

=====

وَالَّذِينَ آمَنُوا أَشَدُّ حُبًّا لِلَّهِ ۝

(سورة البقرہ آیت نمبر 165)

سر کھلا مار امیرت دے جیڑی رب رسولؐ توں دور کرے
 بدلے بادشاہ تے سکے بدل جان دے کلمے وچ محمدؐ داناں لیندے
 توبہ آدمؑ دی ہونی منظور نہیں سی وسیلے نبیؐ دے جے نہ وچ پیندے
 ایس چمن وچ کھڑنی گلزار نہیں سی حیات النبیؐ ناں جے حیات رہندے
 اے دیکھدے نہیں تے سمجھ جان دے اُلودن نوں بالمارات کہندے
 سر کھلا مار امیرت دے جیڑی رب رسولؐ توں دور کرے
 اے مذہب دی بانی نہیں اے بدیاں وچ مخمور کرے
 اے دنیا حیض پلیتی اے اس کیڑی امیرت کیتی اے
 بھر پاک پیالے چوں پیتی اے پھڑقارون جیاں نوں غرق کرے
 سر کھلا مارا امیرت دے جیڑی رب رسولؐ توں دور کرے
 اے مومن دی جاگیر نہیں ہندا دنیا دار فقیر نہیں
 اوہو رب رسولؐ نوں جان گئی جیڑی مرن تھیں پہلے دور کرے
 ایہوں نبیاں ولایاں چاہیا نہیں اینوں عمرؑ جہیاں منہ لا یا نہیں

ہتھ خون دے اندر رنگ دی اے لامہندی نوے سرے خصم کرے
 اینوں بلدی ہوئی نوں دیکھیں توں اُنوں دور وں بہہ کے سکیں توں
 جے مار کے لپھاہ ساڑ دیوے چھڈا لیں توں ہو جائیں پرے پرے
 سر کھلا مار امیرت دے جیڑی رب رسول توں دور کرے
 جدی بکل دے وچ یار ہوے اُنوں غربت رج گلزار ہوے
 اودی کشتی بھنور وچ نہیں پھس دی جدا پنجن نال پیار ہوے
 پھل مستی دے وچ ہسدا اے بھاویں ہون بدن تے خار بڑے
 سر کھلا مار امیرت دے جیڑی رب رسول توں دور کرے
 اے دولت ساری دنیا دی اک جلوہ رائی دی قیمت نہیں
 جتاں دیکھ لیا اوہو نہیں مڑدے او دار چڑھن منظور کرے
 اے مذہباں توں دور ہٹا دیندی چھڈ نیکی بدی وچ پادیندی
 اے بھیناں تھیں بھائی کوہا دیندی سانوں گر عبد اللہ دسیا اے
 عثمان غنی ونگوں ورت لوں جے باآلم رب امیر کرے

إِنَّ الَّذِينَ قَالُوا رَبُّنَا اللَّهُ ثُمَّ اسْتَقَامُوا فَلَا
خَوْفٌ عَلَيْهِمْ ۝

(سورة الاحقاف آیت نمبر 13)

جگت سراں وچہ اے ہوندا اک آؤندا اک جاندا اے
جئے چنگا ونج نہ کیتا جان لگا پچھتاںدا اے
صلہ عمل دا جھولی پیناں جو بیجی وڈ لینی او یار
کھلا جے نا سوت بازار
کربلا وچ گہا کے کنبہ نوک نیزے تے چڑھنا پیندا
سر کٹوانا پوش لوانا مرنوں اگے مرنا پیندا
عشق گلی وچ جا کے دیکھیں کیداں چڑھدے عاشق دار
کھلا جے ناسوت بازار
یوسف بکدا ماہ کنعانی دنیا کل بیوپاری
مال خزانے پورے نہیں ہونے نور نبوت بھاری
جدوں زلیخا توڑیا بت نوں دلبر نے سن لئی پکار
لاٹ عشق وچ سڑنا پیندا پیسے نال نہیں ملدا یار
کھلا جے نا سوت بازار

توں آیا گجھ کرن بیوپار کھلا جے نا سوت بازار
 کوئی دنیا کوئی عجبے لبھے لبھ لویں توں دلبر یار
 لے لے سودے جان گھراں نوں کوئی جھوٹا کوئی سچا
 کچے دے نال پیار کی پانا وانگر دنیا کچا اویار
 تیرے کولوں تینوں منکن جو تیرے ہین طلب گار
 ٹکٹ کٹوا کے کاہنوں رونا شاہ عنایت توں مل جاؤ یار
 کھلا جے ناسوت بازار
 جنگ نفس نال کرنا پیندا لا تلوار نوں پھڑ نا پیندا
 مار مجاہدے دی نفس نوں مار لگام پکڑ منہ نفس دے چاہڑ
 سر کرن نوں اندر باہر کھلا جے نا سوت بازار
 ہر کوئی ایس بازار نوں آوے من مرضی دا سودا پاوے
 احد بن محمد آیا کل نبیاں تے ہوسردار کھلا جے ناسوت بازار
 پنج چشت تے نوہیں قادر ڈھائی قلندر جان
 سمھناں دا ہے اکو قادر ہر وچ اکو تار
 سب دا رنگریز ہے محمد رنگن والے بے شمار
 من مرضی دا توں بھی رنگا ہر اک نوں رنگ دندا چاڑ
 کھلا جے ناسوت بازار
 سب کچھ ہوندا وچ جوانی چھڈ کے دنیا ساری فانی

شام پئی جے شام نہ آیا عمر تیری دی شام اجئی پے جانی
 پھر نہیں بجنی مڑ کے تار کھلا جے ناسوت بازار
 لال جواہر ہیرے لے لا بکدے ایس بازار
 سودا نقد بنقد ملدا ہوندا نہیں ہے ادھار
 سچے موتی پالے جھولی جھوٹے کڈ کے سٹ دے باہر
 کھلا جے ناسوت بازار

=====

وَاعْلَمُوا أَنَّمَا أَمْوَالُكُمْ وَأَوْلَادُكُمْ فِتْنَةٌ ۝

(سورة الانفال آیت نمبر 28)

بیوی بچے تے دولت نوں پوجدا ریا
 تو پوجا آیا ساں بھگوان دی کرن بدلے
 ایویں علم حجاباں دا ریا پڑھدا
 حرف آیا ساں نفی دا پڑھن بدلے
 ساری دنیا دے نال ریا لڑوا
 جنگ آیا ساں نفس نال کرن بدلے
 آئی موت نال بالماں مویا توں پوجا نفس دی کر کر کے
 توں تے آیا ساں مرن تو پہلے مرن بدلے
 حرف نفی دا پڑھن پڑھان بدلے
 بنا حق دے کوئی ککھ نا دیکھن بدلے
 پیر شاہ عبداللہ نے کرم کیتا
 دل وچوں شک کڈن بدلے

=====

وَنَحْنُ أَقْرَبُ إِلَيْهِ مِنْ حَبْلِ الْوَرِيدِ ○

(سورۃ ق، آیت نمبر 16)

ہن میں لمھیا دلبر یار جینوں میں لمھناں چاندا سی
 حسن اودے دی کوئی تاب نہ چلے جدرتھی لنگ جاندا سی
 ہر کوئی اودا عاشق بن دا کوئی کوئی سر کٹواندا سی
 ہر اک دا کم نہیں بالم کوئی کوئی یار مناواندا سی
 ماہی اوس مندر وچ نہیں رہندا ماہی من مندر وچ وسدا اے
 اس مندر دے نو دروازے سارے کیتے بند کڑے
 وچے سورج وچے تارے وچے چڑدا چن کڑے
 جپ اور جاپا دویں مرے سرتی ہوئی بلند کڑے
 میم دے پردے اولے بہہ کہ دل میرے نوں کھسدا ای
 ماہی اوس مندر وچ نہیں رہندا ماہی من مندر وچ وسدا اے
 میم مروڑی جدوں گواچی رہ گیا فیر الف اکلا
 وجہیہ اللہ دے معنے چمکے ہر ہر پاسے نور تجلا
 اودوں غیر دی ہستی سڑ جاندی جدوں بانہڑھ عشق دامچدا اے
 ماہی اوس مندر وچ نہیں رہندا ماہی من مندر وچ وسدا اے

میں جاتا کوئی ہور اے اللہ لوٹا تسبیح چک مٹلا
 مسجد مندر لہجہ دا اللہ گر ملیا تے ہوئی تسلا
 وہم دوہی سر ماریا کھلا نحن اقرب نکلیا اللہ
 قرآن وی ایہو دسدا اے
 ماہی اوس مندر وچ نہیں رہندا ماہی من مندر وچ دسدا اے
 اس محل دے نو دروازے ہر کمرے وچ جاندا سی
 ہر کمرے دی سیر کریندا غیر نہ نظریں آوندا سی
 پتا نشانی کوئی نہیں سی دسدا نحن اقرب آندا سی
 ماہی اوس مندر وچ نہیں رہندا ماہی من مندر وچ دسدا اے
 ہوئی کرپا ست گر پیارے دی
 کنجی مل گئی دسویں دیوارے دی
 مٹی چنتا اوگن ہارے دے
 گر پھڑھئے تے سب کچھ دسدا ای باج گراں نہ کوئی دسدا ای
 پتہ نشانی پچھ لے بالماں او گر عبداللہ شاہ دسدا ای
 بھاویں پچھ لے ابرار شاہ توں اووی ایہی دسدا اے
 ماہی اوس مندر وچ نہیں رہندا ماہی من مندر وچ دسدا اے
 میں لہداں ساں جنگل بیلے دلبر یار بگل وچ کھیلے

گر ملیا تے ہو گئے میلے پتہ نشانی پچھیا میں جس توں
 او مسجد مندر دسدا اے
 ماہی اوس مندر وچ نہیں رہندا ماہی من مندر وچ دسدا اے

=====

وَبْتَغُوا إِلَيْهِ الْوَسِيلَةَ ۝

(سورة المائدہ آیت نمبر 35)

لچھے نی گھنڈ چک تینوں یار اگے پنخا پینا
 گھنڈ چکیاں ہووے دیدار کڑے
 ہے بکل دے وچ یار کڑے
 تیرا پیر ہے شاہ ابرار کڑے
 مار ٹھوکر کر دے گا پار کڑے
 روں مندی گراں دا کہنا
 نہیں تے ہو جائیں گی ہلکان کڑے
 جدوں پنجاں بناواں دی ونڈ کیتی
 فیر ہونا اے معراج کڑے

جدوں صورت سیرت اک ہوئی
فیر کھلے مخفی اسرار کڑے
رکھ سرتی تے دلبر ول کر دھیان کڑے
تیرا پیر ہے شاہ ابرار کڑے

=====

تبرکات معرفت

الف

ابرار شاہ میری رنگ دے چو نریا رے
 سوناں جیاں رنگ رنگ دے تو ہی تو ہے رنگ ریز رے
 لا الہ دی ویل پا کے الا اللہ دی بوٹی پا کے
 سوناں جیاں رنگ رنگ دے تو ہی تو ہے رنگ ریز رے
 رنگ توحید دا رنگ سونیا تیرا کرم ہو جائے میرا کم ہو جائے رے
 ابرار شاہ میری رنگ دے چو نریا رے

=====

الف میم ہو کے ہو گیا شیدا بہہ گیا میم دے وچ لاڈیرا
 میم الف ہو یا الف میم ہو یا مکھ الف دا میم دا ہے چہرہ
 قیس لیلیٰ دا ہو یا تے مجنوں وچ جنگل جسموں جسمی سمجھ لیے بھیت جیرا
 کافر اوس نوں کہن عزیز عارف پاوے اللہ محمدؐ وچ فرق جیرا

=====

اندھیرے وچ جاں عشق نے چمک ماری
 صورت نور دوں آپس وچ مل گئے
 عشق دواں وچ ہو کش ماری
 شمشے عشق وچوں دوں رل مل گئے
 دیکھ دواں تھیں کس طرح اک ہو گئے

پروانے جل کے شمع دے وچ مل گئے
 کرم شاہ عبداللہ عزیز کیتا
 شیشے قلب وچوں اللہ نبی مل گئے
 =====

الاؤڈ سپیکر اندر تیری آواز یار
 وجناں نہیں ساز مڑ کے ٹٹ جدوں گئی تار
 تیرے بناں اے کس کاری ایدے بناں توں کس کار
 ایدے نال صفتاں سبھے توں صفتاں دا والی یار
 عین وجود دوئی دا نقطہ غین وی نقطیوں خالی یار
 فعلی قولی حالی ہو کہ صفت جلالی جمالی یار
 وَجْہِیہ اللہ وچ نظریں آیوں جدھر ویکھاں توں ہی یار
 =====

اک دن بمباں دی بارش نے برسنا ای
 پاکستان تے ہند ویران ہونا ای
 ڈنکا دین دا آن کے وجناں ای
 گند مند روہڑ کے پاکستان ہونا ای
 جس مرد نے فتح کشمیر کرنا ای
 اونی دلی تے حکمران ہونا ای
 ست جگ دا بالماں ہو پہرا

عدل ملک وچ کرنا قرآن نے ای

=====

احد نے وچ وحدت آ کے میم دابر قہ پا لیا یار
 وحدیت وچ ملیاں بانگاں مرلی الست والی او یار
 تڈھوں کہیا مینوں کر دیو سجدہ خاکی بت وچ وڑ کہ او یار
 کوچے گلی شور پکارا ہر ہر شان نرالی او یار
 باہروں بندتے اندر وڑ کے انحد ناد و جا لیا او یار
 عزیز بن کے آپ پجاری اپنا درشن پا لیا یار

=====

ایس گل توں ہو یا حیران بالم - ظلم نال غریباں دے کری جان دے
 حکمراناں حسینؑ شہید کیتا قرآن گلے وچ تے جمعہ پڑھی جان دے
 فرعون قارون شمر یزید چارے ہو گئے ختم تے نسل نہیں ختم ہوئی
 سر نیزے دی نوک تے چڑھی جان دے
 کیتا قارون تے دعویٰ خدائی دا اے او دیکھ چھڈ کے سب کچھ مری جان دے
 بت بن جو چخادے وچ وڑ گئے گلزاراگ نوں مفت دا کری جان دے

=====

اللہ اللہ لوکی کہندے اللہ عاشق جان دے
 جیڑے نال اللہ دے رل گئے ہر دم موجاں مان دے
 ہور گلاں سب گھڑیاں اکو اللہ اللہ دی گل

کجھ رولا پایا عالماں کجھ کاغذاں پایا جھل

=====

اے رب نوں لبھدا رب پھر دا
شناخت وچ نکلیا رب آپے
شناخت وچ بالماں جاں اے اوند اے
نہ اے بشرتے نہ اے رب جاپے

=====

اسلحہ وچ ودیاں غیر قوماں
بدیاں وچ نمبر مسلمان دا اے
مومن لکھاں وچوں اک ہی کوئی ہویا
محراب متھے تے کم شیطان دا اے
دین نبی دا تے رب کرے راکھی
جدوں آن کافر تیغاں تان دا اے
ننگا ہو کے بالماں رب لڑیا
جذبہ قوم وچ بھر دا ایمان دا اے

=====

ب

بھلا رب تے بت وچ فرق کی اے نہ اے بولے نہ او بولے
 ہتھیں مسجد مندر آپ بنائی دی اے نہ اے بولے نہ او بولے
 مذہب دسدے نے وید قرآن دویں نہ اے بولے نہ او بولے
 اک ہو کے بالماں دو بولے نہ اے بولے نہ او بولے

=====

ت

توں ہیگا یاں ہور کوئی جے ہور ہیگا تے فیر کوئی نہیں
 جیڑا ہیگا او نہیں ہیگا جیڑا نہیں ہیگا اودے بناں کوئی نہیں
 وحدت وچوں کثرت وچوں وحدت کدے دواں وچوں ویکھیا کوئی نہیں
 سمجھ مرتبہ چاہیے کلام کرنی بنا اک دے دو جا عزیز کوئی نہیں

=====

ج

جے او وچ شمع دے رہندا اے پروانے دے وچ کہڑا اے
 جے او مے خانے اندر رہندا اے پیمانے وچ کہڑا اے
 جے او اندر بستی رہندا اے ویرانے وچ کہڑا اے
 جے او وچ مکے دے رہندا اے بت خانے وچ کہڑا اے
 ہر روپ وچ دسدا جیڑا اے ایہو ہیر جٹی رانجھا کھیڑا اے

=====

ح

حال جد سر گزرے گزر جائے تے جانے
 گزارن حال حقیقت اوکھا سوکھا لوکاں بھانے
 نکل جان وجودوں جائے تد شبہیہ یار دی مانے
 عزیز نہ قاضی ہیر سیاتی پر ہیر رانجھے نوں جانے
 خبر پئی اس ویلے جدوں الست آوازاں آیاں
 اکناں سنیاں تے غور نہ کیستی اکناں سما دیاں لائیاں
 گن ویلے اسیں آگئے اتھے کیتاں کتیاں پائیاں
 عزیز اوہیراں لے گئے کھیڑے نہیں ناتھ بناں ہتھ آیاں

=====

خ

خود دھیاں پتر ماپے نی خود شادی غمی وچ آپے نی
 دو ہو کہ کہیا پھبدا اے اک لکداتے اک لبھدا اے
 ہتھ لا تیغ تے رہندا اے لبھ لکيا ہویا پیندا اے
 چھڈ ساریاں ہوو دلیلاں نوں ٹپ علم دیاں فیصلاں نوں
 ایہو پردہ وہم دا پیندا اے نہیں تے اک سراپا رہندا اے
 کتے رہندا تے نہ رہندا اے عزیزاں اے گر عبد اللہ کہندا اے
 جد قطرہ وچ سمندر پیندا اے نہ میں میں توں توں رہندا اے

=====

و

دردا وٹھے جے کر عشق والا مرہم لا دے نال آرام آ وندا
 پئے سورج نوں لگ گرہن جاندا ہے چن نوں گت پرواز آ وندا
 بنے ہوئے داہور کی بن جائے منصور بن کے ویکھ لے دار آ وندا
 نہ ہونا ہے ہونا ہونا عزیز تیرا نہ ہونے وچوں ہو یار آ وندا

=====

دولت شمر یزید بنا دیندی نالے بخش دیندی حکمرانیاں اے
 چنگے بھلے نوں قارون بنا دیندی بھری ہوئی اے نال شیطانیاں اے
 دولت مند دا دعویٰ خدائی دا اے سچے رب توں نافرمانیاں اے
 دولت واسطے کر بلا دیکھو کھچ حلق وچ مار دے کانیاں اے
 جنت دسدی ظلم دی تیغ تھلے تاہیں ہس ہس دیندے قربانیاں اے
 دولت مند ہے نبی دا یار باآلم عثمانؓ غنی وانگر جے کرے نشانیاں اے

=====

ذ

ذکر اذکار دے کرن والے ذکر فکر اندر مرجاندے
شرع اوس تے ہوندى نہیں کوئی وارد اودا تدے جنازہ پڑھ جاندے
شرع نال حساب کتاب ہوندا شرع نال فرشتے کرن جاندے
جیڑے مرکے ہوئے عزیز زندہ مردے نہیں تاہیں بے حساب جاندے

=====

ر

رنگ نہ دیکھ حیران ہو توں ہیں اکو رنگریز دے رنگ رنگے
نام روح تے جسم مثال چارے وحدیت وحدت احدیت دے وچ رنگے
کوئی زرد سفید تے سرخ سبز نیلا پیلا رنگ ہیں بہوں رنگے
تے کرم کرے رنگ ریز عزیز جے کڑتاں فیر پکے تو حید دے وچ رنگے

=====

ز

زاہدہ سانوں پڑھنیاں پنج دسیں سانوں گراں نے اک نماز دسی
اک لکھ تے چوبیس ہزار والی اک رکعت وچ پڑھن دی جاچ دسی

اک ہے تے اک نوں ہی ہووے سجدہ رکوع سجدہ دی جاچ دی
 اکٹھے پڑھنی کڈھ وچوں پڑھنی اکو ہو تار دی
 ایس عشق میدان وچ ڈولنا نہیں پڑھنی وانگ منصور دے دار دی
 سر دے کے نواں سر لے لے حسین نے تیغاں دے پٹھ گزار دی
 وجہ اللہ نوں عزیز ویکھ توں اٹھو پہر دی گراں نے نماز دی

=====

س

سب جہاں ہے وچ تیرے توں ویکھ کھاں تیرے وچ کی تیرا
 ایویں مفت دیاں جتیاں پھیریں کھاندا اونوں ویکھ کھاں بولدا ہے جیرا
 تیرے کولوں نہیں تیری تقدیر بندی پیا پٹڑے تے ساز و سامان تیرا
 پنجے چھیویں وچ غرق عزیز کر دے میں توں والا قصہ تمام تیرا

=====

سبق الف دا پہلے پکا لیئے
 ب ت تے ت نا پڑھی دا اے
 اک ویکھے تے جھکڑا نہیں ہندا
 دوجا ویکھ اوس نال لڑی دا اے
 مذہب اصل لڑائی دی جڑ ہندا
 فرقے بندیاں وچ نہ وڑی دا اے

سچا مذہب ہے بالماں عاشقاں دا
 سچ کہہ کے ای دارتے چڑھی دا اے

=====

سہ جامہ شریعت والا اللہ نے گل پایا
 پردہ کسے دا چاک نہ کریو چاک نہیں کرنا آیا
 ماواں بھیناں وچ تاہیوں پھر دا جے تو پردہ پایا
 چل عزیز وچ پردے ملیئے رہن دے پردہ پایا
 وہم دا پردہ رہن نہیں دینا تے دوئی دیاں کردے لیراں
 پیر جاناں دا غوث الاعظم بآلم بدل دیندا تقدیراں

=====

ش

شہر کیڑا اسیں آئے کتھوں اگے کس مقام دے ول جانا
 کدے پشت اندر کدھے شکم اندر کدے وچ ناسوت پیا آونا
 ابے آیاں نوں کوئی نہ دیر ہوئی ابے آکھدے نے اگے ہور جانا
 اساں او سے مقام تے جاوناں ایں جتھوں آئے اوتھے ای عزیز جانا

=====

ض

ضائع نہ زندگی کر اپنی ہنیرے وچ جے ویکھناں چاننا ای
چراغ دے وچ بال رکھیں جے کر ناطق قرآن پچھاننا ای
جیڑا جاندا او نا جاندا اے نہ جانے توں جاننا ای
بھاویں ہووے کثرت بھاویں ہووے وحدت عزیز اپنا آپ پچھاننا ای

=====

ضبط کر جا بھیت یار والا راز تدھ تے کھل دے جاہن جیڑے
وچے تخت ہزارہ تے ہے رانجھا وچے مجھیاں وچ ہے جھنگ تیرے
تے پھوک ونجلی وچ جاں دے رانجھاتے مجھیں اوسدیاں لیندیاں ہن پھیرے
تاڑی ناتھ ول جدوں عزیز لگ جائے مل پئے ہیر جٹی او جڑ جاہن کھیڑے

=====

ط

طلب کیدی مینوں کسدیاں پیاں جدایاں
تے اک تھیں ہو کے بے شمار کھیڈے بھل بھلیاں
جناں لبھا یار ہنیرے سر توں میٹیاں لایاں
عزیز لا دا پھر کے جھاڑو کر دے وہم صفایاں

=====

طمع تے حرص نوں کڈھ کے
 تے بوٹا عشق یقین نال لاونا ای
 نفس جنگ وچ نفس نوں زیر کر کے
 کلمہ نفی اثبات دا پڑھاونا ای
 انعت انعام نوں پان بدلے
 مستقیم دے رستے لے جاونا ای
 غیر المغضوب دے کتے نہ راہ پے جائے
 ایس راہ تو باآلم بچاونا ای

=====

ع

عین اکھیاں نوں صاف کر کے تے کراپنی آپ پچھان میاں
 وہم غیر تے دوئی نوں دور کر کے شیشے شیخ وچوں ویکھ رحمان میاں
 وچ کعبہ تے لوح محفوظ وچے تیرے وچ ہے ناطق قرآن میاں
 تیرے وچ عزیز جہاں دویں تیرے وچ ہے شیر یزداں میاں

=====

عاشق پڑھن نماز پریم والی
مندراں مسجدائ نوں نا او جاندے آ
رہندے اپنی آپ او کتاب پڑھدے
واقف کار او ناطق قرآن دے آ
ہر ہر جگہ پچھان لیندے
ہندے عارف جو اہل عرفان دے آ
اونوں مکے نوں بالماں کی جانا
جیرے یار دی بیج نوں مان دے آ

=====

غ

غین نہیں سی بیسی عین پہلے پیا نقطہ تاں او غین ہویا
ایس نقطے شور مچا دتا نقطہ عین ہویا نقطہ غین ہویا
نقطہ ہے علم جیرا تھلے جس نے سمجھیا اونوں عرفان ہویا
نقطہ ہے تے نقطہ ای عزیز ہے جیرا نہیں ہیگا اوہو آن ہویا

=====

ف

فکر دی کیڑی اے گل اتھتھے گل سلطان دے ذکر دی اے
جتھے فکر آہا او تھے ذکر کاہدا جتھے فکر آہا نہ فکر دی گل اے

شرط ذکر دی فکر ہے بے شک تیکھی تلوار اس ذکر دی اے
مسمی اسم دا جدوں عزیز دس پئے نہ فکر دی نہ فکر ذکر دی اے

=====

فتویٰ چک کے ملاں تو گھر لے جات تھے شرع دا کوئی قانون ہے نہیں
کراں وانگ منصور دے دیا سولی لکھن واسطے کوئی مضمون ہے نہیں
دین واسطے ڈولنا خون پیندا تسی دینا نہیں لوکاں وچ ہے نہیں
باغی شرع دے باآلم دیکھ ملاں تائیں گل دے وچ سوز ہے نہیں

=====

ق

قادر دے ہتھ ڈور ساڈی اسیں نچدے جیویں نچائے قادر
بگڑی ایس توں اپنی نہیں بن دی بن جاندی جے اے بنائے قادر
اسیں قادر ابلیس نوں من دے نہیں کر دے اُوہو جو کرائے قادر
ساڈا ہونا عزیز شریک ہوندا ہیگا اکو ای اے لا شریک قادر

=====

قلب دے گرد طواف کر توں وچ ہے موسیٰ وچ ہے طور دسدا
ست پردے زمین آسمان ستاں وچ نور سب دا ظہور دسدا
وچ آب حیات تے خضر تیرے وچے بیڑی تے بیڑی دا پور دسدا
دیکھن والیاں نوں نیڑے دس پیندا دور والیاں نوں بے شک دور دسدا

شیشے قلب وچوں پنج تن پاک دسدے پنج تن دا وچ ہے نور دسدا
اول آخر عزیز مقام وچے نہ نیڑے نہ ہے دور دسدا

=====

ک

کافر ہونا پے گیا سانوں جدوں کفر وچوں نظری یار آیا
کافر عشق دے ہاں کافر عشق ساڈا بناں ویکھیاں نہیں ایمان آیا
اساں اودوں دی عشق نماز نیتی بن کے جدوں دا عشق امام آیا
کافر کہن کافر تد عزیز کی اے ہتھ کفر دے وچوں اسلام آیا

=====

کھیڑا روپ نہیں دس بہروپے دا ہراک شان شوکت روپ رکھ دا اے
روپ روپ تے فدا ہو جاندا جلوہ دیکھ کے روپ دی اکھ دا اے
پتھر پھلاں دی منزلوں ننگ اگے مزہ روپ ہی دا چکھ دا اے
بناں روپ بہروپیا لکھ دا نہیں روپ نال باآم سوا لکھ دا اے

=====

گ

گزارن تھیں گزر پہلے گزر ہو جائے تیرا
 صفت انسان توں ہے صفت رحمان تو ہے
 عشق دی کان توں ہے حُسن دی شان توں ہے
 میں میں کہندا توں ہے توں توں کہندا توں ہے
 ہر اک صفت تیری صفتاں وچ رہندا توں ہے
 لَا إِلَهَ كِهہ كے آپے إِلَّا اللہ کہندا توں ہے

=====

ل

لا لگدا اے ہر اک شے تائیں بناں لا دے لگدا لا ناہیں
 لا وچ لپٹیا سب کجھ اے بناں لا دے ہندا الہ ناہیں
 بشر رُکھ الٹا نظر آیا بناں لا دے الف نوں تھاں ناہیں
 عزیز الہ پہلے لا فیر ہوئی وچ لا دے لگدا لا ناہیں

=====

لگدے لام نوں حرف تنے لام الف لگدے میم تنے
 تنے ایس وجود نوں لگدے آروح جسم تے ہیں مثال تنے
 الف لام میم با مسمیٰ تے ہے معنی ایہو کلمے نوں لگدے حرف تنے
 اول آخر عزیز تے ظاہر باطن وحدیت وحدت احدیت تنے

=====

لکھ لکھ لعنت اے اوس قوم اُتے
 جیڑی بکدی سرے بازار ہووے
 فتح اوس نے کسے تے کی پاؤنی
 جیڑی قوم قوم دی غدار ہووے
 حسد کتیاں وانگ جو قوم رکھے
 اوہو جگ دے وچ خوار ہووے
 کشتی اوناں دی بالماں بھنور وچ پھس جاندی
 نہ او اُلا ر تے نہ او پار ہووے

=====

لا مکان دی لا مکانی بے نشان دی بے نشانی
 عرش فرش تے ایہو شور بناں محمدؐ نہ کوئی ہور
 ہر ہر پاسے پئی پکار سچ کہن توں ڈر نا یار
 شاہ عبداللہ پیر نے باآلم دل دا بھرم مٹایا
 لام الف تے میم دا جدوں کھول کے راز بتایا

چاہے الف نوں میم آکھدے چاہے میم نوں الف پکار

=====

م

ملاں کولوں پچھیا جا کے لکھیا دے اللہ
نال دیواراں شیشے اندر سیاہی نال لکھیا اللہ
چک کتاباں روڑھن چلے بڈھا ہو گیا اللہ
عزیز اللہ نوں خوب پچھاتا مکھڑا شاہ عبداللہ

=====

ملاں جے سٹ کتاباں جاندوں یاں نظراں عشق ملاندا
پھڑ پھڑ گھر لیاوندے تینوں توں پاگل پیا سدوئدا
سرمنّا کے پچھ لواندوں پیا تیل کناں وچ پاندا
تے مجنوں وانگ ریچھدے نچیا تینوں بندروانگ نچاندا

=====

میم نوں ویکھدا میم پیا بناں میم دے ہے ہور کھیرا
میم عرش اوتے میم فرش اوتے باطل ویکھنا غیر ہے وہم تیرا
جتّاں میم بناں ہور ویکھیا اے اوہ دس دیوے ہور ہے جیرا
بناں میم نہیں گل عزیز کردا بناں میم دے پڑھے قرآن کھیرا

=====

ن

نفس اوتے ہو جا غالب امن نال وسے تد شہر تیرا
 وہم سپہ سالار ابلیس دی کٹ گردن فوج نفس تے گزر جائے قہر تیرا
 منہ نفس دے نفی لگام دے اکھ جھمکیاں مک جائے پندھ تیرا
 فوج روح دا ہووے عزیز قبضہ وچ بولدا آمردا امر تیرا

=====

و

واں توں سنڈراں نفس والا ہل ذکر پنجا لڑی شوق والی
 پاس انفاس دے کھوہے دادے پانی واں ہوئے زمین توحید والی
 پنج تن دے عشق نال بودے اوتے فیر سہاگی یقین والی
 کرم شاہ عبداللہ عزیز کر دے کھیتی پک جاوے تیری دید والی

=====

وے ملاں تینوں ہوش نہیں سانوں رب دیس عرش معلے
 کوئی جگہ نہیں اوس توں خالی ہر ہر پتہ ہر ہر ڈالی کرے ہر جگہ نور تجلے
 جے ست گر نوں ٹولیں توں بوہا کو ٹھڑی دا کھولیں توں
 تیرے دل دی ہو جائے تسلیٰ وے ملاں ہر دم اندر لا توں
 وہم دوئی نوں جڑوں اڑا اکو ہو جاندا قل ہو اللہ
 گر عبداللہ دے چل باآلم ڈیرے اک مسمہ اسم بٹھیرے

=====

۵

ہر صورت نور تجلا اے ہر صورت اللہ اللہ اے
 کتے لا بنیا کتے میم بنیا او فیر اک اکلا اے
 بن صورتاں نال قرآن گیا جد ایس صورت نو پہچان گیا
 اے صورتاں ساریاں کدیاں نے جیڑی صورت قل ہو اللہ اے

=====

ہیگا بے شک ہیگا جے کر ویکھیا نہیں تے کی ہیگا
 چھڈ شرع طریقت جان گیا اگے سی ہیگا جیڑا ہے ہیگا
 ہیگا کہہ ہیگا کدے نہیں ہیگا کدے ہے ہیگا
 شاہ عبداللہ ویکھائے کیہ ویکھائے دے عزیز ہیگا

=====

ی

یاد آئی پچھانیاں میں جاواں نہاں وچوں ماں وچ عیاں آیا
 گنڈھ کھول کے ویکھیا پھول کے یاں میں ہی نہاں تے میں ہی عیاں آیا
 جیڑا راز مخفی اُوہو سی راز میرا ہر مرتبہ میرا مقام آیا
 ہوئی فنا بقا عزیز میری میں ہی الا اللہ تے میں ہی لا آیا

=====

یاد اندر گزرن دم تیرے جس وچ یاد نہیں او نہیں دم تیرا
 دم وہم ہوندا دم فہم ہوندا غیر دم وچ نکلے نہ دم تیرا
 اک لکھ تے چووی ہزار وچوں شاید میتاں جائے کوئی دم تیرا
 وچ دم دے دم عزیز ہو کے ہر دم چمکے دم دم تیرا

=====

بابا بالم سرکار نے اردو زبان میں بھی عارفانہ کلام کہا جو درج ذیل ہے۔

=====

أَنَا أَحْمَدُ بِلَا مِيمٍ ○ (الحديث)

اگر میں کہہ دوں تو کہنا بجا ہے خدا ہے محمدؐ محمدؐ خدا ہے
 کہا جب لا تو رہا مگر للہ محمدؐ کی صورت بولے خدا ہے
 تعین کے ساتھ تعین ہے ثانی ظاہر میں محمدؐ باطن خدا ہے
 عزیز لا مکاں خود مکین ہے محمدؐ ہی جلوہ گر ہے یہی پیشوا ہے

=====

أَلَا إِنْسَانُ سِرِّي وَأَنَاسِرُهُ ○ (الحديث)

میری ہستی میرا حجاب تھا تائیں ہر ہر جاء جدا دیکھا
جب نقطہ غیر مٹا دیکھا پھر ہر ہر جائی پر جا دیکھا
پھر حق پرستی بندگی کیسی کہ ایک ہی جب خدا دیکھا
نہ ہونا ہی ہستی میری جب محض نابود مٹا دیکھا
وحدت میں کبھی جادیکھا کثرت میں کبھی آدیکھا
مطلوب اور طالب ایک ہووے جب دل سے مٹا دیکھا
اُدھر عاشق اور معشوق نہیں نہ عشق ہونا نے جا دیکھا
نہ ہوش عزیز بند زبان نہ کھو دیکھا نہ پا دیکھا

=====

لَا صَلَوةَ إِلَّا مَخْضُورِ الْقَلْبِ ○ (الحديث)

ہاتھ میں پیانہ میرے بگل میں میرے صراحی ہو
جپ تے جاپا کیسے زاہد رو برو جد ماہی ہو
در در میں آکھاں پی لو جو تلاش ماہی ہو
جیسے ملے ویسے مل لے دلبر تیرا ماہی ہو
ناممکن انکا ہوش میں آنارندوں نے جسے پلا دی ہو
پردہ وہم اوٹھا کر دیکھا جلوہ گر اوہو ماہی ہو

یہ زاہد نماز کیسی جس میں دلبر کی نہ رسائی ہو
 زاہد عاشق حوروں کا ذاتی عشق نہ رائی ہو
 عزیز ہو کہ گر عبداللہ دے وچ گر فیر میں مکائی ہو

=====

وَيُسْقَوْنَ فِيهَا كَأْسًا كَانَ مِزَاجُهَا زَنْجَبِيلًا ۝

(سورة الدھر آیت نمبر 17)

ساقی تیرے در پہ ہم بھی پینے آگئے
 پیتے نہیں پلائے جا اب جو پینے آگئے
 زخم تھا جو دل پہ تیرے در پہ سینے آگئے
 جینے کو تو جیتے ہیں مرمر کے جینے آگئے
 ساقی دے اپنے کرم سے جس میں نظارے وحدت ہوں
 پیمانے سے نہ پیئیں گے آنکھوں سے پینے آگئے
 حرام ہے اپنی شراب زاہد پھر بھی پینے آگئے
 پیتے ہیں عاشق دار پہ مے توحید پینے آگئے
 کون کہتا ہے حرام ہے شوق شراب
 سرکار دیئے جاتے ہیں عزیز پینے آگئے

=====

وَأَنَّ هَذَا صِرَاطِي مُسْتَقِيمًا فَاتَّبِعُوهُ ۝

(سورة انعام آیت نمبر 153)

میری نماز بندگی نہیں سیدھا راہ مانگتا ہوں پناہ مانگتا ہوں
دوزخ سے مجھ کو کیا غرض ہے جنت اور حوریں میں نہ مانگتا ہوں
نہ آزادی نہ ہوشیاری نہ پابندی نہ وصل نہ جدائی نہ ہجر مانگتا ہوں
نہ ہستی نہ دونوں جہاں چاہیے مجھ کو نہ نیکی نہ بدی نہ ایمان مانگتا ہوں
عزیز بتا تو کیا مانگتا ہے خدایا میں تجھ سے تجھے مانگتا ہوں

=====

فَاذْكُرُونِي اَذْكُرْكُمْ ۝ (سورة بقرہ آیت نمبر 152)

نگاہیں وہ تیری ساقی کچھ جلوہ دکھا گئیں
جلوے سے پہلے مجھ کو کچھ مے پلا گئیں
چلمن کے پر دے پر سے وہ بجلی چلا گئیں
نگاہیں وہ شوخ تیری مجھ کو مٹا گئیں
آتے ہی ہوش مجھ کو یہ دل میں آ گئی
مے ساقی نے کم پلا دی تب ہوش مجھ کو آ گئی
نگاہیں عزیز تیری کیوں اُس سے جدا ہو گئیں
وہ تصویر جس کی تھی نگاہیں اُس کو پا گئیں
ساقی تیری نگاہ وہ جلوے دکھا گئی
جیسے مٹکے بھرے ہوئے مجھے ساغر بنا گئی

=====

میرے بڑے بیٹے یاسر عثمان پر کلام وارد ہونا شروع ہوا جس میں سے کچھ کتاب کے آخر میں دے
رہا ہوں

=====

وَفِي أَنْفُسِكُمْ أَفَلَا تُبْصِرُونَ ○

(سورة الزاريت آیت نمبر 21)

عجب سا اک آج میں سماں دیکھ رہا ہوں
اس کو خود میں میں رواں دیکھ رہا ہوں
جس سے چھپاتا ہوں میں عشق کی آگ
اسی کو اپنا میں مہربان دیکھ رہا ہوں
جسے ڈھونڈتا ہوں میں دشت و صحرا میں
عجب ہے کہ اس کو میں اپنا مہمان دیکھ رہا ہوں
جو بستا ہے میرے وجود کے پنہاں خانوں میں
اسی کو میں یہاں وہاں دیکھ رہا ہوں
بات فقط اتنی سی ہے یاسر
آج میں اس لامکاں کو دیکھ رہا ہوں

=====

وَهُوَ مَعَكُمْ أَيْنَ مَا كُنْتُمْ ۝

(سورۃ الحديد آیت نمبر 4)

عرش پر وہ بستا کہاں ہے
میں ڈھونڈتا ہوں وہ رہتا کہاں ہے
میری ذات میں اس کا بسیرا کہاں ہے
میں سوچتا ہوں وہ چھپتا کہاں ہے
کبھی پردہ ہے کبھی بے پردہ
میں لکھتا ہوں وہ پڑھتا کہاں ہے
اپنی ذات کی بھول بھلیوں میں
میں چاہتا ہوں دیکھوں وہ دیکھتا کہاں ہے
احدیت کے لامکاں سفر میں
میں ہارتا ہوں وہ جیتتا کہاں ہے
میں اور تو کے تضاد میں اکثر
میں جھکتا ہوں وہ ملتا کہاں ہے
اس کی نظر میں رہوں میں سدا
میں تو بکتا ہوں وہ خریدتا کہاں ہے

=====

اللَّهُ نُورُ السَّمَوَاتِ وَالْأَرْضِ ۝

(سورة النور آیت نمبر 35)

الف اور میم کی لام علی ؑ ہے
 اللہ بھی علی ہے محمد ؑ بھی علی ہے
 احدیت و وحدیت کا راز ہے جو
 وہ پردہ بھی علی ہے پس پردہ بھی علیؑ ہے
 ذرے ذرے میں جو بستا ہے نور الہی
 اس نور کا وضو بھی علی ہے کلمہ بھی علیؑ ہے
 اک تصور جو حقیقت کا گماں دیتا ہے
 عرش کا نگہباں بھی علی ہے حکمران بھی علیؑ ہے

=====

وَالَّذِينَ جَاهَدُوا فِينَا لَنَهْدِيَنَّهُمْ سُبُلَنَا ۝

(سورة العنكبوت آیت نمبر 69)

دیر و حرم کے فسانے بن گئے
 خانقاہوں میں میخانے بن گئے
 آ کے پیتے ہیں جام ساقی سے جو
 وہی جام ایمان کے پیمانے بن گئے
 دیر و حرم میں بہت ڈھونڈا مگر وہ نہ ملا
 نماز یار میں دلکش نظارے بن گئے
 آئے تھے دل تھام کر ٹوٹ نہ جائے کہیں

جو دیکھا حسن یار درد کے بھی ترانے بن گئے
میں کون ہوں کیا ہوں میں نہیں جانتا
اسی بات پر یاسر وہ ہمارے مہمان بن گئے

=====

فَسْئَلُوا أَهْلَ الذِّكْرِ إِنْ كُنْتُمْ لَا تَعْلَمُونَ ○

(سورة الانبياء آیت نمبر 7)

الف اللہ کر اعتبار میاں
چل میم دے بوہے کر سوال میاں
اے راز جے عین دا لبھ لیا توں
فیر نہ کریں ایس توں انکار میاں
الف تے میم کل کائنات میاں
عین ہے اوناں دی روداد میاں
اے گل نہیں مکنی بناں عین میاں
عین ہے اوناں دی پہچان میاں
تو کلمے دی رمز نوں پہچان میاں
جو حاضر ہے اوہو رب رسول امام میاں

=====

آنکھ میں میری ہیں چاہت کے آنسو
دل میں میرے بسا ہے تو ہی تو
تیرے دم سے ہے میری منزل خوش رو
در سے تیرے ہی ملا خدا رو برو

تو ہی ہے میری اُمیدوں کی خوشبو
تو ہی ہے منزل تو ہی ہے جستجو

=====

الف اے عارفاں دا ورد کلام میاں
تو ایسے دی کر پہچان میاں
دیتا عارفاں نے کھول اے راز میاں
تو ایسے ول کر دھیان میاں
تو لہ لے بار تینوں نہیں ملنا
یار ہی ہے روپ بھگوان میاں

=====

احدیت اے وحدت دا کلمہ
تے وحدت وچ خدائی
کلمہ نفی اثبات دا پڑھیا
تاں دیکھی اس دی کل خدائی
نظر دے ایس پردے کچھے
اُس دی ساری خدائی

=====

هُوَ الْأَوَّلُ وَالْآخِرُ وَالظَّاهِرُ وَالْبَاطِنُ ○

(سورة الحديد آیت نمبر 3)

کفر	وچ	اے	یار	دا	جلوہ
تے	اُس	وچ	وسے	خدا	
دوناں	دی	ہے	اک	صورت	
تو	یار	دے	نال	نبھا	
عشق	اے	کفر	دا	ناں	
تے	جذباتاں	دا	نہ	کوئی	تھاں
عشق	منگی	سدا		قربانی	
اے	تماشا	کوئی		نا	
ہویا	فقیر	تے	پایا	راز	
ادھر	ادھر	یار	سوا	ہور	کوئی
لبھ	لنیں	تو	یار	نو	اندر
تے	دوجا	خدا	کوئی	نا	